


Ordin. Pelagos. -



7

12-8

11


~~1113~~

6.16.



XIX 8/56

7-12





PETRI DIACONI  
MONACHI,  
AC BIBLIOTHECarii  
Sacri Casinensis Archisterij  
DE  
VIRIS ILLVSTRIBVS  
CASINENSIBVS  
OPVSCVLVM

Ex celeberrima Bibliotheca Barberina  
depromptum.

*Haëtenus ineditum notisque illustratum.*

Studio & Opera

IOANNIS BAPTISTÆ MARI ROMANI,  
Sancti Angeli in foro Piscium Canonici.



R O M Æ,

Ex Typographia Reu. Cam. Apost. MDCLV.

*SUPERIORVM PERMISSV.*



IN THE  
COURT OF THE COMMONS  
OF GREAT BRITAIN  
IN PARLIAMENT ASSEMBLED  
THE PETITION OF  
THE LORDS OF THE  
COUNCIL OF THE  
CITY OF LONDON  
SHUNTHAT

THE PETITIONERS  
SHUNTHAT  
THEY HAVE  
BEEN  
COMPELLED  
TO  
PAY  
THE  
SUM  
OF  
TEN  
THOUSAND  
POUNDS  
STERLING  
IN  
REDEMPTION  
OF  
THEIR  
CITY  
FROM  
THE  
HANDS  
OF  
THE  
ENEMY  
AND  
THEY  
HAVE  
BEEN  
COMPELLED  
TO  
PAY  
THE  
SUM  
OF  
TEN  
THOUSAND  
POUNDS  
STERLING  
IN  
REDEMPTION  
OF  
THEIR  
CITY  
FROM  
THE  
HANDS  
OF  
THE  
ENEMY

ILLVSTRISS.<sup>MO</sup> & REVERENDISS.<sup>MO</sup>  
D. IOANNI BAPTISTÆ  
BARSOTTO DE PVCCINIS,  
PRÆPOSITO ISNENSI,  
Prothonotario Apostolico,  
S. CÆS. MAIESTATIS CONSILIARIO,  
Ac Eminentissimi  
CARDINALIS ab HARRACH  
CVBICVLI PRÆFECTO.



*IOANNES BAPTISTA MARVS F.*

**A**ccedit ad te (ILLVSTRIS-  
SIME DOMINE) Libellus iste ge-  
mina de causa, sponte mea,  
& iure suo: Etenim tantam  
in te humanitatem, sapien-  
tiam, nobilitatemque in te omnes suspici-  
nus, vt non minus Orbis vniuersus litera-  
rum tibi per beneuolentiam connectatur,  
uàm olim Catena Homerica tellus cœlo  
coniuncta fuit; neque id mirum mihi, qui

a. 2. fin.

singularem tuam indolem perspexi, per quā  
instauratur apud nos Pythagoricus ille con-  
centus, quem apud superos auditum Vete-  
res memorant. Virtutibus scilicet ac nobi-  
litate abundas, quæ tam iucundè, tam ama-  
biliter, tam canorè penes homines accipiun-  
tur, vt harmoniam plusquam terrestrem  
efficiant. Testatur genus, & proavos tuos  
non modo LVCENSIS patria, quæ agnoscit  
in tuis sanguinem suum, sed illa nobilium  
animarum parens, & alitrix Polonia, quæ  
Ioannem Baptistam Puccinum, auum tuum  
Italicorum secretorum apud Augustum Si-  
gismundum conspexit & participem & in-  
terpretem, quem in Germaniam ad Ferdi-  
nandum II. Cæsarem, aliosque complures  
Principes legauit Regiæ voluntatis admini-  
strum gratum omnibus, nec sine ornamen-  
to, ac prærogatiua ab ipso Cæsare, Princi-  
pibusque dimissum. Tuas verò virtutes si  
per modestiam licet, non sola Roma, non  
sola Germania, sed omnes pene Prouin-  
ciæ ad quas fama tuæ dexteritatis peruenit,  
laudant & probant. Bohemia certe debet  
tantum tuæ fidei ac prudentiæ, vt Eminen-  
tissimus Pragæ Archiepiscopus non alium  
delegerit, ac vult Romæ suarum rerum cu-  
ratorem

atorem quàm te. Nunquam orationis fi-  
em facerem si vellem reliqua vel innata;  
vel collata tibi a Principibus ornamenta  
describere; & præterea tuæ modestiæ iniu-  
lam facerem, & fortasse feci; sed hæc fuere  
indicanda, vt cõstaret libellum istum spon-  
te sua ad te accedere: Magnes est virtus.  
Non modo corda, sed etiam opuscula hoc  
magnete trahuntur.

Verùm non modo sponte sua, sed etiam  
ire suo ad te properat, tibi que debetur.  
Quisnam ignorat quantum ames sacram-  
enti Benedicti Familiam? quanta mediteris  
illi splendorem augendum? quanta  
letate Sublacense Cœnobium frequentes,  
olas & venereris? Nec immeritò. Hic  
nim summus ille Christianæ Sanctimonix  
Athleta & Magister per ingens miraculum  
venenata pocula elusit, Stygias insidias eua-  
sit, tam insignis deque Ecclesia optimè me-  
riti Ordinis fundamenta iecit; quodque  
stupendum est, tot in dies è cœlo largitur  
munera gratiarum, vt videatur esse locus  
cuiusmodi officina cœlestis liberalitatis;  
ut omittam Summorum Pontificũ Pascha-  
lis II. Urbani V. Leonis IX. Clementis III.  
& VI. Eugenij IV. Ioannis X. Benedicti VI.

ac ipsius Sancti Gregorij Magni testimonia  
quibus Sublacense Benedicti Sacrarium cō-  
mendatur, tanquam & Ecclesiæ thesaurus,  
& Benedictinæ Familiæ Seminarium.

Porro hic liber est scriptus à Petro Dia-  
cono Monacho, ac Bibliothecario Casinen-  
si, nec aliud complectitur quàm notitiam  
lucubrationum moresque Virorum Illustriū  
Casinensium, hoc est propria & immortalia  
ornamenta eiusdem Ordinis, cui tu tantum  
tribuis, adeoque ad te iure suo accedit, tuo  
etiam patrocinio & ære subleuandus. Vale.

# LECTORI.



**D**IALOGOS Victoris  
 Papæ Tertij, olim De-  
 siderij Abbatis Casi-  
 nensis, inter blattas &  
 tineas conflictantes,  
 annis præteritis è Va-  
 icana Bibliotheca depromptos, cum in-  
 ucem protraxerimus; quidam diobola-  
 is sciolus illis perlectis, virtutes Ca-  
 sinensium nos nimis extollere conquestus  
 est; critica fronte asserens, per pauca, aut  
 nulla fuisse ea, ad quæ perscribenda,  
 & peruulganda ingenium Casinenses  
 contulerint; neminemque ferè se in gra-  
 uioribus conscribendi laboribus exer-  
 uisse, honestissimæque gloriæ stimulis  
 oncitatum aliquid exarasse. Hacten-  
 us nimis profectò patienter hominem  
 insulsus obtrectantem audiuiamus; cu-  
 usque etiam si omnia dicta referre vel-

lemus , planè effec otio nostro abuti ,  
præsertim cùm scriptis prodigia se edi-  
curum elato supercilio promiserit .

O rem ridiculam , Cato , & iocosam ,

Dignamque auribus, & tuo cachinno !

*Licet enim Ordo Monasticus semper  
obtrectatores suos habuerit , ut rectè  
prodiderunt SS. Hieronymus pluribus  
in locis, & Chrysostomus in illo præcla-  
ro vite Monasticæ Clypeo, & alij anti-  
quiores : nunquam tamen audacius hoc  
nostro seculo id factum est ab impuden-  
tibus Hereticis , apud quos in tantam  
deuenit detestationem idem Monasti-  
cus Ordo ; ut nonnulli solo intuitu à li-  
brorum quamuis optimorum lectione  
abstineant, quòd Monachi nomine sint  
tantùm prenotati ; locumque etiam pro-  
uerbio plerunque faciant , Monacho  
indoctior . Quæ risum quoque moue-  
re possent Heraclito obstinatè lugenti ;  
immo*



namò nec defuit quidam misogramma,  
ui in detestationem, atque derogatio-  
nem Monachorum scribere non erubue-  
it, verecundante charta, & ipso atra-  
mento in minium verso ad tantum  
impudentia promptuarium, nonnullos  
Sanctos Patres monastico titulo desi-  
gnatos, ut opera eorum in dubium re-  
vocaret, nunquam fuisse in Monacho-  
rum numerum adscitos; dementissimè  
existimans tam solidum, validumque  
esse hoc unicum, enerue, ac ficulneum  
argumentum, ut exolutus perinde fue-  
rit onere cetera probandi. Et quamuis  
nimis falsa non sint refellenda, ne vi-  
leantur posse esse credibilia, ut rectè  
lixit Sanctus Athanasius epistola ad  
Epictetum, approbante S. Epiphanio  
veres. 77. Attamen nos ne in superbiam,  
vel ignorantiam silentium nostrum,  
licet noscamus, quam nobis sit curta  
impellens) iste ingiuendus accepturus  
sit,

fit, haud ignorantes insuper multos homines esse, iudicij parum firmi, qui nihil audiunt, leguntue, quod non credunt, nisi refutatum sciant; nulla interposita mora, memores *Vlpiani* sententiae de verb. signif. L. 12. §. 1. Minus soluit, qui tardius soluit: nam & tempore minus soluitur; praclarique etiam magni auctoris dicti. Barbaris cunctatio seruilis: statim exequi, regium. Opusculum istud pro re nata inter tenebras delitescens de *Viris Illustribus Casinensibus* à Clarissimo Viro *Petro Diacono Monacho*, ac Bibliothecario eiusdem Cœnobij conscriptum, hactenus ineditum, à pluribusque viris eruditis diù quoque expetitur, nobis è celeberrima Barberina Bibliotheca suppeditatum, singulari humanitate, ac beneficentia Viri Clar. *Caroli Moroni*; ad maledicta istius obrectatoris euertenda, ipsumque conuincendum, tibi verò beni-

benigne Lector, & bono publico promul-  
gandum duximus; cui etiam ob argu-  
nenti similitudinem adiungimus Sup-  
plementum manu exaratum Virorum  
variter Illustrium Casinensium, per Pla-  
cidum Romanum Monachum, ac Dia-  
conum eiusdem Archisterij conflatum.  
Paruum quidem, atque exiguum fate-  
mur; (neque enim res tam numero &  
magnitudine, quam pretio, & ponde-  
re, aestimanda sunt) sed accuratè, co-  
itateque scriptum à nostro Petro, qui  
anno MCXV. quo in viuis agebat,  
multa prodidit, quæ historiam Ecclesie  
lustrant, ut legere est apud Leonem  
Ostiensensem in Chronico Casinensi, cuius  
tertium librum ipse suppleuit, & quar-  
tum ei adiecit: pergratum, ac utile  
uturum etiam ijs, qui scientiarum stu-  
dijs ducuntur, auctorum, librorumque  
cognitione capiuntur; multa sanè in  
hoc opusculo, maximeque in nostris  
indi-

indicantur notis, quæ publicam meren-  
tur lucem, dum ex abditis diuersorum  
educitur Veterum Scriptorum notitia,  
quorum libri intercidisse credebantur;  
qua spreta librorum auctorum notione,  
in tenebris forsitan perpetuò iacuissent;  
& ut tumulus corpus contegit, sic no-  
men eorum in omnem fere atatem ob-  
ruisset, eorumque dein lucubrationes in  
priuatis sepulchra Bibliothecis remansis-  
sent, magno certè rei literariae damno;  
cum hac tempestate magna doctrinae  
pars existimanda sit, scire, qui libri  
Auctorum legendi, qui non legendi sint:  
Necessarium enim est haud ignorare,  
qui scripserint, & de quibus scripse-  
runt, fontesque nosse, unde hauriri  
possint ea, quæ vel ad scientias alen-  
das, virtutes procreandas, vel dete-  
standa vitia, magno vsui sint futura;  
cum absque Bibliothecis fermè inermis  
sit Religio, & inanis sapientia. Hac  
autem

autem consideratio, & per se iucunda,  
et ingenuo homine digna est, cum ad de-  
lectum Auctorum, tum ad excitandos  
inimos studiosorum plurimum faciat:  
quemadmodum Miltiadis trophæa  
Themistoclem dormientem excitabant:  
sic doctorum hominum volumina, quæ  
in hoc libello commemorantur, ad labo-  
rem, laudemque studiosorum animos  
inflammare debebunt: Et sicut omni so-  
latio viri docti priuari videntur, cum  
illis lectio interdicitur, ut olim nonnul-  
lis irrogatum hoc pænæ genus legitur à  
Tiberio apud Suetonium. Quibuldam  
inquit, custodia traditis, non modo  
studendi solatium ademptum; sed  
etiam sermonis, & colloquij usus:  
sic omne solamen ex lectione recipiunt.  
Fassus est id Angelicus Doctor, qui sa-  
crarum literarum monimenta tanti fa-  
ciebat, ut de more diceret, Se vnus  
Beati Chrysostomi homilias, vrbi  
Pari-

Parisiensi diuitijs omnibus refertissimæ, sed vel ipsis Imperijs, serio anteponere. *Libri profectò veluti studiorum instrumenta medullitus delectant, colloquantur, consulunt, & viua quadam nobis, atque arguta familiaritate iunguntur.* Sola denique scripta sunt, quæ mortales quadam famæ immortalitate perpetuant, & actibus veterum, quos traducunt ad posteros, nullam permittunt obrepere vetustatem; docet *Petrus Blesensis epist. 77. Vnde verè Martialis:*

— Chartis, nec furta nocēt, nec secula præsumt,  
Solaq. non norunt hæc monumenta mori.

*Possidius namque in calce Vita Sancti Augustini, eius perpetuam fore memoriam ob libros conscriptos, haud falsus vates confirmavit; adducto etiam hoc secularis Poeta de se loquentis epitaphio, quod tumultu suo adscribi voluit.*

Viue.

Viuere post obitum varem, vis nosse, viator?  
Quod legis, ecce loquor; vox tua nēpē mea est.

*Præterea opera pretium est nosse, non  
solum innumerabiles ferè Monachos ex  
hac nobilissima Academia Casinensi pro-  
diisse cuiusvis doctrinae genere refertos;  
verum etiam assidua fuisse diligentia,  
pietate, ac intentione, Sanctorum Pa-  
trum, aliorumque Virorum doctorum  
volumina exscribendi; ut postea in-  
rebus dubijs ad m. ss. Codices, & anti-  
quos impressos, ex quibus vera lectiones  
restituuntur; tanquam ad oracula quæ-  
dam tutissimè Viri docti, ac eruditi  
confugere valerent; quod lege cauerunt  
prudentissimi Imperatores Theodosius &  
Valentinianus lib. i. C. Theodos. de re-  
sponsis Prudentum: cum non modò au-  
ctoribus plerisque deficiamus, sed etiam  
hi, qui ad manus, non æque omnes  
emendati sunt. Vnde planè ridiculi  
censeri debent, qui emendato nē, an*

inc-

inemendato libro utantur, sua nihil  
putant interesse; cum certè si deprava-  
tis utimur codicibus, nil aliud supersit,  
nisi, ut Ixioni similes umbram pro  
re, errorem pro scientia amplectamur.  
Premissa hac igitur animaduersione,  
subnectenda venit hac obseruatio, tan-  
tam nempe diligentiam in accuratè ex-  
scribendo fidelium illam prisci cui pie-  
tatem adiunxisse; ut nec promiscuè  
omnibus Euangelium, Psalterium, aut  
Missale exscribere licitum fuerit; sed  
perfectę ætatis homines huic muneri eli-  
gebantur, ut errores magis cauèrent.  
Quod notatū legitur in capitulari Aquif-  
granensi cap. 72. Si opus est Euange-  
lium, vel Psalterium, & Missale scri-  
bere, perfectæ ætatis homines scri-  
bant cum omni diligentia. Et qui-  
dem nullus labor, qui manibus exerce-  
tur, magis Monachis conuenit, quàm  
officium scribendi; cum illud sit manu  
homi-



hominibus predicare, digitis linguas  
aperire, salutem mortalibus tacitam  
dare. Vide quæ Gerson latè disputauit  
in integro libro de laude scriptorum, hoc est  
exscriptorum, siue amanuensium; ac  
Trithemium, qui pariter integrum de  
laudibus ipsorum conscripsit librum;  
adi Theophilum Raynaudum Societa-  
tis Iesu, alterum penè Dydimum Chal-  
centerum, de bonis, ac malis libris par-  
tit. 3. erot. 4. fol. 309. Tantaque etiam  
industria, ac studio incredibili insuper  
vsi esse traduntur; ut continuo velut  
uno opere eandem incudem diu, no-  
tuque tundentes, scriptos codices ali-  
qui artificiosè conglutinent, mira-  
animi attentione corrigerent alij, rubro  
cateri exornarent; Theodosij Imperato-  
ris exemplum imitantes, qui cum à  
publicis vacaret, libros sacros tanta  
elegantia scriberet, ut Calligraphi no-  
men indè acceperit; testis est Raderus

b

in

in Aula sacra cap. 6. Immò illotis manibus sacros codices contingere, piaculum ulterius existimauerint. Quod simile quidpiam etiam à Gentilibus factitatum reperimus; ita tamen, ut præter manus, etiam pedes, auresque lustrarent. Plutarchus orat. 2. de esu carniū ita loquitur. Quamquam nos fortasse peccamus, qui libros istos attingimus, non lustratis manibus, pedibus, auribus. Quàm verè gratus Diuina bonitati esset labor iste exscribendi, perspicuo, ac euidenti miraculo declaratus agnoscitur; dum Trithemius memorat de laudibus scriptor. man. cap. 6. fuisse in quodam Cænobio Benedictinorum quendam Monachum, qui in scribendis ad ornatum Bibliotheca voluminibus, sedulum, elaboratumque ponebat studium; ita ut quotiescunque à diuino potuisset vacare officio, ad secreta cellæ se conferens  
huic

huic sancto labori insisteret; unde & multa Sanctorum opuscula cum ingenti deuotione descripserit. Huius mortui ossa cum post multos annos exhumerentur, tres digiti dexterae manus, quibus tot volumina scripserat, tam integri, & incorrupti inuenti sunt, ac si eodem tempore sepulchro fuissent impositi; reliquum autem corpus, ut moris est, consumptum ad ossa fuerit. Simile etiam factum de Richardo Anglo Praemonstratensi, legere est apud Caesarium lib. 12. cap. 47. Hinc viri pietate ac eruditione insignes, Diuinam prouidentiam tanti habere laborem istum exscribendi animaduertentes (ne multa Sanctorum Patrum, Ecclesiasticorumque Scriptorum monumenta perirent, quod facile euenisset, nisi Monachorum opera ad posteros fuissent transmissa) in florentissimam Academiam Casinensem, veluti literarum

tunc temporis Seminarium, innumera-  
bilem penè m. ss. ac impressorum co-  
piam transtulerunt; ita ut hodie in  
tota Italia, nulla sit paulò celebrior Bi-  
bliotheca, quæ non aliqua ex parte  
ipsorum nobilibus thesauris locuplete-  
tur. Vide quæ notavit noster Petrus in  
auctario histor. Casinens. lib. 3. cap. 62.  
edit. Veneta de libris, quos solum De-  
siderius Abbas, deinde Victor Papa  
Tertius, exscribi curavit; & tunc non  
immeritò fidem nobis dabis; velleque  
propterea sacrum Asceterium Casinense  
eruditionis merita laude spoliare, est  
rem manifestam negare; non secus at-  
que olim Zeno motum è rerum natura  
sustulit, niui candorem detraxit Ana-  
xagoras; & Soli concessam ab omni-  
bus Astronomis magnitudinem, Epicu-  
rus. Faceffant denique hæc ludicra  
risu potius despicienda, quàm disputa-  
tione seria confutanda; & producamus  
post

*post fabulam tantam istius polymythi  
Sycophanta, id, quod illustris ille eccle-  
siastica antiquitatis praeo Cardinalis  
Baronius tom.ix. anno DCCXVI suis  
Annalibus de Casinensibus intexuit :*  
Sed & illud, inquit, absque trepida-  
tione mendacij asseri iure potest:  
nullum vnquam toto Christiano  
Orbe extitisse aliquando Monaste-  
rium, ex quo tot viri sanctitate con-  
spicui, atque doctrina tanta nume-  
rositate, ad regimen sanctæ Aposto-  
licæ Sedis adsciti fuerint ; vt planè  
dici possit , fuisse idem aliquando  
Seminarium sacrorum Antistitum,  
prout quæ suo loco dicturi sumus,  
manifestè docebunt . *Vertat nunc  
igitur se in omnes formas Proteus iste,  
& Casinensium Academiam, vt liber,  
oppugnet simul cum ijs, qui in ipsa face  
ignorantia volutati, omnibusque pu-  
doris repagulis perfractis, otiosam appel-*  
*b      3      larum,*

larunt, omnisque rei literaria expertem  
etiam crediderunt. Hæc tibi, benigne  
Lector, significare volumus, Umbra-  
ticos impugnatores, dentesque Theoni-  
nos Casinense Archisterium Cænobita-  
rum sanctitate, ac doctrina celeberrimum non metuere, cum tantorum Do-  
ctorum refugium sibi ipsi patere videat;  
totque ex se tanquam præclaros genuisse  
filios, qui ingenij sui monumentis, om-  
nique bonarum literarum genere Chri-  
sti Ecclesiam locupletarunt. Veritas  
defensore non eget, & mendacium  
plerunque cadere nullo impellente, ac se  
ipsum subvertere, dixisse Augustinum  
memor esto. Demum ne mireris obnixè  
precamur, si non cunctos noster Petrus  
scriptores Casinenses, & omnes eorum,  
quorum meminit, lucubrationes recen-  
suerit; præsertim cum pedem è nauigio  
ponere animus ei non fuerit; quod fa-  
cile dignoscimus è scriptis eius, uti è  
vesti-

*Vestigio Hercules : sed pro certò habendum, multa diuersorum Scriptorum monumenta, superstite Petro, adhuc in diuersis priuatis Bibliothecis latitasse, omniaque propterea legere, aut expiscari ex animi sententia non valuisse; maxime hominem publicis, priuatisque negotijs districtum; commodiori tempore omnes annotaturum. Et si fortè, mi Lector, hac minus ad gustum tuum; en patrocinium: scias quod ab indigentia crimine tueri eum possumus, non solum exemplo, quòd neque Trithemius, aut Pantaleo, aut Cornelius Callidius, cùm de Germanis; neque Sammarthanus cùm de Gallis; neque Ferd. Matamoros, cùm de Hispanis; neque Folieta, cùm de Liguribus; neque Miraus, cùm de Flandris; neque Hebediesu, cùm de Chaldeis (beneficio Vir. Clar. Abrahami Ecchellensis ex tenebris, atque obscura caligine anno*

præterito-eductus, eruditissimisque notis illustratus) neque alij, cum de Civibus suis, aut socijs scriberent; omnes tunc simul complexi sunt; quos maiori forsân adhibita diligentia, aut fortuna magis propitia complecti potuissent: Verum etiam sententia Varronis, qui aiebat, neminem reprehensum esse, qui stipulam reliquisset ad spicilegium: quod confirmavit Columella de Re rustica. In magna sylva, inquit, boni venatoris est, feras indagare: quam plurimas capere. neque cuiquam culpæ fuit, non omnes cepisse; præsertim, cum munere suo quisquis bene fungitur, si avido Lectori famem utcumque sedat, quamvis non penitus eximat. Et ut rem dicamus; si olim Ciuem unum seruanti ciuica donabatur; quamnam coronam plectere debent musici omnes Κισσοφόροι nostro Petro, dum non unius, sed plurium illustrium



strum virorum nomina ab interitu  
vindicauit, thesaurosque elucidauit  
inuisos? Uni sapienti notum est, quanti  
res quaeque taxanda sit. Denique super-  
fluam rem etiam nos non agere, cum  
iam de Scriptoribus Casinensibus Tri-  
themius, Arnoldus Vuion, alijque abun-  
dè quoque id praestiterint, in eorum  
indice non tam sollicitos fuisse, inscius  
ne sis, quin multos non agnouerint; &  
quos agnouisse, se referunt, singula  
accuratè eorum postea non recitasse  
opuscula. Fruere igitur, studiose Le-  
ctor, Casinensium laboribus; tibi-  
que persuadeas: quòd si amor, studiumque  
literarum te incendit (licet fateamur  
ingenuè, multos literarum cepisse ta-  
dium; quia vident ea facta esse ini-  
micorum retia, quae honesti erant ani-  
mi instrumenta) ex polymathiae Casi-  
nensis thesauris aliqua istorum Heroum  
literariorum scripta transcribere, vel

excusa, cum m. ss. conferre; scito nostris temporibus librorum pretium se non remoraturum; sicuti de Platone legitur, qui tres Philolai Pythagorici libros decem millibus denarium, etiam in difficultate rei familiaris, est mercatus, ex quibus plura in suum deinde Timaeum usurpavit, ut auctor est Iuriconsultus Gallus Antiq. Roman. lib. 4. par 2. cap. 16. & de Aristotele, qui creditur libros pauculos Speusippi emissetribus talentis Atticis, quorum summa fit apud Romanos H S. duo & septuaginta millia, teste A. Gellio lib. 3. cap. 17. Nec etiam animum tuum perturbatum, ignavumque reddere debebit exemplum Nicolai V. Summi Pontificis, qui ducatorum quinque millia ad se Evangelium D. Matthaei Hebraicum afferenti promiserat, ut scribit Eckius homil. de S. Matthaeo; cum Casinenses non inducti pecunia, sed studio gloria diui-

diuina, beneuolentia, ac liberalitate  
paratos se offerunt tibi illa prodere; &  
tanquam te veterum scriniorum ex-  
cussorem, manuscriptorumque exem-  
plarium conquisitorem agnoscentes, ad  
illa euulganda cohortabuntur, impel-  
lent, gratique animi calcaribus insuper  
perurgebunt. Reminisci quoque te vo-  
lumus, fauore, non odio, dignam hanc  
nostram esse propensissimam benè de Re-  
publica literaria merendi voluntatem;  
dum totum nostrum studium hisce  
thesauris reperiendis, tuo, & bono pu-  
blico impendimus. Aue mi Lector,  
& faue.

*Imprimatur,*

Si videbitur Reuerendiss. Patri Magistro Sacri  
Palatij Apostolici .

*Marcellus Anania Episc. Sutrinus,  
& Nepefinus Vicesg.*

~~~~~

*Imprimatur,*

Fr. Dominicus Manettus Magister , & Socius  
Reuerendiss. P. Fr. Raymundi Capisucchi  
S. P. Apost. Magistri, Ord. Prædicatorum.

IN.

# I N D E X

## Scriptorum Alphabeticus.

### A

|                                             |         |
|---------------------------------------------|---------|
| <b>A</b> DT O Constantini Africani Auditor. | pag. 68 |
| Albericus Diaconus Cardinalis.              | 59      |
| Alphanus Archiepiscopus Salernitanus.       | 53      |
| Amatus Episcopus incertæ Sedis.             | 57      |
| Andreas à Sueffa.                           | 133     |
| Angelus Sangrinus.                          | 116     |
| Antonius Frachensis.                        | 126     |
| Apollinaris à Baueo.                        | 132     |
| Arialdus.                                   | 64      |
| Augustinus Patauinus.                       | 114     |
| Authpertus Abbas.                           | 33      |

### B

|                                            |     |
|--------------------------------------------|-----|
| <b>B</b> ASSATIUS Abbas.                   | 28  |
| S. Benedictus Abbas.                       | 3   |
| Benedictus, qui & Guaiferius Salernitanus. | 72  |
| Benedictus de S. Seuerino.                 | 114 |
| Benedictus Canophilus Sangrinus.           | 120 |
| Benedictus à S. Germano.                   | 124 |
| Benedictus Capuanus.                       | 128 |
| Bernardus.                                 | 89  |
| Bernardus Ayglerius Cardinalis.            | 110 |
| Bernardus de Ianua.                        | 125 |
| S. Bertarius Abbas & Martyr.               | 29  |
| S. Bruno Episcopus Signiensis.             | 82  |

CHRY.

|                                                                                 |     |
|---------------------------------------------------------------------------------|-----|
| C                                                                               |     |
| <b>C</b> HRYSOSTOMVS de S. Gemiliano<br>Calaber, Archiepiscopus Ragusi-<br>nus. | 121 |
| Constantinus Africanus.                                                         | 65  |
| Cyprianus.                                                                      | 16  |

E

|                                |    |
|--------------------------------|----|
| <b>E</b> RCHEMPERTVS Diaconus. | 37 |
|--------------------------------|----|

F

|                                                                       |     |
|-----------------------------------------------------------------------|-----|
| <b>S. F</b> AVSTVS discipulus S. Benedicti.                           | 7   |
| Flavius de Ferraria siue Heroules<br>Tombesius Episcopus Rauellensis. | 122 |

G

|                                                 |     |
|-------------------------------------------------|-----|
| <b>G</b> ELASIVS Papa Secundus.                 | 96  |
| Gregorius Episcopus Tarraeensis.                | 79  |
| Gregorius Episcopus Sinnessanus.                | 82  |
| Gregorius de Viterbio.                          | 119 |
| Gregorius Cardinalis Cortesius.                 | 134 |
| Guaiferius Salernitanus, qui & Benedi-<br>ctus. | 72  |
| Guido.                                          | 92  |

H

|                                                                      |     |
|----------------------------------------------------------------------|-----|
| <b>H</b> IERONYMVS Caracciolus.                                      | 123 |
| Hieronymus Serfalius Cosentinus.                                     | 131 |
| Hildericus Abb discipulus Pauli Diaconi.                             | 27  |
| Honoratus Iserniensis ex Familia Fasci-<br>ella Episcopus de Insula. | 118 |

IGNA-

## I

|                                                  |     |
|--------------------------------------------------|-----|
| <b>I</b> GNATIVS Squarcialupus Florentinus.      | III |
| S. Ioannes Capuanus Abbas.                       | 39  |
| Ioannes Medicus Constantini Africani discipulus. | 87  |
| Ioannes Diaconus.                                | 90  |
| Ioannes Tiburtinus.                              | 99  |
| Ioannes Euangelista Mormilius Neapolitanus.      | 129 |
| Innocentius de Nouaria.                          | 115 |
| Iustinus Hispanus.                               | 114 |

## L

|                                     |     |
|-------------------------------------|-----|
| <b>L</b> ANDENVLPHVS Capuanus.      | 71  |
| Landenulphus.                       | 91  |
| Laurentius Episcopus incerta Sedis. | 14  |
| Leo Episcopus Ostiensis.            | 74  |
| Leo Cardinalis Diaconus.            | 78  |
| Lucas Fratensis.                    | 123 |
| Lucas Antonius de Firmo.            | 126 |

## M

|                                         |     |
|-----------------------------------------|-----|
| <b>M</b> ARCVS discipulus S. Benedicti. | 10  |
| Matthias de Bergamo.                    | 124 |

## O

|                                                                           |    |
|---------------------------------------------------------------------------|----|
| <b>S. O</b> DERISIVS Primus huius nominis Abbas Casinensis, & Cardinalis. | 71 |
|---------------------------------------------------------------------------|----|

## P

|                                         |      |
|-----------------------------------------|------|
| <b>P</b> ANDVLPHVS Episcopus Ostiensis. | 68   |
| pag.                                    | 69   |
| Pandulphus Capuanus.                    | Pan- |

|                                                                               |     |
|-------------------------------------------------------------------------------|-----|
| <i>Paulus Diaconus Aquileiensis.</i>                                          | 16  |
| <i>Paulus de Liguria, qui etiam Gram-</i><br><i>maticus.</i>                  | 87  |
| <i>Paulus de Alta-Villa.</i>                                                  | 124 |
| <i>Petrus Diaconus Theanensis.</i>                                            | 91  |
| <i>Petrus R. E. Subdiaconus.</i>                                              | 94  |
| <i>Petrus Diaconus Casinensis Biblioth. au-</i><br><i>ctor huius libelli.</i> | 99  |
| <i>Pius Lottherius Neapolitanus Episcopus</i><br><i>Fundanus.</i>             | 127 |

## R

|                                         |     |
|-----------------------------------------|-----|
| <b>R</b> <i>ARNALDVS Subdiaconus.</i>   | 95  |
| <i>Richardus Cardinalis de Molaria.</i> | 109 |
| <i>Roboas siue Noboas Diaconus.</i>     | 94  |

## S

|                             |     |
|-----------------------------|-----|
| <b>S</b> <i>EBASTIANVS.</i> | 12  |
| <i>Seuerus Auerfanus.</i>   | 123 |
| <i>S. Simplicius Abbas.</i> | 12  |
| <i>Stephanus Papa X.</i>    | 44  |

## T

|                             |     |
|-----------------------------|-----|
| <b>T</b> <i>HEODORICVS.</i> | 41  |
| <i>Theophanus Diaconus.</i> | 27  |
| <i>Theophilus Senensis.</i> | 128 |
| <i>Thomas ab Ebulo.</i>     | 131 |

## V

|                                     |    |
|-------------------------------------|----|
| <b>V</b> <i>ICTOR Papa Tertius.</i> | 48 |
|-------------------------------------|----|



PETRI DIACONI  
 MONACHI  
 ET BIBLIOTH. CASINENSIS  
 DE  
 VIRIS ILLVSTRIBVS  
 EIVSDEM SACRI ARCHISTERII  
 Opusculum.

OPUSCULUM

PROLOGVS.



CIVIS AC TVS assiduis tuis  
 imperijs, Pandulphæ Præ-  
 sul venerande, arduam,  
 difficillimamque rem api-  
 cibus exarare sum orsus;  
 Illustrium scilicet Viro-  
 rum Casinensis Archiste-  
 rij librum. Opusculum  
 isto in tempore novum,  
 obliuioni que penè iam traditum; quod vtinam  
 qui perspexerint, cum quanta cordis id mœsti-  
 tia scripserim, aduertere valeant: Nam stupor,  
 & hebetudo ingens nostri opplevit pectoris

A

arcem,

arcem, cur à sexcentis fermè iam annorum,  
 curriculis in Casinenſi Gymnaſio non extite-  
 rit, qui hunc vilibus ſaltem mandaret ſchedu-  
 lis librum; & hoc non cauſa inſcitiz, ſed labo-  
 rem, ac detrahentiũ linguas fugiendo accidit.  
 Nunc enim illud Deiloqui eſt conſummatum  
 oraculum; in quo perſpicimus homines ſe-  
 metipſos amantes, & quæ ſua ſunt quærentes,  
 non quæ Ieſu Chriſti, detractiõnique arden-  
 tiſſimè operam dantes. Et primo quidem à  
 Tranquillo, Græcoque Apollonio cœptum, ſed  
 ab Illuſtriſſimis Viris Hieronymo, Gennadio,  
 atque Iſidoro apud Romanos ad finem eſt  
 uſque perductum. Et quamuis ab alijs nihil  
 eſt tam operoſè actum, quod non Hieronymi  
 eloquentia ſuperet; poſt iſtorũ tamen è mun-  
 do reſeſſum, nullus inuentus eſt, qui illud ad  
 calcem perduceret. Guido præterea noſter  
 inſtitutor, moribus vitæque præcipuus, ante  
 hoc fermè ſeptennium, opusculum ſcribere  
 aggreſſus eſt iſtud; ſed laborioſum inibi videns  
 iacere materias, ea dimiſit facilitate, qua cœ-  
 perat: quòd ſi ille, longè me in ſermone, ſen-  
 ſuque præpollens, rem cœptam dimiſit; ego  
 qui acumine mentis iners, ſermoneque impo-  
 litus, & varijs rebus ſum implicatus, quid  
 acturus ſum? Sed ad ea quæ imminent, ſtylus  
 ſequens vertatur.

C A P V T I.

**B**ENEDICTVS Monachorum institutor  
Vir egregius, ac post Apostolos singularis,  
Provincia Nursiæ extitit oriundus, ex patre  
Eutropio nomine, matre Abundantia, auctore  
Iustiniano, nutrice Cyrilla. Postquam duo-  
decim Monasteria Christo adiuvante constru-  
xit temporibus Iustiniani Imperatoris, præ-  
dictas cellas sub Præpositis ordinans, diuino ad  
se facto responso; duobus Angelis comitanti-  
bus, ad Euangelium prædicandum, paganosque  
ad Christum conuertendos, Casinum aduenit;  
vbi templa idolorum destruens, Cœnobium,  
construens, circumstantes paganos ad Chri-  
stum conuertit. Scripsit autem iam senex in  
eodem Casinensi Cœnobio Monachorum Re-  
gulam, discretionem præcipuam, sermone lucu-  
lentam, epistolas verò duas; primam ad Re-  
migium Rhemensem Archiepiscopum; secun-  
dam ad Maurum suum discipulum, quem in  
Gallijs ad prædicandum direxerat, elegantissi-  
mo sermone composuit. Fuit autem tempo-  
ribus Anastasij, Zenonis, Iustini, & Iustiniani  
Imperatorum; sepultus verò est in Casino in  
Ecclesia S. Ioannis Baptistæ ante altare, vbi à  
toto Orbe venerabiliter honoratur.

## A N N O T A T I O .

**N** *V*r<sup>s</sup>ia ex Patre Anicio Eupropio, & Abundantia matre, ex illustri Riguardatorum familia, unica Nursini Comit<sup>is</sup> filia, facultatumque eius, ac cognominis herede, Sanctus Benedictus Natione Romanus, Monachorum in Occidente antesignanus ac princeps, eodem cum sorore Scholastica partu nascitur anno Domini CCCCLXXX. quibus editis, mortua est mater; quasi iam satis vixisset, cum tantos talesque relinqueret posteros; nec alia videretur nupsisse causa, quam ut talium Sanctorum fieret mater. Eius res gestas non solum S. Gregorius Papa Magnus, omnium virtutum Magister, fusè prosequutus est lib. 2. Dialogor. (quem Gregorij librum Ingolstadienses græcolatinum annis superioribus publicarunt) verum etiam ambitioso quasi præconio Alexander Secundus, Victor Secundus, Summi Pontifices; Ioannes Trithemius, Card. Baronius, ac Arnoldus Vuion, qui Lignum vitæ duobus tomis complexus est, in quo propago tanti Patris accuratissime conscripta est, copiosè traderunt. Videndus etiam Benedictus Hestenius, Monasterij Affligeniensis Præpositus lib. disquisit. Monast. prolegom. 1. in vita Sancti Benedicti, diffusè de eo agens.

Præter memorata à nostro Petro conscripsit etiam Patriarcha Benedictus, De Ordine Monaste.

nasterij, qualiter, inquit, à Fratribus religiosè  
 ac studiosè conuersari, ac Domino militare  
 oportet, librum unum, qui incipit. In primis  
 nocturnis horis. Hic verò liber una cum Re-  
 gula excusus fuit apud Iunctas Venetij an-  
 no MDXCIII, in xvj. parte folij, procurante  
 Arnolde Vuione, quamuis in hoc opusculo qua-  
 dam occurrant verba, qua suspicionem inge-  
 runt, ut S. Benedicto non videatur hic liber  
 tribuendus; pro qua re lege dictum Hastenium  
 fol. 1062. Literis etiam consignauit sermonem  
 in discessu Sancti Mauri, cuius initium. Si tri-  
 standum, dilectissimi, qui integer habetur in  
 Martyrologio Benedictinorum Arnoldi Vuio-  
 nis ad diem xiv. Ianuarij: Sermonem pari-  
 ter in passione Sancti Placidi, & Sociorum his  
 verbis. Sicut Patris est gaudere. Hic verò  
 excusus est in epistola Sicularum ad Sanctum  
 Benedictum, qua ad calcem Casinensis Chroni-  
 ci editionis Venetæ fuit adtexta. Supradicta  
 opuscula simul colligata reperies in nouissima  
 Bibliotheca Sanctorum Patrum, & postremo  
 loco in Theologia Regular. Cl. Viri Patris Ca-  
 ramuelis Ord. Cisterciensis, doctissimis etiam  
 illustrata commentarijs. Notandum verò,  
 quòd licet epistola ad S. Remigium, qua in fine  
 d. Chronic. Casin. & alibi legitur, in dubium à  
 Card. Baronio tom. 6. annal. anno DVII. una  
 cum tota historia reuocetur; lapsusque ex no-  
 minum similitudine irrepsisse putet: attamen  
 cum eam veram Petrus Thiraut lib. singul.

de Daemoniacis agnoscat, nec post edita Baronij scripta quidquam insinuet dubitationis, defendendo etiam eam Antonius de Tapes in Chr. Ord. Balduinus Moreau in opusculis Sancti Benedicti, & Georgius Coluenerius in scholijs ad Flodoardi historiam; lectoris propterea iudicio relinquimus, ut ipse suapte diligentia discernat, quid verè Sancto Benedicto tribuendum, quidue illi abiudicandum censeat. Non est autem hoc loco silentij tenebris inuoluendū, quod nouissimè ad huius epistolæ fidem adstruendam dictus Hastenius comm. ad vitam S. Benedicti cap. 16. disq. monast. se inuenisse refert, in antiquo videlicet m. s. Cod. Bibl. Monast. Sancti Martini Tornaci, alteram epistolam Monachorum Rbemensium post quingentos annos à Sancti Benedicti obitu ad Casinenses perscriptam, quam totam ibi integram reddit. Denique an verè cuncta supradicta lucubrationes genuini sint fœtus S. Benedicti, discutitur solita diligentia, eruditione, ac doctrina à prefato Caramuele in Theolog. Reg. p. 2. ideo lectorem ad eum remittimus.

Vixit Sanctus Benedictus annos L X I I I. cum habitasset Nursia annos septem, Roma septem, Sublaci trigintaquinque, Casini quatuordecim; stans atque erectus in templo inter discipulorum manus (editis prius perfectæ administrationis copiosis actibus, relictis pietatis præclaris monumentis, ac congestis innumeris meritorum manipulis) efflat animam, quæ  
illustri

*illustri via ad Cælum deduci visa est, anno Domini DXLIII. die xxj. Martij, hora tertia matutina, & sepulchro appositum epitaphium, ut refert Syluester Maurolicus lib. 1. hist. sac. omnium relig. de Sancto Benedicto agens.*

Nursia me genuit, specus obtulit alta, Casini  
Me rapuit vertex, aula beata tenet.

*Caterum, de die & anno obitus S. Benedicti extat controuersia, quam affert & dissoluit rei Chronologica peritissimus Vir Dionysius Petavius in Rationario temporum par. 2. lib. 4. cap. 14. illucque amandamus lectorem plenioris discussionis huius puncti avidum.*

## C A P I T U L U M II.

**F**AUSTVS eiusdem Patris Discipulus, septennis in Casino oblatas, & à Sanctissimo Benedicto cum Mauro Casinensi Proposito in Gallias directus, post suam reuersionem, Beati Mauri vitam ex iussione Abbatis Theodori lucidissime valde composuit. Clauit autem temporibus supradictorum Imperatorum, sepultus autem est in Monasterio Lateranensi.

## A N N O T A T I O.

**S**anctus Faustus natione Italus, Dñi Benedicti primarius affectu, ac symonia

sensuum, a ffectionumque mortificatione fuit tanta, ut supra imitationem fuisse videretur. Cùm septem annorum esset, Divo Benedicto à parentibus suis fuit oblatus; à quo tandem post perfectam regularis propositi institutionem, cum B. Mauro missus fuit in Gallias anno salutis DXLII. Arnoldi Vuionis annorum calculo; at iuxta computum Ecclesie, anno DXXXV. ad construendum Cœnobium, ubi in magna sanctitate multis annis conuersatus, tandem ad Lateranense Monasterium est regressus. Testatur id etiam Martyrologium Gallicanum Cl. V. Andrea Suassay in supplemento ad diem xv. Febr. his verbis. Depositio Sancti Fausti Monachi Casinensis, Discipuli Sancti Benedicti, qui aliquandiu in Cœnobio Glanofolij in Andegauensi præsulatu ad Lygerim, sub Sancti Mauri disciplina conuersatus, postea redux in Italiam apud Casinum, suum cursum finiuit, &c.

Is erat per hæc tempora calamitosissima Italia status, ut Langobardis crudeliter ubique grassantibus, nulla urbs tam munita, nullus locus tam remotus inueniretur, quò illi suis incursionibus non perrumperent. Neque Cœnobium Casinense cladis acerbissimam calamitatem effugere potuit; quam etiam Sanctus Benedictus prænuñciauerat. Itaque fugientes Monachi ex eodem Cœnobio Romam profecti sunt, & Pelagiam secundum Pontificem adierunt, ab eoque benigne accepti, iuxta Latera-



teranense Patriarchium, Monasterium in honorem SS. Ioannis Apostoli, & Euangelista, ac Pancratij Mart. construxerunt, ibique spatio centum triginta annorum habitarunt; in quo degens S. Faustus vitam S. Mauri Abbatis in Gallia cōdiscipuli sui, qui septuagenario maior in Cœlum migrauerat an. Dom. DLXXXIV. iuxta verò Chronolog. Cl. V. Guesnay in vita S. Ioannis Cassiani, anno DLXV. luculentissime literis consignauit, sub Christi anno DCVI. quod colligitur ex præfatione, in qua sic loquitur ipse Faustus. Hoc opusculum Beatissimo Papæ Bonifatio ostendi; quod ipse Sanctissimus Pontifex approbans laude dignū duxit, suæque sanctæ auctoritate roborauit. Fuit is Bonifatius Papa III. ut Leo Ost. Chron. Casin. lib. I. cap. 3. testatur, qui anno DCVI. sedere cœpit, & anno eodem decessit, succedente Bonifatio IV. Papa. Vnde corrigendus Trithemius de script. Eccles. in verbo, Faustus, qui ad Bonifatium II. scripsisse refert. Editæ est ea vita à Lippomanno, & Surio ad diem xv. Ian. & à Mombritio tom. 2. Vide Acta Sanctorum V. Cl. Bollandi ad hanc diem, in quibus vita, translatio, ac miracula S. Mauri accuratè descripta leguntur. Adietiam notas V. Cl. Ioannis Tamayo in Martyrol. Hispan. ad diem xiv. Ianuar. Obseruauit tamen Hugo Menardus in notis Mart. Bened. prædicta acta esse corrupta; tu tamen illum consule. Extare etiam in Bibliotheca Carmelitarū Excalceatorum

torum Claromontensium in Aruernia, vitam  
*m. s. Sancti Mauri metro, & prosa scriptam per*  
*Odone m: Libellum miraculorum eiusdem:*  
*sermonem de translatione eiusdem in Mona-*  
*sterium m Fossatense, docet Vir Clar. Philippus*  
*Labbeus Societatis Iesu in noua Bibliot. m. s. s.*  
*librorum edita Parisijs anno præt. pag. 206.*  
*De gestis Faustii agit Sigebertus cap. 32. de*  
*script. Eccles. Martyrol. Benedict. sub die xv.*  
*Febr. Galestinus, Maurolycus, & Trithem.*  
*de Vir. Illustr. Ord. S. Bened. lib. 2. cap. 2. &*  
*lib. 3. cap. 3. Leo Ost. lib. 1. cap. 3. Hist. Casin.*  
*Vincent. in specul. hist. lib. 21. cap. 68. & 69.*  
*V. Cl. Gerardus Io. Vossius de hist. Lat. lib. 2.*  
*cap. 24. Ad lucis æterna premia euocatus fuit*  
*S. Faustus circa annum Domini DCXX.*

## CAPVT III.

**M**ARCVS Patris Benedicti discipulus, &  
 Casinensis Monachus, Vir egregius, &  
 in Scripturis apprimè eruditus. De Aduentu  
 Sanctissimi Benedicti ad Casinum; de situ lo-  
 ci, constructioneque Cœnobij, elegantissimos  
 versus composuit.

## ANNOTATIO.

**M**Arcus à S. Benedicto familiarissimè dile-  
 ctus; vir ad poeticam artem extollen-  
 dam à natura progenitus, moribus & conuer-  
 satione præclarus, ac in literis etiam seculari-  
 bus peritissimus. Et ne Marci auctoritas à  
 non-

nonnullis parui habeatur, tanquam obscuri  
 alienius Scriptoris, hic producere de eo quo-  
 rundam veterum Scriptorum testimonia non  
 alienum duximus. *Paulus Diaconus lib. 1. cap. 26. de gestis Langob. sic ait:* Hæc omnia  
 ex Marci poetæ carmine sumpsi, qui apud  
 eundem Patrem (*Benedictum*) huc veniens  
 aliquot versus in eius laude composuit. Ea-  
 dem referuntur ab *Aldreualdo lib. 1. cap. 4. de*  
*mirac. S. Bened. Sanctus Petrus Damianus*  
*serm. 8. in vigilia S. Benedicti.* Hæc planè de  
 Marci, eiusdem, videlicet D. Benedicti, disci-  
 puli venusto carmine iam deflorauimus. *Vi de*  
*etiam Sigibertum de Script. Eccles. cap. 33.*  
*Præter recensita à nostro Petro, quæ inedita*  
*remanferunt, scripsit etiam versibus heroicis*  
*eiusdem Sancti Benedicti magistri sui non-*  
*nulla miracula à Diuo Gregorio Papa primo*  
*omissa: quæ carmina cum diu delituisse,*  
*excusa, modo reperiuntur in tertio poematum*  
*volumine D. Prosperi Martinengi Romæ an-*  
*no MDXC. in iv. studio, & opera Arnoldi*  
*Vuionis, ut ipse testatur lib. Lig. vitæ; quæque*  
*Mantua in Cœnobio Sancti Benedicti inuen-*  
*ta etiam refert. Scripsit insuper Gnomas im-*  
*pressas Haganae anno MDX. & X. In aliis*  
*quedam opuscula conuersa per Ioannem Picū,*  
*edita sunt Parisijs ann. MDLXIII. in viij*  
*Claruit eodem ferè tempore, quo S. Faustus*  
*id est, usque ad Imperium Heraclij Augustij*  
*anno Domini D. C. X. anno*

## CAPVT IV.

**S**EBASTIANVS B. Benedicti Monachus, Hieronymi doctoris egregij vitam describens, legendam Ecclesijs tradidit: in qua, quæ ei à puero institutio, quale in iuuentute studium, quæ in senectute ei scientia fuerit, lucidissime satis demonstrat.

## A N N O T A T I O.

**V**Ita Sancti Hieronymi Ecclesiæ Doctoris maximi, pluribus referta mendacijs, quæ sine auctore vagatur, teste Card. Baronio ad annum CCCCXX. num. 49. non videtur tribuenda nostro Sebastiano, ut aliqui perperam arbitrati suo scriptis fecerunt; cum tantum ab ipso literis demandata fuerit vita aqualis sui S. Hieronymi discipuli S. Benedicti, non autem Ecclesiæ Doctoris; illamque deinde Cœnobijs Benedictinis legendā tradidisse scribit Arnoldus lib. Ligni vita. Vide Gerardum Io. Vossium, diffuse, reconditeque eruditionis virum, lib. de hist. Latinis in Sebastiano. Floruit circa annum Dom. DLX.

## CAPVT V.

**S**IMPLICIUS Sanctissimi Benedicti discipulus, ac post eum in Casino Abbas effectus:

ctus : Regulam, quam suus magister ediderat publicè legendam omnibus Monachis tradidit : Versus quoque nonnullos de eadem re descripsit. Fuit verò temporibus Iustini Iunioris, sepultus autem in Casino iuxta corpus B. Benedicti.

A N N O T A T I O.

**S**anctus Simplicius Abbas ab obitu Divi Benedicti tertius, ut docet S. Greg. lib. 2. Dial. in princ. Vir cœlestibus charismatibus praeditus, omniq. testimonio sanctitatis illustris. Versus, quos in laudem Regulæ Sancti Benedicti descripsit, unà cum diuersis alijs Sanctorum Monachorū Regulis, in lucem propediem dabit vir præcellentis doctrina, & summus Ecclesiastica antiquitatis assertor ac vindex Lucas Holsteinius. Vide quæ annotarunt Hæftenius in tract. 6. disquis. 1. de regulâ S. Benedicti promulgatione in Simplicio, Matthæus Lauretus de existentia corporis S. Benedicti in Cœnobio Casin. cap. 5. Hugo Menardus de origine & incremento Ord. S. Bened. pag. 870. ac Antonius de Repes in chron. Bened. fol. 337. de sera promulgatione dictæ Regulæ, ubi argumenta eruditissimi Antonij Gallonij in Apolog. de Monachatu S. Greg. aduersus Abbatem Constantinum Caietanum enervant, eiusque diluunt obiectionem. Ad auspiciatissimum locum indeterminata Beatitudinis transiit  
Simpli-

*Simplicius circa annum Dom. DLXXVI. miraculis coruscans; sepultus est Casini una cum Constantino Abbate suo predecessore iuxta sui magistri corpus. Horum corpora primum à Desiderio Abbate, postea Victore Papa III. una cum sacris cineribus Carolomani Regis, ac Monachi, inuenta sunt anno Dom. MLXXI. ut ex nostro Petro Diacono sermone m. f. de Octaua S. Benedicti habetur. Vide V. Gl. Marcum Scripionem in Elog. Abb. Casin. in Simplicio; eum etiam commemorant Tritheim. de vir. illustr. Ord. S. Bened. lib. 3. cap. 10. Leo Ost. lib. 1. cap. 2. hist. Casin. Anastas. Biblioth. Monachus in libello de translat. S. Bened. & iterum noster Petrus lib. m. f. de ortu & vita Iust. Casin. cap. 10.*

## CAPUT VI.

**L**AURENTIUS eiusdem Cœnobij Monachus, scientia antecessorum suorum post Sanctissimum Benedictum nulli inferior, factus Episcopus, Beati Mauri vitam, ac Castrensis Episcopi passionem versibus adornauit: Historiam quoque S. Vuenzeslai, & sermonem de B. Benedicti vigilia elegantem composuit.

## ANNOTATIO.

**O**puscula Laurentij Monachi Casinensis, deinceps Episcopi, incerta tamen sedis, utare Casini m. f. uti & alia quædam in sexto pluteo

pluteo ad dextram Bibliotheca, testatur Arnoldus Vuion lib. Lig. vit. Historia S. Martyris Vuenzeslai Ducis Bobemorum, habitu Monachi Benedictini, sed non professione, auctore Laurentio, meminit Baron. in Martyrol. ad diem xxviij. Septembris, illamque etiam m. s. in nostro exili m. s. s. sacrorum penario asseruamus tali lemmate: Dominus, ac Redemptor noster humanis visibus, &c. Quam si vota & spes nostras Deus Opt. Max. fortunauerit, unâ cum alijs Sanctorum vitis hactenus ineditis bono publico proferendam dabimus. Scripsisse praterea prefationem in doctrinas Dorothei, constareque in Bibl. SS. Patrum tom. 2. edit. 2. auctor est Posseuinus in Apparatu in verbo, Laurentius; sed Vossius de hist. Lat. fatetur, se non satis assequi mentem Posseuini, vel mirifice eum rationem fugere; nam noster Petrus Diaconus, quem de hoc Laurentio Monacho scripsisse refert, vixit circa annum Dom. M C X L V. at ille Laurentius Monachus, qui auctor est prefationis Dorothei, admodum recens est; nam ait interpretem Dorothei esse Hilarionem Monachum Casinensem; at Hilario ille floruit circa ann. Dom. M D X V I: annis quadringentis quinquaginta & amplius post Petrum Casinensem. De vita S. Castrensis Episcopi & Mart. consule Cl. V. Michaelem Monachum in Sanctuario Capuano. Floruit Laurentius circa ann. Dom. C M L.

## CAPVT VII.

**C**YPRIANVS Presbyter sub Petronace Abbate in eodem Cœnobio Monachus factus, de B. Benedicti miraculis hymnum in eius festiuitate cantandum descripsit. Claruit autem temporibus Leonis, Constantini, & Hirene Imperatorum.

## ANNOTATIO.

**H**ymnus, quem composuit Cyprianus de B. Benedicto, in Bibl. Casin. tali seruetur exordio. Aureo solis radio perennis, &c. teste Arnolde Vuione lib. Lig. vit. Scripsit & alia nonnulla. Viuebat ann. Dom. DCCLX.

## CAPVT VIII.

**P**AVLVVS Aquileiensis Patriarchij Diaconus, Regisque Desiderij notarius, sub Theodemario Abbate ad Casinū perueniens, monasticumque schema suscipiens, sanctitate, grauitate suo tempore singularis, philosophia quoque à pueritia eruditus. Composuit in laudem Beatissimi Benedicti versus elegiacometro digestos: Hymnos quoque Sancti Io. Baptistæ, Sanctique Benedicti: Versus ad Carolum Imperatorem, ad Arichis Beneuentanū Principem; Sanctique Fortunati Episcopi elegan-



elegantes descripsit: Homilias quoque quinquaginta: Sancti Pontificis Gregorij vitam: in Regula Sancti Benedicti expositionem: ac de ingressu Langobardorum in Italiam, origine, regnoque eorum, historiam valdè luculentam edidit. In historia autem Eutropij quamplurima adiunxit. Vniuersas etiam lectiunculas à principio mundi vsque ad suam ætatem, vnà cum annali computo rithmicè composuit. Fuit autem temporibus Caroli Imperatoris. Sepultus est in eodem Cœnobio iuxta Ecclesiam Sancti Benedicti ante Capitulum.

A N N O T A T I O.

**P***Aulus cognomento Vuinfrid ex Langobardorum gente originem duxit, Vuarnefridi, ac Theodelinde filius; Vir Apostolicus, ac Antistes doctissimus, appellatus à Gaspar Barthio: meritò Polyhistor, qui penè innumera mira, ac exquisitæ eruditionis monimenta suo eximio ingenio, acri iudicio, ac prudentia singulari prodidit: & ne quid à Lectore curioso de Paulo desiderari possit, verba damus Leonis Ost. in Chron. Cas. lib. 1. cap. 15. Eo tempore, inquit, quo primùm in Italiam Langobardi ingressi sunt, cum eis etiam Paulus venit, & à puero disciplinis liberalibus eruditus maximùm in Curia Desiderii vltimi Regis Langobardorum ob suam industriam, familiaritatis locum obtinuit: Cancellarius dicti Regis, atque Aquileiensis Patriarchij Diaconus ex-*

**B**

**titit:**

titit: (hinc Paulo Diaconi cognomen ab adeptæ dignitate inditum, perpetuò adhaesit, licet hoc non attendat Raphael Volaterranus, nam pro diuersis habet nostrum Paulum historia Langobardica Scriptorem, & Paulum Diaconum Aquileiensem.) Hic post captam Papiam, cum Regi quoque Carolo pro sua prudentia admodum carus, & familiaris effectus est, ac non multò post cum accusatus apud eundem Regem fuisset à quibusdam inuidis, quod eum propter fidelitatem Desiderij Domini sui voluisset occidere, fecit eum idem Rex comprehendere, & coram se adduci: quem cum interrogasset, vtrum vera essent, quæ super morte sua de eo dicerentur, constanter respondit, se pro certo fidelissimum Domini sui fuisse, & in eadem se fidelitate cum vita perseverare: ad hæc Rex subito ira succensus, præcepit eum manibus sine mora priuari; sed mox in se reuersus, & reminiscens sagacitatis eius, atque prudentiæ, suspirans ait: Et si eius manus abscindimus, ubi tam elegantem Scriptorem reperiemus? & ait proceribus assistentibus sibi: Dicite quid super hoc vobis videtur: at illi; Iubete, inquiunt, vt eruantur eius oculi, ne aliquando aliquas alicui contra vos literas dirigat. Et ubi, vel quando, ait Rex, tam insignem historiographum, aut poetam inuenire valebimus? illi vero videntes circa illum Regis cõpassionem, ac beneuolentiam; suaserunt tandem, vt in Diomedis insulam, quæ ho-

die

die à tribus montibus Tremiti dicitur, cum exiliaret, Factumque est, vbi cum per aliquot annos exul mansisset, tandem ad Monasterium Casinense, celebri sanctitatis fama notissimum clam perrexit, ibique Monachus factus, pie & religiosè vitam duxit, ac diu superstes in senectute bona in pace quieuit, cum innocentia, humilitati, silentioque vltra humanum modum operam dedisset, Sic dictus Leo Ost.

*Plura alia veneratione digna, insigniaque virtutum monumenta immortalitati consecrasse fertur, quæ ad notitiam nostri Petri non peruenerant: videlicet vitam Sancti Benedicti metricè scriptam, quam inuenies apud eundem Paulum lib. 1. cap. 26. de gestis Langob. Arnoldus Vuion mentionem facit cuiusdam poematis de vita Sancti Benedicti à Paulo Diacono conscripti, cuius singuli distichi iisdem quibus incipiunt, desinunt verbis, quod integrum affert Aymonius serm. de S. Benedicto, vbi etiam eiusdem Pauli hymnum affert singula miracula Diui Benedicti continentem. Exarauit insuper Paulus vitam Sancti Mauri Abb. miro quodam artificio descriptam: sic exorditur.*

Dux, via, vita tuis, decus, & laus, gloriæ virtus,  
Iesu, lux lucis, Dux, via, vita tuis.

Tu facis omnipotens, animalia muta profari  
Quod tibi cunq. placet, tu facis omnipotens  
Da precor vt referā, sancti magnalia Mauri,  
Quæ per te gessit, da precor, vt referam, &c.

*Vitamque etiam S. Scholastica Virginis, mandante Carolo Magno Imperatore, quæ integra in tertio poematum libro habentur Prosperi Martinengij, lectorem propterea curiosum ad eum remittimus. Sicuti etiam iussu eiusdem Caroli (qui anno DCCCXIV. v. Kalend. Febr. Aquisgrani diem clausit extremum ætatis annorum lxxj.) ordinavit historias, & lectiones per totum annum singulis festiuitatibus Sanctorum congruentes: quæ eius dispositio ab Ecclesia tota obseruata est, & usque ad hæc nostra tempora inuiolabiliter custodita; seruetur apud nos hæc etiam ordinationis nota m. s. Vide epistolam Caroli Imperatoris de hac ordinatione scribentis, quæ homiliario Alcuini præponitur. Præterea de eadem S. Scholastica nonnullos composuit versus, qui habentur in Martyrolog. Arnoldi Vuionis ad diem x. Febr. Vitam etiam S. Arnulphi Metensis Episcopi, qui fuit primò Præfectus domus Regis Francorum, postea Metensium Episcopus, quæ apud Surium tomo 4. ad diem xvj. Augusti & apud Bedam tom. 3. reperitur, licet falso ipsi Bedæ adscribatur. Librum de gestis Episcoporum Metensium editum per Marquardum Freherum in corpore hist. Franc. indicat ipsemet Paulus scripsisse lib. 6. de gestis Langob. cap. 16. De gestis Episcoporum Papiensium librum unum, quem se vidisset statuerat Galefinus. Ad Carolum Imperatorem epistolam unam, quæ m. s. in Biblioth. Casin. ad dextram*

dextram scamno 3. nu. 179. seruatur. Vitam S. Cypriani Episcopi, & Mart. qua habetur in prolegomenis Iacobi Pamelij ad S. Cypriani opera. Versus ad Arichem Principem Beneuentanum generum Desiderij Regis typis modò cusi reperiuntur apud Virū Cl. Camillum Peregrinum rerum antiquarū indagatorem indefessum, historicumque insignem in bist. Principum Langob. pag. mihi 235. Diuorum etiam aliquot facinora, laudesque luculentis versibus celebrauit: Quo in genere carmen in S. Ioannem Baptistam tutelarem suum, patronumque Regni Langobardorum maximè excellit, cuius pietate, ac numeris Romanæ Ecclesia delectata recitandum proposuit, estque inter sacros hymnos elegantia, & venustate facile princeps: sic exorditur.

Vt queant laxis resonare fibris, &c.

Composuit & hymnum de passione S. Mercurij ac etiam alterum in translatione corporis Beneuentum: primū refert Petrus Pipernus Beneuentanus lib. 5. cap. 20. de effectibus magicis. Extat pariter hymnus Alcaicus Dactylicus à vet. m. s. Lang. Eccles. Beneuent. ritu in festo Assumptæ Virg. Deip. decantari solitus, à nostro Paulo, ut asseritur, scriptus. incipit.

Quis possit amplo fame præpotens, &c.

Insuper aliqua fragmenta m. ss. sub nomine Pauli Diaconi, mutila tamen, & biulca nos custodimus; videlicet, vitam Germani sanctissimi Constantinopolitani Patriarchæ per Paulum

B 3

Dia-



*Diaconum historicum scriptam. In transitu Petri Damiani, de dimittendo Episcopatu oratione, in qua fit mentio de S. Arnulpho Metensi Episcopo. Vitam S. Petri Damasceni Episcopi, & Mart. nec non alterius Petri pariter Mart. per Paulum Diaconum scriptam. Alia etiam opuscula nec dum prelo subiecta, Casinatens Biblioth. exornant, videlicet Cod. m. s. signum. 146. præfixus est sermo Pauli Diaconi in Euang. Nemo accendit lucernam, &c. incipit. His sancti Euangelij verbis, &c. Item Cod. 145. pag. 198. vita S. Gregorij Papa I. tribus libris conscripta per Paulum Diaconum, incipit. Gregorius Vrbe Romulea patre Gordiano. finit. Iduum Martiarum regnante, &c. Item Cod. 305. eiusdem Pauli Diaconi sermo de B. Virgine, incipit. Licet omnium Sanctorum, &c. Eiusdem sermo in illud Euangelij. Simile est Regnum Cælorum homini Regi, qui voluit rationem ponere, &c. incipit. Præsens Sancti Euangelij lectio, &c. Hac verò homilia inter opuscula Sanctorum aliquot Patrum per Thomam Gallettum edita habetur Lugduni an. MDCXV. pag. 450. Sicuti etiam in celeberrima Bibliotheca Medicea plut. xvij. extare inter octo volumina homiliarum diuersorum aucthorum nonnullas Pauli Diaconi homilias refert Henricus Ernstius in Catal. Medic. Biblioth. In eodem Archiuo Casin. adsunt commentaria m. s. s. in fol. Pauli Diaconi in Regulam S. Benedicti,*

nedicti, ubi in fronte habetur pictura vetustissima Sancti Benedicti, & Ioannis Abbatis, cui Regulam tradit, licet commentarium predictum Hugo Menardus Ruthardo Monacho Rabani, & Strabi auditoritribuendum esse notarit. Vide disquis. Monast. Hasteni lib. 2. tract. 5. disquis. 4. Item epistola Pauli Diaconi ad Carolum Magnum, nomine Theodemari, & Casin. Congreg. scripta, de qua Ost. in Chron. Subiungitur etiam in eodem Codice m. s. sylloge quadam chronologica eiusdem, ut nonnulli putant, Pauli, quam simul cum quadam historiola sub titulo ignoti Casinensis Viri Cl. Camillus Peregr. hist. Princ. Langob. ultimo loco in lucem edidit. Epistolarum ad diuersos librum unum scripsisse etiam fertur.

Obseruandum denique est, auctorem miscellæ falsò dici Paulum Diaconum, Baron. tom. 5. Annal. & Bellarm. de Scriptor. Eccles. probant. Vide notas eruditissimi Auberti Mirai in Sigibertum de script. Eccles. cap. 80. & præcipue Vossium de hist. Latin. in Paulo, & de natali anno Christi dissert. 7. pag. 5. Camillum Peregr. hist. Princ. Langob. qui Paulum callidè non produxisse historiam Langob. ad sua tempora obseruauit, sicut etiam nonnulla alia silentio obuclasse. Alphonsus Giacom. in vitis Pontificum in Leone. Habet, inquit, auctor miscellæ Paulus, vel potius Ioannes Diaconus. Sed utcumque sit de nomine Scriptoris, certè, quod in omnibus ferè m. s. s. Cod.

*nomen Pauli, non Ioannis legitur.*

*Claruit Paulus anno Dom. DCCLXXIV. cum innocentia, humilitati, silentioque ultra humanum modum operam dedisset, atque in Casinensi Monasterio usque ad finem vite arduè satis, ac districtissimè vixisset; sepultus est Casini ante Capitulum, gloriosis emicans meritorum maximorum insignijs, testatur noster Petrus lib. m. f. de ortu, & vita Iustor. Casin. cap. 25. Extant Caroli Magni literæ metro exarata nostro Paulo, in quibus de suscepta vita ratione per ipsum, sacrique Cœnobij Casin. sanctitate mirificè gratulatur: quarum literarum partem hic inserimus, ut clarissimi Imperatoris in eruditos homines singularis humanitas; deque Sacri Archibisiterij Casin. sanctitate præclara existimatio agnoscat. Est huiusmodi.*

*Hinc celer egrediens, celeri mea charta volatu  
Per sylvas, & colles, valles quoq. præpete cursu,  
Alma Deo chari Benedicti tecta require;  
Est nam certa quies fessis venientibus illuc.  
Hic olus hospitibus, piscis, hic panis abundat,  
Pax pia, mens humilis, pulchra & concordia  
Fratrum,*

*Laus, amor, & cultus Christi simul omnibus  
horis.*

*Dic Patri, & Socijs cunctis, saluete, valet.*

*Colla mei Pauli gaudendo amplectere benignè,*

*Dicito multoties, salve Pater optime, salve.*

*De Paulo mentionem habent Leo Ost. Chron.*

*Ca-*



*Casin. lib. 1. cap. 17. Sigibert. cap. 80. Trith. de Vir. Illustribus Ord. S. Bened. lib. 2. cap. 30. Arnold. lib. 5. cap. 91. Lig. vita. Th. Dempsterus in notis antiq. Roman. Ipse Paulus de se ipso multis in locis, & alij innumeri. In peruetusto Cod. m. s. legimus, Paulum fuisse Diaconum S. R. E. Cardinalem, uti etiam dicto lib. m. s. nostri Petri de ortu, & vita Iustorum Casin. in c. 25. inscriptione his verbis. De Paulo Diacono, atque Cardinali, &c. Quem fucum exscriptores, siue amanuenses lectori facere voluisse existimamus, dum in nullis tabulis Ecclesiasticis in numerum Cardinalium adscitum colligimus. Vel potius scrupulum istum iniectum fuisse credendum à Martino Polono in præfatione sue Chronica, dum in opere de gestis Imperatorum & Pontificum nominat quendam Paulum Diaconum Romanum, & Cardinalem: iste tamen dissolvitur nodus, quòd noster Paulus fuit Diaconus Aquileiensis, & postea Monachus Casinensis; ac iste, ex quo profecit Martinus, vocatur Romanus Diaconus, & Cardinalis. Vide Vossium de hist. Latin.*

*Extat epitaphium Pauli Diaconi versibus exornatum ab Hilderico Monacho & Abbate Casin. discipulo prædicti Pauli; quod tibi, singulari humanitate V. Cl. Caroli Borelli Cler. Regul. Minor. nobis suppeditatum, ex antiquo m. s. Cod. sign. 256. Biblioth. Casin. de promptum, nunc primum in lucem damus.*

*Epi-*

*Epitaphium Pauli Diaconi.*

Perspicua clarū nimium cū fama per ævum  
 Astra simul iunctū pangant te cœtibus almis;  
 Veridicos Leuita tuos quis summe triumphos  
 Lucifluis Paule potuit depromere dictis? (pes  
 Vt tua, sed lector properas huc noscat, & hos  
 Sacrato tumulto requiescere membra sub isto,  
 Laudis amande tuæ summam carmine digno  
 Almificos actus dignum est referare canendo.  
 Eximio dudum Bardorum stemmate gentis  
 Viribus, atq. armis, quæ tūc opibusq. per Orbē  
 Insignis fuerat, sumpisti generis ortū;  
 Tā digna est, postquā nitidos vbi sepe Timanī  
 Amnis habet cursus, genitus tu prole fuisti:  
 Diuino instinctu regalis protinus aula  
 Ob decus & lumen patriæ te sumpsit alendū;  
 Cū tua post Tiberidem populis & regibus altis  
 Tunc placida cunctis vita, studiumq. maneret,  
 Omnia sophiæ cœpisti culmina sacræ,  
 Rege monēte pio Ratchis, penetrare decenter  
 Plurima captasses dignè cum dogmata, cuius  
 Resplendēs cūctos, superis vt Phebus ab astris  
 Arctioas rutilo decorasti lumine gentes:  
 Hæc sint iam nimium, fluidi cum gloria sacri  
 Condignis ditaret ouans te sedule gazis,  
 Lucis ob æternæ vitæ sine fine beatam  
 Audacter spreuisti huius deuotus honores;  
 Regis & immensi fretus pietate polorum  
 Vernanti hūc Dño properasti pectore Christo  
 Subdi-

Subdita colla dare Benedicti ad septa beati;  
Exemplis mox compta tuis ubi concio sacra  
Tum iubar ut fulgens cœpit radiare coruscis,  
In te nam pietas iugiter, dilectio dulcis,  
Nectareus & pacis amor, patientia victrix,  
Simplicitas solers nimium, concordia summa,  
Omne simulq. bonū sēper venerāde manebat:  
Nunc ideo Cœli te gemmea regna retentant,  
Sideream retinens pariter per sæcla coronam.  
Hoc tibi posco, sacer, gratū sit carmen honoris,  
Hilderic en cecini quod lacrymando tuus;  
Quem requiē captare tuis fac quæso perennē  
Sacratis precibus semper amande Pater .

C A P V T I X.

**H**ILDERICVS eiusdem Pauli Diaconi auditor. De origine Præceptoris sui, vita, institutione, doctrina, religione, habitu, lucidissimos versus composuit.

A N N O T A T I O.

**F***uit deinde Abbas Casinen. Hildericus, & eodem mense, quo electus, obiit, scilicet anno Dom. DCCCXXXIV. cum sedisset diebus decem & septem: versus, quos composuit de Paulo, supra retulimus.*

C A P V T X.

**T**HEOPHANVS Diaconus, Vir eruditissimus, ac disertissimus; De constructione

atione Cœnobij Domini Saluatoris: de ad-  
uentu Sancti Benedicti ad Casinum, ac de mi-  
raculis per eum inibi factis: & in laudem San-  
ctæ Dei Genitricis, & de constructione Mo-  
nasterij Sanctæ Mariæ in Plumbariola versus  
mirificos edidit. *Vixit sub Ludouico Pio I m-*  
*peratore anno Dom. DGGGLV.*

## CAPVT XI.

**B**ASSATIVS Casinensis Cœnobij Abbas,  
vir Scripturis sanctis deditus, & notitia  
ecclesiastici dogmatis sufficienter instructus;  
cōposuit nitido satis & aperto sermone quos-  
dam tractatus: fuit autem tempore Ludouici  
Imperatoris.

## ANNOTATIO.

**O**puscula, quæ Bassatius Abbas Benedicti-  
nus decimus octauus scripsisse exponitur,  
quæ nam contineant, non explicat Petrus: nisi  
intelligere velimus, quòd cum suo tempore  
ordinem monasticum aliqua iam ex parte  
corruptum in Liguria, Burgundia, & Ger-  
mania vidisset, sermonibus ac doctrinis cor-  
rexisset. Natura concessit non sine opinione  
sanctitatis, Casini, anno Dom. DCCCLVI.  
die xvj. Kalend. Aprilis, & in Capitulo Fra-  
trum iuxta eadem Diui Benedicti, quam ma-  
gnifico ornatu decorauerat, sepultus est.

CA-

## CAPVT XII.

**B**ERTHARIUS, supradicti Bassatii discipulus, ac post eum Abbas Casinensis effectus; vir genere, & literis nobilis, honestatis, religionis, ac martyrij corona perspicuus: Scripsit non contemnenda opuscula, sed præcipua sunt illa, quæ Abbas iam constitutus edidit. De Sancto Luca Evangelista, sermonem: de Beata Scholastica homiliam, descripsit: librum quoque difficillimum sententiarum tam veteris, quàm noui testamenti patrauit, ipsumque *Anticimenon* appellauit. De vita autem, & obitu, ac miraculis Sanctissimi Benedicti, nec non ad Angelbergam Augustam, aliosque suos amicos versus mirificos fecit. Sed cum peccatis Christicolarum exigentibus, iusto Dei iudicio Italia ab Ismaelitis deuastaretur, solusque contra eorum sauitiam ob defensionem Christianorum per decem & septem annos & . . . . . acerrimè expugnaret; consilio Saraceni habito clam, nauem ascendunt, & ad Monasterium Domini Saluatoris, quod situm est ad pedem Casini Montis, venientes, Ecclesiam intrant, ibique Bertharium Martyrem Christi reperiunt. Cumque ad eum venissent, dixerunt. Tu es Bertharius, qui vsque nunc Christianos defendisti, ac pro illorum liberatione ad Imperatorem bis ultra montes perrexisti? iustum est ergo,

ergo, vt pro eis mortem suscipias, ac pro fide Dei tui. Hæc cum dixissent, ab eisdem Saracenis iuxta altare S. Martini pro fide Christi capite truncatus est. Passus est autem temporibus Ludouici Imperatoris; sepultum verò est eius sacratissimum corpus iuxta Ecclesiam Sancti Ioannis Baptistæ in Capitulo Casinensi.

## A N N O T A T I O.

**S** Anctus Bertharius, ab ipsis Francorum Regibus ortum ducens, vir rare sanctitatis, & inculpata vitæ laudibus conspicuus, clam suis, domo, ac patria digreditur, illud Poeta veteris animo semper agitans,

Qui vult esse pius, regalibus exeat aulis,  
Religiosa peregrinatione inde vsque è Gallijs  
Casinum suscepta; quò simul ac peruenit, res  
suas seculum habere iussit, omniaque illius  
ornamenta, opes, dignitates (quæ propter  
summam Bertharij nobilitatem, modestiam,  
ingenium, ipsi non dubia spe proponebantur)  
tanquam sterces arbitratus, nudus ad Christi  
nudi crucem confugit, & Benedictinis addi-  
ctus est Casini; deinde verò Bassatio Abbate  
demortuo, communi Patrum consensu Abbas  
eligitur anno Dom. DCCCLVI. Per hæc  
enim tempora Bertharius à Saracenis, qui  
Italiam inuaserant, plures est perpeßus iniu-  
rias; nempe quod auxilia aduersus illos ex Gal-  
lia, & aliunde aduocasset, frequenterque in

eos egreſſus, ac impetum faciens, à finibus illis auertiſſet; unde in ſe odium immane concitatu fuit. Quadam igitur die Lyri amne aduecti Saraceni, Bertharium in maiori aede Cœnobij Sancti Germani celebrantem repente adorti, cum aliquot Monachis obtruncant xj. Kalend. Nouembris anno Dom. DCCCLXXXIII. ſedente Ludouico Imperatore Arnulphi Imperatoris Quarti filio, cum annis xxviii. non exactis, Monafterio Caſinenſi, impleto cumulo meritorum, præuiſſet. Conſule Leonem Oſt. lib. i. cap. 46. Chron. Caſin. Carolum Sigonium de Regno Italia lib. 6. & Camillum Peregr. hiſtor. Princip. Langob. in ſerie Abb. Caſin. in Berthario. Eius martyrij acta ab Ignatio Pragenſi Monach. Caſin. Priore conſcripta, hæcenus inedita apud nos ſeruatur tali exordio. Tempore, quo ſacrum Imperium ad tuendas res Eccleſiæ Romanæ, &c. Eiuſdem S. Bertharij vitæ per dictum Ignatium exarata, notisque Conſtantini Caietani illuſtrata meminit etiam Labbeus in noua Bibliot. m. ſ. ſ. librorum pag. 365. Martyrol. Gallicanum ſub die xxij. Octobris, Sancti Bertharij etiam mentionem facit. De vita, & translatione Reliquiarum Sancti Bertharij ad Montem Caſinũ, vide Martyrol. Vunionis ad diem xxij. Octobris & i. Decembris.

ſcripſit S. Bertharius Philoſophus, ac Medicus inſignis, ante conuerſionem ſuam multa verſibus, & ſoluta oratione: nempe de Medicina,

cina, & Grammatica, videlicet de innumeris morbis hinc inde collecta volumina duo. De Grammatica libros aliquot.

Sed postea studium mutans, animarumque Medicus constitutus, fecit Sermonum, & Homiliarum librum unum, qui adest m. s. in Biblioth. Casin. Cod. sig. num. 107. De S. Matthia Apostolo sermonem unum, cuius initium. Inclytam, & gloriosam festiuitatem; vide tamen notas Michaelis Monachi ad Kalendarium quintum sub die vigesima quarta Februarij Sanctuarij Capuani.

De Sancto Romano Abbate sermonem unum, exordium est. Adest nobis dies, &c. cuius etiam mentionem facit Arnoldus Vuion ad Martyrol. Bened. sub die xxij. Maij: quæ supradicta opuscula attractatus ad notitiam Petri non venerant.

Sermo de S. Luca Euangelista, quem noster Petrus indicauit, habetur in Breuiario Ord. S. Benedicti. ac etiam in Biblioth. Vallicellana, testatur Card. Baron. in Martyrolog. ad diem xvij. Octobris.

Versus ad Angelbergam Augustam, uti etiam de vita, & obitu Sanctissimi Benedicti, excusi sunt Romæ anno Dom. M D X C. & in tertio poematum volumine Prosperi Martingij simul cum duobus alijs poetis, qui nondum erant impressi, reperiuntur; habenturque etiam in notis Martyrolog. Benedict. Arnoldi Vuionis ad diem xxj. Martij.

Liber



*Liber, cui nomen fecit Antikeimenon id est contrariorum siue contrapositorum libri utriusque testamenti, extat impressus Coloniae anno Dñi MDXXXIII. in viij. incerto auctore: ignotum enim tunc erat nomen nostri S. Bertharij ijs, qui in lucem dictum librum prodiderunt, sic exorditur. Cum in Genesi septem primi dies legantur. Meminere huius libri Leo Ost. lib. I. c. 32. his verbis. Hic (videlicet Bertharius) apprime literatus, nonnullos tractatus, atque sermones, nec non, & versus in Sanctorum laude composuit. Cuius & Anticimenon de plurimis tam veteris, quam noui testamenti quaestionibus hic habetur: Et Fabianus Iustinianus in suo indice vniuersali litera A. fol. 30. inscio tamen nomine auctoris. Custoditur etiam liber iste manu exaratus literis Langob. sub nomine nostri S. Bertharij in Bibl. Aniciana. Eius opuscula penes Abb. Constantinum Caietanum extitisse, scribit V. Clar. Leo Allatius omnigena eruditione egregie, doctaeque instructus librorumque belluo lib. de Viris Illustribus, cui titulum fecit. Apes Urbanae, in verbo Constantinus.*

*Agunt de S. Berthario Ost. loco cit. Tritb. de Viris Illustribus, Sigonius de Regno Italiae lib. 6. alijque.*

## CAPVT XIII.

**A**VTHPERTVS eiusdem Coenobij Abbas Vir disertus, & valde eruditus, inter multa, & praecleara ingenij sui monumenta in laudem S. Matthiae Apostoli, nec non de Purifica-

ficatione Sanctæ Dei Genetricis, aliorumque  
Sanctorum homilias valde pulchras compo-  
suit. Fuit autem temporibus Lotharij Impe-  
ratoris.

## ANNOTATIO.

**A** Vthpertus Abbas decimus septimus Ord.  
S. Benedicti creatus die xvj. Octobris  
anno DCCCXXXIV. præsuit annis tribus:  
subductus est è mortalium cœtibus. Kal. Martij  
ann. DCCCXXXVII. & Casini sepultus, re-  
gnante Lothario Imperatore. Vir fuit moribus  
compositus, religione præstans, ingenio non  
infelix, & literatura non ignobilis, teste Leone  
Ost. in Chron. lib. 1. c. 25. edit Ven. Bibliothecæ  
quam habebat optimis cuiusque generis libris  
instruētam, cū sarcinam mortalem exueret,  
Casinensibus legauit. Traduntur enim dono  
data inter cetera, ab Authperto infrascripta  
rara eruditionis monimenta, videlicet. Diuersa  
homilia m. f. f. S. Epiphaniij Episcopi extant in  
Cod. sig. n. 307: pariter in Cod. 232. adeſt liber  
S. Gregorij Nissen Episcopi de conditione ho-  
minis, ex versione Dionysij Abbatis. Incipit  
epist. Dionysij ad Egipium Presbyt. Domino  
sanctissimo, & à me plurimum venerando.  
Inharet præterea eidem Cod. 232. liber de vita  
Christiana Fastidij Britannorum Episcopi,  
qui in Cod. Vatican. 551. vocatur Fastidiosus,  
incipit. Vt ego peccator, & vltimus, insipien-  
tior cæteris, &c. sunt fol. 14. in iv. de quo Ger-  
nadius de Script. Eccles. cap. 56. Vide Vossium  
de

de hist. Lat. lib. 2. cap. 19. in Dicnyffio; Sicuti in scamno 5. ad sinistram Cod. sig. n. 29. Auxilij Presb. Etymologicum habetur, liber egregius vetustissimus. Et in eodem scamno Cod. sign. n. 30. sequuntur eiusdem Auxilij Presb. varia Theologica erudita: nempe primo quaest. 137. in Exameron. Secundo, aliae quaestiones ferme omnes de Genesi. Tercio, capitula differentiarum 36. Quarto, de distinctione quatuor vitiorum. Quinto, de Trinitate, per quaestiones, & responsiones, ubi deinde ferme omnia nomina explicat, quae in rebus ecclesiasticis versantur, ut quid Neophitus, quid Cathecumenus, quid Competens. Sexto, de officiis diuinis, per interrogationem & responsionem, ut unde dicta sit missa, &c. Unde statio, & quid inter stationem & ieiunium intersit, quid abstinentia, &c. Quanam sit Xerophagia, & quae reconciliatio, &c. Quae supradicta mss. opuscula, sicuti pene infinita alia, quae hodie Bibliothecam Casinensem exornant, magnifico munere fuere à nostro Authperto donata asserunt nonnulli, sunt enim Bibliotheca in Monasterijs, velut Armamentaria militia spiritualis, & gazophylacia thesaurorum Religiosorum.

Scripsit Authpertus praeter exposita à nostro Petro diuersas insuper homilias, & sermones scilicet de Assumptione B. Mariae, tali exordio. Adest nobis dilectissimi. De Natiuitate eiusdem, siue sermonem communem in eius festiuitatibus, qui incipit. Celebritas hodierna. Sermonem in festo omnium Sanctorum, incipit. Adest

dilectissimi, &c. *Habentur hi sermones m. ff. in Biblioth. Casin. Cod. sign. nu. 305. Sermo verò in laudem S. Matthiae Apostoli, ineditus adhuc creditur.*

*Circumferuntur sub nomine nostri Authberti Abbatis, sed perperam, infra scripta m. ff. opuscula: videlicet. Sermo de Cupiditate viris secularibus valde utilis, habens scripturarum testimonia octoginta. Incipit. Sanctorum Ecclesiam. Sermo in Purificatione B. Mariae Virginis, qui extat impressus quoque in Alcuini Homiliario. Si subtiliter à fidelibus. Sermo in Dedicatione Ecclesiae. Vidi Ciuitatem Sanctam Hierusalem. Oratio contra septies septem vitia. Summa & incomprehensibilis natura. Homilia in illud Euangelij S. Marci. Assumpsit Iesus Petrum & Iacobum, & Ioannem. Quae in Breuiario Ecclesiae Atinensis literis Langob. in tres Lectiones distincta habetur sub die sexta Augusti. Solet nonnunquam euenire. Vita Sanctorum Patrum Paldonis, Tatonis, & Tasonis Monasterij Sancti Vincentij de Vulturno Abbatum. Humani generis primus parens. De qua vide catalog. Sanctor. Ferrarij ad diem xj. Octob. xj. Ianuarij, xj. Decembris, & Bollandum sub die xj. Ian. Quae praefata opuscula male nostro Authberto attribuuntur cum suum agnoscant auctorem Ambrosium Authbertum alias Ansbertum Monachum & Abbatem S. Vincentij de Vulturno propè Capuam fluuiò, qui claruit anno Domini DCCCXC. Fuitque Magister in humaniori-*

nioribus Caroli Magni, de quo Sigibertus de script. Eccles. cap. 91. & Aubertus Miraus in auct. de script. cap. 257. cuiusque etiam extant lucubrationes nonnullae impressae Colonia anno Dom. MDXXXVI. in fol. Certè quod supra memorata opuscula, quae nos manu exarata, etiam asseruamus; praefertunt nomen Ambrosij Authperti Abbatis Sancti Vincentij, non Casinensis.

Porro Authpertus iste in Bibliotheca philosophica, & alibi à nonnullis appellatur Rupertus, quem, inquiunt, vixisse anno M XL. sed duplex hic lapsus est, nimirum in nomine, & in annorum numero; quippe in Casinensium Abbatum Catalogo nullus Rupertus inuenitur, & anno M XL. Ricberius Abbas Monasterio Casinensi praerat.

## CAPUT XIV.

**E**RCHEMPERTVS Diaconus, paruulus & ipse B. Benedicto oblatas, de destructione, & renouatione Casinensis Cœnobij, nec non de Ismaelitarum incursione historiam necessariam satis composuit. Fuit verò tempore Ludonici Imperatoris,

## ANNOTATIO.

**E**Rchempertus, ab alijs Herempertus, seu Herembertus, è Langobardorum illustri stirpe, genus sumens è Benzuentanis Ducibus, Pater eius Radelgarus, abauus Rodolphus, patrui

trius Radolphus vocabatur. Vir fuit sanguinis splendore & doctrina non ignobilis, historiaeque scientissimus; ad humana tamen vita incommoda solum natus. Scripsit Chronicon, siue historiam Langobardorum, cuius prototypon putatur perijisse; tempore tamen Desiderij Abbatis Casin. qui postea fuit Victor Papa III. exscriptum fuisse, ita ipso mandante, testatur noster Petrus in auctario Chron. Casin. lib. 3. cap. 62. edit. Venet. Fusioris enim huius historiae epitomen, seu potius auctarium ad histor. Pauli Diaconi de gestis Langob. ad ann. DCCCLXXXV III. ab ipsomet Erchemperto confectum, ut creditur, Vir Clar. Antonius Caracciolus ex Ord. Cler. Reg. primum ex m. s. Codice Vaticano edidit, notisque illustravit, & typis Neapoli anno MDCXXV. I. in iv. publicauit vnacum Chron. Lupi Protospatae, Falconis Beneuentani, aliorumque. Verum postremo loco eruditissimus Camillus Peregrinus suae Lang. hist. praedictum Chron. seu Epitomen scholys ornatum solita diligentia, ac eruditione attexuit: unde qui plura volet, apparatus, notaeque eiusdem consulere poterit. Vide etiam Philippum Labbeum in noua Bibl. m. ss. librorum par. 1. pag. 10. & 366. Scripsit insuper Erchempertus Carmen de vita Landulphi Episcopi Capuani, de quo vide Sanctuarium Capuan. Michaelis Monachi, ac etiam pranotatum Peregrinum in praefat. ad dict. histor. pag. 15.

Ab eodem pariter Erchemperto literis consignata

gnata putantur Acta translationis Sancti Matthæi Apostoli, & ea fortasse censentur, quæ edidit Columna Archiepiscopus Salernitanus; verum prædicta acta, quæ m. s. s. penes nos sunt, præferunt nomen Paulini Legionensis siue Londinensis Episcopi in Britannia: initium est. Matthæus Evangelista & Apostolus, cum primum in Iudæam, &c.

Observandum etiam est, non extare opuscula, quibus noster Petrus titulum fecit, de destructione & renouatione Casinensis Cœnobij; nec non de Ismaelitarum incurfione: nisi velimus dicere, in prædicto Chronico, siue historia, utramque descriptam fuisse cladem. Adi Vir. Clar. Vossium de hist. Lat. lib. 3. Denique Leo Ostien. in Chron. Casinensi sæpè meminit Erchemperti, è quo plurima desumpsisse videtur, ut lib. 1. cap. 9. & 19. 46. Et Gard. Baron. ex Erchemperti historia multa pariter hausisse, atque in suos annales inseruisse, facile videre est. Lege ipsum ad ann. DCCCLXXI. DCCCLXXII. DCCCLXXIII. & DCCCCXII.

Quoto autem signatè anno Erchempertus mortalis corporis deposuerit pondus, ignoratur: licet quidem opinari ann. DCCCLXXXIX. dum exeuntem annum DCCCLXXXVIII. viderat, descripseratque, nec ulterius historiam produxerat suam, quam se producturum promiserat; & sic nostrum Petrum non libasse historiam Erchemperti, suspicatur præfatus Peregrinus, dum claruisse refert sub Ludowi-

co Imperatore, cum illum vixisse sub Carolo III: compertum habeamus. Carolus enim imperavit ab anno DCCCLXXXI. ad annum DCCCLXXXVIII.

## CAPUT XV.

**I**OANNES supradicti Casinensis Cœnobij Abbas, Vir nobilis carne, & spiritu. De persecutionibus eiusdem Cœnobij, & de miraculis inibi factis, Chronicam succinctam, sed valdè necessariam loco descripsit. Sepultus verò est in Monasterio Capuano.

## ANNOTATIO.

**I**oannes Abbas Capua, illustri loco natus, Principum Landulfi Primi, & Atenulfi Secundi consanguineus, vir animo infractus, literis eruditus, & ut eruditione, sic & sanctitate insignis, ex Archidiacono Capuano Monachus Casinensis: quo tempore, scilicet anno Dom. CMXV. Cœnobio Casinensi à Saracenis vastato, Monachi Capuæ habitabant, ob singularem morum maturitatem Abbas creatus est. Cœli limina petijt omni virtute præiucens, anno Dom. CMXXXIV. ac in Capuano Cœnobio tumulatus est, Sanctorumque dein Casinensium factis sub pridie Kalendis Aprilis adscriptus legitur. Meminit Ferrarius in nouo catalogo Sanctorum. De eo scribunt Leo Ost. Chron. lib. I. cap. 56. 57. & 58. noster Petrus lib. m. s. de ortu, & vita Iust. Casin.



Casin. cap. 36. & Vossius de hist. Lat. lib. 3.  
Vide Sanctuar. Capuanum Michaelis Mona-  
chi pag. 157. ubi diffusè de Ioanne agit.

Chronicon, quod descripsit de persecutioni-  
bus Cœnobij Casin. & de miraculis inibi factis,  
ineditum adhuc remanet, illudque existima-  
tur, quo in prologo sui Chron. usum. se dixit  
Ostiensis his verbis: Adhibui præcipuè Chro-  
nica Ioannis Abbatis, qui primus in Capua  
noua Monasterium nostrum construxit. Ca-  
millus Peregrinus hist. Princip. Langobard.  
fol. 122. aliud Chronicon postremorum Comi-  
tum Capuæ hætenus ineditum in lucem euul-  
gavit sub nomine nostri Ioannis Abbatis, licet  
autographum nomine ipsius Ioannis careret;  
quod haud rarò antiquis Scriptoribus, &  
maximè Monachis, in more fuit, ut in edi-  
tione librorum modestè ergo, nomen cœla-  
rent suum; notarunt Viri Clarissimi Sixtus  
Senensis in sua Biblioth. lib. 4. in verbo, Mam-  
motreptus, ac Theophilus Raynaudus in Ray-  
mundo Iordano, qui hætenus Idiota nomen  
præferebat.

## CAPVT XVI.

**T**HEODORICVS Casinensis gymnasij  
Presbyter, Vir inter Scriptores Eccle-  
siasticos non immeritò prædicandus: Histo-  
riam Sancti Confessoris Christi Firmani, &  
hymnum in laudem Beatissimi Mauri venusto  
Stylo descripsit.

ANNO.

## A N N O T A T I O .

**Q**uamvis fuerit Sanctus Firmanus, qui scire desiderat, consulat Card. Baron. in annal. Eccles. ad ann. CMXCIII. qui citat etiam S. Petrum Damianum, ante cuius tempora vixit. Vnde Ferrarius in catalogo Sanctorum sub die xj. Martij sic legit. Firmanus. Firmij in Piceno natus, admirabili floruit sanctitate, qui inter sanctos Confessores, non solemnī ritu, sed sola altaris, sacelline erectione relatus est. Arnoldus Vuion lib. 2. cap. 78. Lig. vit. in Theodorico hæc refert. N. Theodoricus Monachus, & Sacerdos Monasterij Casinensis scripsit de vita Sancti Firmiani Episcopi lib. 1. De S. Mauro Abbate hymnum, vnum. Vossius de histor. Lat. in Theodorico, nuncupat Firminum, & ait fuisse primum Ambianensem in Gallijs Episcopum, qui temporibus Diocletiani martyrio decessit vij. Kalend. Octobris: utriusque tamen decepti, ut credimus, ob solam nominis similitudinem, aut ob deprauati forsitan codicis lectionem. Theodoricus enim noster, Sancti Firmiani Confessoris Ord. S. Benedicti vitam descripsit, non autem Firmiani Episcopi, aut Firmini pariter Episcopi. Fuit quidem Firmanus Monachus, & Abbas Monasterij Sancti Sabini in Firmana Ciuitate, at non Episcopus; decessitque ante Leonem Papam I X. Olim in Cathedrali Firmana huic Sancto dedicatum videbatur altare, & in Ecclesia S. Iacobi ad radices

dicis Montis Gerionis magno populorum con-  
 curſu eius feſtum celebrabatur, cui item vi-  
 ſendum ſanè altare conſecrauerant. Legitur  
 præterea Vbertus Episcopus Firmanus non ſo-  
 lum Eccleſiam Sancti Michaelis Archangeli  
 propè mare in fundo Reiano ſitam anno Do-  
 mini M X V I. Abbati Firmano, & Monachis  
 S. Benedicti conceſſiſſe; verùm etiam multa  
 alia bona, prædique anno M X. tradit Leo  
 Oſt. in Chron. lib. 2. cap. 26. Vide eruditissi-  
 mum Vgellum, virtutibus omnibus perinſi-  
 gnem, ac in cumulandis Eccleſiaſticis monu-  
 mentis perpetuū cultorem, diligentiffimumque  
 indagatorem, tom. 2. Ital. ſacr. in catal. Episc.  
 Firmanorum in Vberto. Claruit Theodori-  
 cus circa annum Dom. M X I I.

## CAP V T XVII.

**S**TEPHANVS S. R. E. Pontifex, vir  
 eruditiffimus, ac ſingularis, prius quidè  
 S. R. E. Cancellarius, ac dicti Caſinenſis Cœ-  
 nobij Abbas effectus, poſt Richerij tranſitum,  
 carne ſimul & ſpiritu nobiliſſimus, dum cauſa  
 conſecrationis ſuæ ad Urbem Romam perge-  
 ret, defuncto Victore, Eccleſiæ Præſule, &  
 Cardinalibus, & Episcopis Romanus Ponti-  
 fex eligitur. Scripſit apud Conſtantinopolim  
 aduerſus Michaelẽ eiuſdem Urbis abuſum  
 Patriarcham vnà cum Vberto librum de Cor-  
 pore Domini, in quo omnia, quæ Græci ad-  
 uerſus Latinorum ſacrificium delatrabant, de-  
 ſtruxit.

struxit. Alium etiam librum de eadem re-  
edidit aduersus quemdam Monachum Cōstan-  
tinopolitanum. Claruit verò temporibus Con-  
stantini, & Henrici Imperatorum; sepultusque  
est in Ciuitate Florentiæ, vbi multa signa  
vsque in hodiernum diem per eum Deus pa-  
trare non cessat.

## A N N O T A T I O.

**S**tephanus Papa Decimus, antea Frideri-  
cus è nobilissima Familia Lotharingie,  
(aliqui nonum legunt, eo quia Pontificum ca-  
talogo Stephanum huius nominis secundum  
Zacharia Pontificis successorem nō adscribunt,  
cum dies tres solummodò in Pontificatu tran-  
segerit: quæ ratio non debet certè illum ab albo  
Summorum Pontificum expungere.) Fuit  
itaque Frater magni Gottbifredi Regis Hie-  
rosolymitani: Vir quidem nobilitate sanguinis  
satis notus, sed animi splendore & doctrina  
multò magis clarus. A Leone Papa IX. eius  
consanguineo, Cardinalis Diaconus S. Mariæ  
in Domnica anno Dom. ML. ac etiam S. R. E.  
Cancellarius; & Bibliothecarius creatus legi-  
tur: Constantinopolim mittitur, Græcam  
Ecclesiam cum Latina conciliaturus; Michael-  
lem Carularium Patriarcham eiusdem urbis  
deposuit, & anathematis vinculo innodauit;  
inde rediens, seculique tædio affectus, verum  
pro certo habens illud Philosophi à Plutarcho  
singulari commentario celebratum, Latens  
vine. Casinum petit; vbi positus honorum  
infi-

in signis ad exactam religiosam humilitatis legem se totum composuit: Et post biennium communibus Monachorum suffragiis creatur Abbas in locum Richerij anno *MLV II.* iv. Kalend. Iunij die Veneris post Pentecosten; deposito Petro, qui preproperè fuerat intrusus Quare delati muneris confirmationem petiturus (nec enim fas erat Casinatem Praefecturam Romani Pontificis iniussu adire) Florentiam ubi per eos dies Victor Papa II. degebat, se contulit, à quo non solum Abbas (quod querebatur) sed iterum etiam Card. nalis tit. Sancti Chrysogoni, ex Archidiacono S. Mariae in Domnica, factus Presbyter secunda promotione, isque solus, prater opinionem & votum renunciatur anno *MLV II.* Inreditu igitur à Tuscia, dum Romae etiam subsisteret, nunciato Victoris obitu, per Bonifacium Episcopum Albanensem, mirifica sacri Senatus conspiratione in demortui Pontificis locum sublegitur, adeò inuitus ac reluctans, ut per vim ex hospitio ad Basilicam S. Petri ad vincula educendus fuerit, Pontificatumque ipsi procurantibus aiebat marens. De me non potestis agere, nisi quod permiserit Deus, & absque illius nutu, nec mihi dare, nec auferre istud potestis. Postridie ingenti omnium ordinum acclamatione, ac latitia in Vaticano consecratus, Stephani Decimi appellatione insignitur anno Dom. *MLV II.* die Sabbathi 9. Augusti, quoniam festum Sancti Stephani Papae & Mart. eo die celebrabatur. Ita Fridericus nondum  
qua.

quadriennio Monachus, hoc anno intra unum propemodum mensem, & Abbas Casinensis, & Card. S. R. E. ac tandem Summus Pontifex renunciatur. Rem illicò Christianam, quam perinuitus susceperat, prudentissimè temperavit; siquidem adiecto animo ad veteris disciplina institutionem, multa piè, prædenterque constituit, & præcipuè contra concubinatum, aliaque plurima Cleri vitia; unde omnes clericos Romæ degentes, qui post interdictum Papæ Leonis incontinentes extiterant, de conuentu Clericorum & choro Ecclesiæ præcepit exire; & qui inobedientes eius sanctissimæ ordinationi resistebant, Deus ultionum in eos signa demonstrabat, ut notauit noster Petrus lib. m. f. de ortu & vit. Iustor. Casin. cap. 58. de quodam Presbytero, qui iuxta Canonicam B. Caciliæ Transyberim habitans, fœminam abicere non acquiescebat, vana & friuola hac iudicans statuta. Dum itaque incolumis, inquit Petrus, vegetus, ac sanus existeret, vespertinis horis ad quiescendum se in lecto composuit; sed repentina diuinæ ultionis animaduersione percussus, subitanea morte mortuus est. Falsorum Monachorum item ac Sanctimonialium vitam, idem Pontifex reprehendit, & correxit. Simoniacam hæresim in æternum damnauit. Mediolanensem Ecclesiam, quæ per ducentos ferè annos à subiectione Romana Ecclesiâ insolenter se subtraxerat, eidem obtemperantem fecit. Denique dum se totum in deprauatis

mo-

moribus corrigendis accommodasset, infirmam tamen semper valetudinis, Florentia singulari omnium dolore ac luctu vitam cum morte, vel retrò potius commutauit an. MLV III. die xxviii. Aprilis, ibique sepultus in Cathedrali Ecclesia S. Reparata, absque ulla inscriptione, cum sedisset decem menses, totoque etiam vitæ spatio Abbatia Casinensi sibi reservata; constituto tamen illic eiusdem Cænobij Monacho Desiderio Vicegerente, qui postea Victor Papa III. est appellatus, exemplo Leonis Papa IX. qui sibi Episcopatum Tullensem quoad vixit retinuerat, dato suffraganeo. Sanctum Petrum Damianum Sabbatho quatuor temporum Martij in Collegium Cardinalium renitentem cooptauit ac in Episcopum Ostiensem et. am consecrauit, ut proinde ipse Damianus in epistola ad Nicolaum II. Suum vocauerit persecutorem Stephanū. Vt etiam Hildebrandum S. R. E. Archidiaconum, Sanctum Satanam, utpotè bona intentione aduersarium, nimirum, quod votis de repetenda eremo conceptis pertinaciter obstitisset, datis literis ad Alexandrum Papam II.

Res gestas Stephani scripserunt Sigibertus in Cbron. ad ann. MLV III. Leo Ostiens. in Cbron. lib. 2. cap. 77. 96. 98. 100. 101. qui suo tempore multa patrata fuisse ad eius sepulchrū miracula scribit. Eius sanctitas memoratur in Martyrologijs Arnoldi Vuionis, Hugonis Menardi, & Andrea Suassay. Vide etiam Lambertum Schafnaburgensem in hist. Germ.

*ad ann. MLVIII. Frizonem in Gallia purpurata, Sigonium de Regno Ital. lib. 9. aliisque.*

*Scripta præter memorata à Petro, epistolam ad Geruasium Barbet Archiepiscopum XLIII. Rhemensem, habetur tom. 3. Biblioth. Patrum & tom. 7. Concil. apud Baron. ad an. MLVII. num. 33. ac Papyrium Massonum: sed malè ad Vuilhelmum pro Geruasio dicitur, cum nullus reperiatur hoc nomine toto illo seculo Rhemensis Archiepiscopus.*

*Diplomata varia Pontificia fertur scripsisse, dum Bibliothecarij, ac Cancellarij S. R. E. officio fungeretur. Eius decreta leguntur Colonia excusa cum alijs, teste Posseuino in Apparatu. Si plura de scriptis Stephani videre optas, adeas Rupipozeum Episcopum Pictaviensem in nomenclatura Card. Posseuinum in dict. Apparatu. & Claudium Robertum in Geruasio Barbet.*

## C A P V T X V I I I.

**V**ICTOR, & ipse Apostolicæ Sedis Pontifex, Casinensis Abbas, compunctione timoris Dei plenus, castitate singularis, professione & opere Monachus, in nuptijs sponfam suam relinquens, eremum petijt, ibique sanctæ religionis habitum sumpsit: cuius fugam rabido furore insequentes parentes, eum repertum veste monastica exuunt, militari-  
busque illum tegminibus induentes, ad eius genitricis domum Samnium vsque deducunt.

Inde



Inde igitur, nocte quadam hora aufugiens, Sanctæ Trinitatis Cœnobium perijt. Inde igitur Magellæ eremum, ac dein Montem Casinum adueniens, monasticam isthic consecrationem accepit. Factus deinde Abbas, totum Casinum Cœnobium renouauit. De miraculis præterea, quæ à B. Benedicto, & à Monachis Casinensibus gesta sunt, vnà cum Theophilo Diacono libros edidit quatuor. Cantum etiam B. Mauri composuit, in quibus qui vult artis Grammaticæ tramitem, & Monochordi sonori Magade reperiet notas: Factus dehinc Sedis Apostolicæ Pontifex scripsit ad Philippum Regem Francorum, ad Vgonem Cluniacensem Abbatem quamplures epistolas. Claruit autem temporibus Imperatorum Michaelis, Constantini, Alexij, atque Henrici. Sepultus verò est in absyda Capituli Casinensis.

A N N O T A T I O.

**V**ictor Papa Tertius, in sæculo Dauferrius, deinde Monachus, Desiderius vocatus; Samnis Beneuentani Principis unica proles originem trahens ex familia Epiphania natus anno Dom. MXXVII. à primis annis amores suos, ac delicias in cælo collocans, in eremum clam secedit. (erat enim sæculi rigidus aspernator). deinde inter Casinates opera Romani Pontificis admissus fuit, nil aliud in votis habens, quam latere, & nesciri: unde

D de

de illo verè dici poterat, quod bodie in effigie  
*Thoma Kempensis* legitur. In omnibus re-  
 quiem quæsiui, sed non inueni, nisi in abditis  
 recessibus, & libellis. Non multo post igitur,  
 videlicet anno *MLVI*. atatis sue xxx. Ab-  
 bas *Casinenfis* eligitur, ( qui ante electionem  
*S. Benedictum* sibi bilari vultu, manu porre-  
 cta innuentem, & iuxta se considerare iubentem  
 per visum aspexit: qua visio *Casinenfis* Cæno-  
 bij cum Abbatem futurum indicabat ) & à  
 Romano Pontifice in procurandis magni mo-  
 menti negotijs ad *Michaelem Imperatorem*,  
 Legatus mittitur; è qua legatione postea re-  
 gressus, administrationem denuò Cænobij *Ca-*  
*sinensis* suscepit, & à *Nicolao Papa II.* anno  
*Dom. MLI*. inter Cardinales, tit. *S. Cæcilie*  
 cooptatur. Extincto apud *Salernum* *Grego-*  
*rio VII.* *Desiderius* omnium consensu, Chri-  
 stiana Reipub. præficitur, quo, ille, accepto  
 nuncio, tanquam repentinæ calamitatis inopi-  
 nato casu percussus, nunquam persuaderi po-  
 tuit, ut electioni assentiretur, disertè conte-  
 stans, se Pontificem esse nolle, & deposita cru-  
 ce, chlamyde coccinea, cæterisque Pontificijs  
 ornamentis, præter albam, quam renitenti  
 non potuerunt imponere, *Casinum* generosa  
 seculi fuga, ad suos remigrat: sed quia deli-  
 beratum erat, neminem alium, ipso supersti-  
 te, ac viuo, ad illud dignitatis culmen eus here,  
 importunis Cleri, Principūque precibus victus  
 Pontificatum admittit an. *Dom. MLXXXVI*.

ix. Kalend. Iunij, qui minime postea consecrari passus est, usque ad xiiij. Kalend. Aprilis die Dominico in Ramis palmarum, in Diaconia S. Lucia ad Septisolum ann. MLXXXVII. Quo tempore, dum Victor rem diuinam faciebat in Monasterio Casinensi, ad gloria immortalis conscendit sublimitatem anno etatis sue lx. xvj. Kalend. Octobris (veneno in calicem infuso, Henrici IV. Imp. & Pseudopapa infidijs suspicantur nonnulli. Vide Genebr. lib. 4. Chron.) Dignus viuere annorum seriem innumerabilem, cum praefuisset in Sede Apostolica ab ipso sua electionis exordio annum vnum, à consecratione menses quatuor, dies septem, & in Martyrologio Benedictino sub die xvj. Septemb. adscriptus hoc elogio. In Monasterio Casinensi obitus Beati Victoris Papae Tertij, sanctitate vitae & miraculorum gloria clarissimi. Michael Constantinopolitanus Imperat. Victorem nostrum fama notissimum venerabatur, eique nuntios, & plura munera misit, postulans, ut pro se, filijs, & Imperij statu Deum exoraret. Leo Ost. in prologo lib. 3. Chron. Casin. admirabilem, & singularem sui Ordinis virum Desiderium appellauit, & Sanctus Petrus Damiani Archangelum Monachorum, Eius sepulchrum visitur in Capella Sancti Bertharij Abbat. & Martyr. ad sinistrum Altaris cornu, hoc ornatam epitaphio.

Qui fuerim, vel quid, qualis, quantusque, doceri  
Si quis fortè velit, aurea scripta docent.

Stirps mihi magnatū, Beneuētus patria, nomē  
Est Desiderius, tuque Casine decus.

Intactā sponfam, matrē, patriamq. propinquos,  
Spernens, huc propero, Monachus efficior.  
Abbas dehinc factus, studui pro tempore, totū  
( Vt nunc aspicitur ) hunc renouare locum.

Interea fueram Romana clarus in Vrbe  
Presbyter Ecclesiæ, Petre Beate, tuæ.

Hoc senis lustris, minus anno, functus honore  
Victor, Apostolicum scando dehinc solium.

Quatuor, & semis, vix mensibus inde peractis,  
Bis sex lustra gerēs, mortuus hic tumulor,

Solis virgineo stabat lux vltima Signo,  
Cum me Solverus hinc tulit ipse Deus.

*Multa dum vixit scripsisse fertur, inter quæ  
adsunt tantum Dialogi sub hoc programme  
euulgati. Victoris Tertij Rom. Pontif. olim  
Desiderij Abbatis Casinensis Dialogi. Diuer-  
sa enim miracula in eis à S. Benedicto, alijsue  
Monachis in Casinensi Cœnobio, & alibi pa-  
trata leguntur, quos annis superioribus Ro-  
mæ in viij. forma in lucem è Vatic. Biblioth.  
depromptos edidimus, notisque illustrauimus.*

*Cantus, quem de Sancto Mauro composuit  
( erat enim Musices & Medicæ artis peritissi-  
mus ) in Ode Monasterij Casin. legitur : nota  
tamen, quod Magadium in dicto cantu indi-  
catum, ea pars est lyra, in qua plectrum illi-  
ditur, ubi scilicet percussio chordarum fit  
manu dextera, ut Budaus notauit. Vide li-  
brum de Harmonia psallentis Ecclesiæ cap. 17.*

*S. 3. nu. 5. circa finem, D. Ioannis Bona Cong. S. Bernardi Ord. Cifterc. Abbatis digniſſimi, viri omnigena literarum eruditione inſtructiſſimi; validiſque præſidijs diſciplinarum omnium tam metro, quàm proſa nobiliter inſtructi.*

*De rebus geſtis Victoris agunt Leo Oſt. in Chron. lib. 3. per totum, Binius in 7. tom. Concil. Sigonius lib. 3. de Regno Italia, Arnoldus Vuion lib. 5. pag. 633. Lign. vita. Albertus Crantzius. Baron. ad ann. MLXXXVII. Camil. Peregr. hiſtor. Princ. Langob. in ſerie Abb. Caſin. in Deſiderio, alijsque.*

## C A P V T X I X.

**A**LPHANVS Salernitanus Archiepiſcopus, & Caſinenſis Cœnobij Monachus, vir in ſcripturis ſanctis eruditus, & notitia eccleſiaſticorum dogmatum ad plenum inſtructus. Compoſuit nudo, & lucidiſſimo ſermone paſſionem Sanctæ Chriſtinæ, Hymnos præterea de eadem Virgine duos. De Sancto Benedicto verſus ad Pandulphum Marſorum Episcopum. Cantus S. Sabine. Verſus S. Chriſtinæ. Sancti Petri Apoſtoli. In laudem Monachorum Caſinenſium. De ſitu, conſtructione ac renouatione eiſdem Cœnobij metrum ſapphicū hendecaſyllabum de S. Mauro; Item eiſdem hymnos; de Sancto Matthæo hymnos tres: de Sancto Fortunato duos: de

S. Nicolao; ad Attonem Episcopū Theatinū; ad Gisulphum Principem Salernitanum; ad Sigismundum Monachū Casinensem; ad Guilielmum eiusdem loci grammaticum; ad Guidonem Fratrem Principis Salernitani; ad Gosfridum Auerfanum Episcopum; ad Hildebrandum Archidiaconum Romanum; ad Romualdum causidicum Salernitanum; ad Rosfridum Monachum Casinensem: metrum heroicum, in honorem Sanctorum duodecim Fratrum; Confessionem metricam eius; Versus de Ecclesia Sancti Joannis Baptistæ in Casino; Epigraphia quamplurima virorum insignium, & alia, quæ in nostram notitiam non venerunt. Fuit autem temporibus supradictorum Imperatorum; sepultus vero est apud Salernum.

## A N N O T A T I O.

**A**lphanus Salernitanus, primò Monachus Casinensis, deinde postulatione Gisulfi Principis, Abbas Monasterij S. Benedicti Salerni, & postremo eiusdem Ciuitatis Archiepiscopus renunciatur anno Dom. M L V I I. interfuisse enim legitur Concilio Romano sub Nicolao II. scientia tanto lumine cum sanctitate coniuncto praditus dicitur, ut illius seculi hominibus pro miraculo fuerit: Philosophus, Theologus, ac Orator celeberrime opinionis, poeticaque artis disertissimus; Neque verò alienum ab Episcopi dignitate existimandum, quòd

in Dei laudibus Poeticam maxime adhibuisset, cum & Paulus Gentium Doctor hymnis & canticis Deum celebrari iubeat; nec iam inde ab initio nascentis Ecclesia exempla defuerunt. Quo in numero familiam ducunt Damasus Pontifex, Nazianzenus, Damascenus, Paulinus, Fortunatus, Propper, Sidonius, ceterique Praefules. Lucubrations, quas notauit nosse Petrus, editae habentur apud V. Cl. Vghellam in cales tom. 2. Italia sacr. de mptis versibus, quos scripsit in laudem Romualdi Casinodici, & Sigismundi Monachi Casinens. quos m. ff. seruamus.

Insuper exarauit Alphanus praeter recensita, quadam insignia profundi sensus opuscula, videlicet. De vniōe verbi Dei & hominis librum unum. De vniōe Corporis & Animae librum unum. De quatuor humoribus corporis lib. vñ. Extabant praedicta doctrina consummatissima monimenta in Casin. Biblioth. m. ff. in pluteo 8. ad sinistram; num vero hodie, nondum comperimus, quamuis illa cum diligentia ab antiquitatum Eccles. indagatoribus perquisierimus. Passio Sanctorum Martyrum duodecim Fratrum Beneuentanorum, licet non una die sint passi, quam metro heroico in honorem dictorum Sanctorum scripsit ad fratrem Rosfridum Casinensem Monachum, legitur apud Lippomanum tom. 4. & Sur. tom. 7. sub die prima Septembris, cuius etiam mentionem facit Galestinus in not. ad Mart. seruaturque

*istam m. f. in nostro tenui literario penu.*  
*Notandum tamen est, quod non solum ex*  
*isto nostro m. f. exemplari versus editi emen-*  
*dantur; verum etiam ex alijs centum versi-*  
*bus hactenus ineditis metrum heroicum sup-*  
*pletur, sequitur enim.*

*Sic sacra temporibus Sanctorum corpora*  
*multis, &c. Terminatur sic.*

*Iam sistat opus milleno carmine clausum.*  
*Historiam predictam ad fidem dicti m. f. Cod.*  
*correctam, omnibusque numeris absolutam,*  
*Deo dante euulgabimus. Commentatus quo-*  
*que est de alijs sanctis, quae Trithemio prae-*  
*rita Possewinus recenset.*

*Aliorum hymnorum, & carminum libri*  
*una cum epitaphijs, partim excusi sunt in ter-*  
*tio tom. poemati Prosperi Martinengi in iv.*  
*Roma ann. MDLXXXIX. & in annal. Card.*  
*Baron. tom. 12. partim vero in calce tomi 2.*  
*Italiae sacr. Inter opuscula Gnaiferij Salerni-*  
*tani Monachi Casinens. Cod. sign. num. 280.*  
*Biblioth. Casin. cuncta Alphanii poemata in-*  
*textu nunc habentur.*

*Claruit Alphanus velut Sol cunctis fulgi-*  
*bus, virtutis exempla, felicitatisque tramitem*  
*subditis prae monstrans, ultimis Henrici Ter-*  
*tij, ac primis Henrici Quarti temporibus, an-*  
*no scilicet Dom. M L V I I. usque ad an-*  
*num M L X X X V I. post vigesimum nonum*  
*annum sui Praesulatus, mense Maij: qui etiam*  
*fuit inter Sanctos relatus, inquit Arnoldus*

*Vuion.*



*Vuion. Hinc corrigendum Falconis Chronicon editum à Viro Clar. Antonio Garacciolo, in cuius indice hæc leguntur. Alphanus Archiepiscopus Salernitanus obiit an. MCXXI. Succedente sibi Romualdo Chronici Scriptore Falco CCXX. Fuit Auctor Poematum, quæ feruat Bibliotheca Vaticana, vt testatur Baron. tom. xij. ad annū MCXI. Diferfus est ab Alphano illo seniori, qui consecratus est Archiepiscopus anno MLVIII. de quo Leo Ost. lib. 2. cap. 99. 100. Noster enim Alphanus, qui auctor est poematum, fuit electus & consecratus Archiepiscopus Salernitanus à Stephano Papa X. anno M L V I I. non autem senior Alphanus, clarè docet Leon. Ostien. in Chron. lib. 2. cap. 97. ac etiam lib. 3. cap. 7. 8. & 35. adi Vossium de histor. Lat. in Alphano.*

## CAPVT XX.

**A** MATVS Episcopus, & Casinensis Monachus, in scripturis disertissimus, & versificator admirabilis. Scripsit ad Gregorium Papam versus de gestis Apostolorum Petri & Pauli, & hos in quatuor libros diuisit: fecit & de laude eiusdem Pontificis, de duodecim lapidibus, & ciuitate cœlesti Hierusalem. Historiam quoque Nortmannorum edidit, eandemque in libros octo diuisit. Fuit autem temporibus supradictorum Imperatorum.

ANNO,

## ANNOTATIO.

**F**uit Amatus Prouincia Campania, Scrip-  
tor sui temporis non contemnendus, ac  
deinceps Episcopus, incerta tamen sedis. Scrip-  
psit ad Gregorium VII. Papam de gestis Apo-  
stolorum Petri & Pauli. Historiam Nort-  
mannorum disauit Desiderio Abbati, qui fuit  
Victor Papa III. testis est noster Petrus in  
auctario Chron. Casin. lib. 3. cap. 35. illamque  
hodie non extare, nisi m. s. in Casinenfi Bibliot.  
affirmant aliqui, non exiguo sane historie ec-  
clesiasticae, ac prophanae bono; cum in ea mul-  
ta scitu digna accurateque descripta legantur  
praecipueque verò Nortmannorum ritus, ac res  
gesta fideliter cecarata explicantur. Animad-  
uerterunt enim curiosi, exteros serè accura-  
tius, quàm incolae, gentis cuiusque mores, ri-  
tus, antiquitatem & obseruasse, & literis man-  
dasse. Non longè abierimus. Graci, Diony-  
sius Halicarnassensis, Plutarebus Cheronensis,  
Dio Cassius, & Herodianus copiosius, quàm  
Latini, Liuius, & Paterculus, ceterique in suo  
quisque genere res Romanas. Vixit Amatus  
anno Dom. MLXX, sicuti per ea tempora  
inter Casinates sanctitate, & literis etiam  
florebant Albericus, Constantinus, Guaisfe-  
rius, & Albanus.

C A P V T X X I.

**A**LBERICVS Diaconus, vir illius temporis singularis. Scripsit librum dictaminum, & salutationum. Hymnos in S. Nicolai, in Musica Dialogum. Librum de virginitate Sanctæ Mariæ: contra Henricum Imperatorem de electione Romani Pontificis. De Astronomia. Hymnos in S. Crucis, in Ascensionis, in Sancti Pauli, in S. Apollinaris: vitam S. Scholasticæ. Homiliam eius, & hymnos, in Assumptionis S. Mariæ hymnos tres, in Sancti Petri hymnos: vitam S. Dominici: passionem S. Modesti, & S. Casarii: Librum de Dialectica. Temporibus verò eius facta est Synodus in Vrbe Roma aduersus Berengariū Diaconum Ecclesiæ Andegauensis, qui inter multa, quæ asseruere nitebatur, dicebat, sacrificium Corporis, & Sanguinis Domini figuram esse: cumque ei nullus resistere valeret, idem Albericus euocatur ad Synodum: quò dum venisset, post varia conflictationum genera, cum pars parti non cederet, idem Albericus, accepta hebdomadæ vnius licentia, librum aduersus eundem Diaconum de Corpore Domini edidit Sanctorum Patrum testimonijs roboratum, in quo omnes assertiones eius destruxit, æternæque obliuioni tradidit. Fecit & versus in vitam S. Scholasticæ; Rhythmum in Pascha; de die Iudicii, & de pœnis inferni. Rhythmum  
de

de gaudio Paradisi. Epistolas quoque quamplurimas ad Petrum Ostiensem Episcopum. De die mortis. De monachis. Composuit & alia, quæ in nostram noticiam non venerunt. Fuit autem temporibus supradictorum Imperatorum. Sepultus verò est in Vrbe Roma, iuxta Ecclesiam Sanctorum Quatuor Coronatorum.

## A N N O T A T I O.

**A**lbericus Monachus Casinensis & S.R.E. Diaconus Cardinalis Sanctorum quatuor Coronatorum à Stephano Papa X. creatus, alij ab Alexandro II. Papa legunt; vir disertissimus, multisque virtutibus suo tempore clarus, quem iterum honorifico satis elogio idem noster Petrus Diaconus in auctario ad Ost. Chron. lib. 3. cap. 35. commemorat. Librum integræ vix hebdomada interiectu elaboratum aduersus Berengarium Hæresiarcham de Corpore Domini, Patrum testimonijs roboratum edidit, quo eius omnes assertiones omnino euertit, ipsumque deuicit, ac prostrigauit secunda vice sub Gregorio Septimo anno *M L X X I X.* in Synodo Romana; ut tanti proinde Sacramenti defensor dici promeruerit; unde postea Berengarius rationibus potissimum Alberici superatus, ac victus, pœnitentia ductus, errorem suum confitens, suscepta peregrinatione toto tempore vita sua satisfecit peccato, & anno Dom.

*Dom. MLXXXVIII. die Epiphania obiit nonagenarius, & in templo S. Cosma apud Turones sepultus. Scribit Claudius Robertus in sua Gallia Christiana, ubi de Episcopis Andegauensibus agit. Vide notas Viri Clar. Auberti Mirai in Sigibertum cap. 154. Berengarij abiurationem habes cap. Ego Berengarius, de consecr. dist. 2. Aliam in regeſt. Gregorij VII. lib. 3. & 6. in Synodo: cui repetitioni, quid causam dederit, exponitur in Scholijs Conciliorum, quae Colonia quatuor tomis sunt impressa. Vide Bellarminum lib. 3. de Euchar. cap. 8. col. 3. Blondum decad. 2. lib. 3. Lanfrancum, & Guilmundum contra Bereng. Notat Card. Baron. tom. xj. ann. M L I X. Leonem Ostien. nimis glorianter, ac valde mendaciter loquutum de Alberico, dum plus quam par est, de reportata gloriosa victoria in Synodo contra Berengariũ, eidem Alberico tribuat: cuius obiectionem refellit Matthaeus Lauretus de exist. corp. S. Benedicti cap. 42. pag. 204. Plus etiam refert animaduvertere, non esse Leonis ea, quae notauit Baron. sed eiusdem nostri Petri Diaconi, qui post Leonem incipiens à renouatione Ecclesiae Sancti Martini, id est lib. 3. cap. 34. cedit. Neapol. Chronicon Casinense continuauit; in qua parte, videlicet cap. 35. laudes & elogia Alberici à Petro describuntur, siue denuo repetuntur.*

*Meminit Alberici noster Petrus lib. mſ. de vita Iust. Casin. c. 48, in Quaiſerio his verbis.*

*Cum-*

Cumque iam remunerationes laborum, perennemque coronam æternus dare ei (*Guaiferio*) Arbitr decreuisset, languore deprimatur: qui in lectulo iacens extremum vitæ spatium iam iam ad Dominum reuersurus trahebat: nonnulli è fratribus circa lectum ipsius excubantes obitum eius orationum precibus munire cœperunt. Cumque in huius ministerio rei diei maximam partem pertransissent, surgens in medium Albericus Diaconus per Iesu Christi Domini nomen obtestari eundem, *Guaiferium* cœpit, vt post suum è mundo recessum qualiter susceptus, quoue in loco deputatus esset, eidem apparens reuelare curaret; quo dicto, prædictus frater ex hoc mundo recessit. Post non multos autem dies idem *Guaiferius* eidem *Alberico* per visionem apparens dixit ad eum: In veritate scias, me ad vitam transisse æternam. *Hæc Petrus.*

*Cuncta lucubrationes Alberici habentur mss. in Biblioth. Cœnobij Sanctæ Crucis Fratrum Minorum Cōuentualium Sancti Francisci Ciuitatis Florentiæ. Vita S. Scholastica habetur quoque m. s. in Biblioth. Casin. Cod. sign. num. 146. pag. 253. post quam sequitur eiusdem Alberici quadam homilia, incipit. Audistis, fratres charissimi.*

*In vita Sancti Dominici innumerabilium patratoris miraculorum, Monachi Casinensis ac Abbatii iuxta Soram in Italia (licet habitus Cisterciensium pingatur, quem constat, diu ante*

ante Cisterciensem reformationem vixisse Casinensibus Benedictinorum institutis) per nostrum Albericum descripta, apud Vir Cl. Bollandum tom. 2. sub die xxij. Januarij, nonnulla desiderantur, quæ ex nostro m. s. exemplari suppleri possent. Meminit Baron. Sancti Dominici anno M X X X I. & Ferrarius in catalogo Sanctorum.

Ceterum verò notandum, quod alius ab eo est Albericus, Monachus pariter Casinensis, qui scripsit de visione sua librum, natus anno M C I. circiter; legitur enim apud nostrum Petrum in auctario Chronici Leonis Ostiensis lib. 4. cap. 66. Casinense Cœnobium petijisse annum tunc agens ætatis sue decimum, sub Gerardo Abbate, qui sedit ab ann. MCXI. usque ad annum M C X X I I I. Stephanus verò Papa X. à quo in cœtum Cardinalium fuit cooptatus noster Albericus, obiit anno M L V I I I. Vnde diuersus manifestè dignoscitur, & corrigendus Bollandus in prolegom. supradictæ vitæ Sancti Dominici, unum & eundem esse opinans. Insuper obseruandum nostrum Albericum Card. non scripsisse de visione sua librum, ut incogitatè notarunt Arnoldus Vuion, Possevinus, Torrigius, alijq; quem utique indicasset noster Petrus in elenco lucubrationum Alberici, si literis demandasset; cum visionem habuerit illam Albericus puer natione Campanus ex Oppido septem Fratrum, qui postea Cœnobium Casinense petijt

petijt sub Girardo Abbate, ut dicemus infra in Guidone & notauit supradicta noster Petrus in auētorio ad Chron. Casin. Pariterque corrigendus venit Alphonsus Ciacon. caterique etiam, qui de Cardinalium gestis conscripserunt, notantes Albericum Cardinalem esse, natione Campanum ex Oppido septem Fratrum, dum putant Albericū Diaconum Monachum Casinensem, dein Card. & Albericum puerum, vnum & eundem esse, ex nominis similitudine, ut credimus, decapti.

Extant epistola S. Petri Damiani ad nostrū Albericum tom. I. lib. 2. epist. epist. 20. 21. in quibus quæstiones quasdam ab Alberico sibi propositas discutit: laudat & Platina in Nicolao II. vocans eum virum doctissimum.

Florebat Albericus ann. Dom. MLXXXIV. & atas ex eo satis cognoscitur, quod pro Gregorio Papa VII. calamus strixerit aduersus Henricum IV.

## C A P V T XXII.

**A**RIALDVS Casinensis Presbyter scripsit eleganti sermone quosdam tractatus; Fuit autem eo tempore quo & Albericus. Claruit anno MLXXX.



C A P V T XXIII.

**C**ONSTANTINVS Africanus, eiusdem  
Cœnobij Monachus, philosophicis stu-  
dijs plenissimè eruditus, Orientis, & Occiden-  
tis magister, nouusque effulgens Hippocrates.  
De Carthagine, è qua ipse oriundus erat, egre-  
diens, Babiloniam petijt, in qua Gramma-  
ticam, Dialecticam, Physicam, Geometriam,  
Arithmeticam, Mathematicā, Astronomiā,  
Necromantiam, Musicam, Physicamque,  
Chaldæorum, Arabum, Persarum, Saraceno-  
rum plenissimè edoctus est: inde discedens,  
Indiam adiit, eorumque se studijs erudien-  
dum tradidit: & dum Indorum artes ad ple-  
num edoctus fuisset, Æthiopiam petijt, ibique  
rursus Æthiopicis disciplinis eruditur. Cumq̃  
assatim eorum studijs repletus fuisset, Ægy-  
ptum profectus est, ibique omnibus Egyptio-  
rum artibus ad plenum instruitur. Completis  
igitur in ediscendis huiusmodi studijs triginta  
& nouem annorum curriculis, Africam reuer-  
sus est; quem cum vidissent ita ad plenum,  
omnibus gentium studijs eruditū, cogitaue-  
runt occidere eum: quod Constantinus agno-  
scens, clam nauem ingressus Salernum adue-  
nit, ibique sub specie inopis aliquandiu lauit:  
deinde à Fratre Regis Babiloniorum, qui tunc  
ibidem aduenerat, agnitus, ac in magna ho-  
norificentia apud Robertum Ducem habitus  
est.

est. Exinde vero Constantinus egrediens, Casinense Cœnobium petijt, atque à Desiderio Abbate libentissimè susceptus Monachus factus est. In eodem verò Cœnobio positus; transtulit de diuersis gentium linguis libros quamplurimos, in quibus præcipue sunt Pantegnum, quod diuisit in libros duodecim, in quo exposuit, quid medicum scire oporteat. Præcticam, in qua posuit qualiter medicus custodiat sanitatem, & curet infirmitatem, quam diuisit in libros duodecim. Librum duodecim graduum. Dietam ciborum; librum febrium, quem de Arabica lingua transtulit: librum de vrina, De interioribus membris; De coitu; vaticum, quem in septem diuisit partes, primò de morbis in capite nascentibus: dehinc de morbis faciei; de instrumentis: de stomachi & intestinorum infirmitatibus; de infirmitatibus epatis; renum, vesicæ, splenis & fellis. De his quæ in genetiuis membris nascuntur: de omnibus quæ in exteriori cute nascuntur, exponens aphorismi librum; Tegni, Megategni, Micategni, Antidotarium; disputationes Platonis, & Hippocratis in sententijs. De simplici medicamine. De Gynæcia, idest de membris, ac corporibus foeminarum: de pulsibus, Prognostica, de experimentis, glossas herbarum, & specierum; Chirurgiam: librum de medicamine oculorum. Hic vir quadraginta annis in ediscendis diuersarum gentium studijs expleuit, nouissimè verò senex,

&amp;

& plenus dierum in Casino obiit. Fuit autem temporibus supradictorum Imperatorum,

## A N N O T A T I O.

**C**onstantinus ad eorum morem, qui d Di-  
psade morfi sunt, plenis faucibus auidet,  
& sine interpiratione cunctas pbyficas disci-  
plinas haurire constituit, ut omnes dein fate-  
rentur nouum Hippocratem Orbi effulsisse;  
eamque ob causam Hebraam, Syram, Chal-  
daicam, Gracam, Latinam, Italicam, Persi-  
cam, Arabicam, Aegyptiacam, Aethiopicam,  
& Indicam linguam discere curauit. Vir qui-  
dem suapte natura ad res difficiles, obscurasque  
in antiquorum libris peruestigandas valde  
propensus, ut nemo illum etate sua vicerit,  
paucissimi aequarint, linguarumque omnium  
exacta notitia, qua ad homines illustrandos  
vna ferè sufficere semper existimata est, exi-  
guam partem in huius Viri, verè polyglossi  
laudibus occupauerit, sed profectò pro tanti  
Viri laudibus, ieiunè, arideque. Eius opera  
conquisita magno studio Basilea apud Henr.  
Petri ann. MDXXXVI. in folio, excusa re-  
periuntur: extare etiam m.ß. in Biblioth. San-  
cti Germani de Pratis Cod. sign. num. 439.  
scribit Labbeus in noua Biblioth. m. f. s. libr.  
pag. 50. vti etiam nonnulla in diuersis Bibliot.  
Patauinis memorat V. Cl. Thomasinus Episco-  
pus Aemonensis in Biblioth. Patauina. Gla-

runt Constantinus temporibus Imperatorum Michaelis, Constantini, Alexij, atque Henrici anno MLXXII. circiter. Vide nostrum Petrum Diaconum in auctario Chron. Casin. lib. 3. cap. 35. Trithem. de Script. Eccles. & de Vir. Illustr. Ord. S. Bened. lib. 2. cap. 70. & Arnoldum Vuionem lib. 5. cap. 98. Lig. vitæ.

## CAPVT XXIV.

**A** D T O Constantini Africani auditor, & Agnetis Imperatricis Capellanus, ea, quæ supradictus Constantinus de diuersis linguis transtulerat, cothurnato sermone in Romanam linguam descripsit. Atto, siue Hatto vel Hetto: Variè enim id nomen scribitur. Floruit anno MLXX.

## CAPVT XXV.

**P** A N D V L P H V S Ostiensis Episcopus, paruulus & ipse in Casino B. Benedicto oblati, scripsit sermones de totius anni festiuitatibus: Rhythmum quoque in laudem Sanctæ Mariæ composuit, & alia nonnulla, quæ nostris in manibus nec dum venerunt. Fuit verò temporibus Alexij, Ioannis, Henrici, Lothariique Imperatorum.

## A N N O T A T I O.

**P**Andulphus Monachus Casinensis primum à Paschale Papa II. Presbyt. Cardinalis, deinde ab Innocentio Papa Secundo Episcopus Ostiensis creatus anno M C X X X I. obiit anno M C X X X I V. ut scribit Arnoldus Vuion lib. 2. cap. 9. pag. mihi 190. Lign. vite, subdens hunc esse, cui noster Petrus Diaconus opusculum istud de Vir. Illustr. Casin. dedicavit; sed memoria ille quidem excidit, cum ille fuerit Episcopus Theanensis, ut ex catalogo librorum ab eodemmet Petro prætecto in auctuario histor. Casin. lib. 4. cap. 66. legitur; ex supramemorata temporis supputatione, alijsque difficultatibus labi forsàn nostrum Petrum, circa titulum Episcopatus, obseruauit V. Clar. Vgbellus in Ital. sacr. in catal. Episcop. Ostiens. adi, si lubet, ipsum.

## C A P V T XXVI.

**P**ANDVLPHVS Capuanus Presb. in Casino sub Desiderio Abb. Monachus factus, diuina, seculariq. literatura eruditus scripsit ad Petrum Salernitanum Abbatem librum de calculatione. Versus de termino Paschæ Hebræorum; de circulo solari ad concurrentes inueniendos; de Cyclo lunari; de feria Paschæ Hebræorum inuenienda; ad annos Domini inue-

niendos : qualiter sint inueniendæ indiçtiones. De Luna cuiusque diei inuenienda absque Embolismorum contrarietate: Quomodo fallunt qui se scire putant, quot horis, vel punctis luna in vnaquaque nocte luceat. Quibus modis cursus solis diuidatur: quomodo efficiatur bisextus: ad ferias Kalendarum inueniendas: Qualiter vel vnde regulæ ad ferias mensium inueniendas præcedant. Quomodo regula terminorum Hebræorum ex cursu solis inueniatur: ad feriam vniuscuiusque diei inueniendam. De quatuor temporibus, in quibus datarijs solstitia veraciter esse debeant: vbi æquinoctia veraciter credantur esse. Quomodo Aduentus Domini sit inueniendus. Vt litera hebdomadarum per totum annum memoriter inueniatur. Quomodo Christus sit passus in tertio Kalendas Aprilis. Quomodo anni ab origine mundi omnes fallunt. Qualiter Luna quintadecima non potest ad illam diem, qua facta fuit, pertinere. De Assumptione S. Mariæ. De Agnète Imperatrice. Fuit autem temporibus Michaelis, & Alexij Imperatorum.

## A N N O T A T I O.

**E**X præfatis luculentis eruditionis, ac doctrina monumentis nonnulla afferuari in Biblioth. Casinenfi Cod. sign. num. 3. sub hoc Lemmate, Canones mathematici, Camillus Pere-

*Peregrinus virtute, doctrinaque ornatissimus,  
nobis humanissimis literis communicavit.  
Floruit Pandulphus anno Domini M L X.*

C A P V T XXVII.

**L**ANDENVLPHVVS Capuanus sub Desiderio Abbate Monachus factus est. Scripsit sermone simplici librum, qui appellatur . . . .  
. . . . in quo introduxit Dominum, & Virginem Mariam, ac Sanctissimum Benedictum, iustis ac peccatoribus loquentes. Fuit eo tempore quo & Alphanus. *Claruit anno Domini M L.*

C A P V T XXVIII.

**O**DERISIVS Primus Casinensis Abbas, humilitate summus, castitate pudicus, spirituali lumine præditus, verficatorque mirabilis. Scripsit nonnulla, quæ quia præ manibus habentur, omitto referre. Fuit autem temporibus supradictorum Imperatorum.

A N N O T A T I O.

**O**derisius Oderisij Comitum Marsorum filius Campanus, ex Diac. Card. S. Agathe Nicolai II. Papa, Presbyt. Cardinali tit. Sancti Cyriaci in Thermis, & Abbas Casin. ab Urbano II. ordinatus est ann. MLXXXVII.

*xvj. Kalend. Octobris, sanctitatis & doctrinae  
meritis nobilitatus abiit ad primum iv. no-  
nas Decembris MCV. & Casini sepultus in  
Ecclesia Sancti Benedicti. Meminit Marty-  
rolog. Benedict. ad diem ij. Decembris, & Fer-  
rar. in catalog. Sanctorum: eius in antiquo la-  
pide mentio fit in Ecclesia Sancti Ioannis in  
Venere in agro Lancianensi. Oderisij maxima  
per literas usus est amicitia Alexius Comne-  
nus Constantinopolitanus Imperator. Henri-  
cum IV. Casarem quamvis Ecclesiae hostem  
sui tamen Monasterij amicum & fautorem  
habuit. De gestis eius, vide Ost. lib. 3. cap. 15.  
hist. Casin. & Camill. Peregrin. in serie Abb.  
Casinens. in Oderisio. Extat epistola Oderisij  
ad Monachos Floriacenses, quam refert Lau-  
retus de exist. corp. Sancti Bened. in Monast.  
Casin. cap. 26. pag. 122.*

## C A P V T. XXIX.

**B**ENEDICTVS, qui & Guaiferius, Saler-  
nitanus, sanctitate & religione cōspicuis  
suavis eloquio, ingenio magnus, sermone fa-  
cundus, Scripsit ad Troianum Episcopum,  
vitam Sancti Secundini, & cantum eius.  
Vorsus in laudem Psalterij. De miraculo illius,  
qui se ipsum occidit, & per Beatum Iacobum  
vite redditus est. De conuersione quorundam  
Salernitanorum. De laude Sancti Martini.  
In laudem Sancti Secundini. Hymnos de eo-  
dem.



dem. Homiliam de Aduentu. Sermones de Natiuitate Domini. De Epiphania. De Cœna Domini. De Septuagesima. De Ramis palmarum. Passionem Sancti Lucij Papæ. Claruit autem temporibus Alexij & Henrici Imperatorum, ac Desiderij Abbatis.

## A N N O T A T I O.

**O**puscula m. ss. Guaisery seu Gauferij, character Langobardico in priscis membranis exarata habentur in Bibliotheca Casinensi sub num. 280. hoc titulo præsignata. *Gauferij Monachi Casinensis homilia. In Aduentu Domini. incipit. Verba sancti Evangelij. In Natiuitate Domini. Ex Patre maiestatis. In Epiphania. Sempiterni pudoris. In Septuagesima. Per parabolam conductoris. In Ramis palmarum. Singularem, & famosissimam. In Cœna Domini. Ad gloriosissimam Redemptoris. Passio Sancti Lucij Papæ. Fortissima & præclara virtutum studia. Historia Sancti Secundini Episcopi Troiani. De bono dilectionis. Quam in catalog. Sanctorum Ferrarij sub die xj. Febr. compendio descriptam etiam reperies. Sequuntur in eodem Cod. m. ss. sarruina Gauferij, videlicet. In laudem Psalterij incipit.*

Verba fero vitæ, quæ verbum vitæ notauit.  
De miraculo eius, qui se ipsum occidit.

Mortis in immanem te merfit culpa, ruinâ.

— — — — —

De

*De Conuersione quorundam Salernitanorum.  
Res noua magna satis phibetur facta Salerni  
In laudem Sancti Martini Episcopi.*

*Gemma Sacerdotum votis assiste tuorum.  
In laudem S. Secundini Troiani Episcopi.*

*Adsis rota tuis festis festiua diebus.  
Hymnum de eodem Sancto Secundino.*

*Christe Rex Regum, pretium plorum.  
Cuncta præfata opuscula & carmina nos etiã  
manu exarata afferuamus, bono publico pre-  
ferenda.*

*De obitu Gauferij, vide que notauimus su-  
pra in Alberico. Consule etiam nostrum Pe-  
trum in auct. Chron. Casin. lib. 3. cap. 61. edit.  
Ven. Claruit anno Domini M L X.*

### C A P V T XXX.

**L**EO Ostiensis Episcopus & Bibliotheca-  
rius, a pueritia in Casino oblarus, sancti-  
tate, & monasticis disciplinis ad plenum im-  
butus, & indiuinis Scriptoris apprime erudi-  
tus. Fecit sermones de Pascha. De Natiui-  
tate. Historiam Peregrinorum: Historiam  
Casinensis Archisterij diuisam in libros qua-  
tuor. Vitam Sancti Mennatis, & alia quam-  
plurima, quæ in nostram non uenere noticiam.  
Fuit autem temporibus supradictorum Impe-  
ratorum.

ANNO.

## ANNOTATIO.

**L**EO Marficanus Campanus, à puero in Monte Casino Monachum induit, ubi tum ob vita sanctimoniam, tum ob eruditam sapientia literaturam celebris evasit: cumque eiusdem Monasterij Bibliothecarius ac Decanus esset, cooptatus est dein in Episcopum, & Card. Ostiensem à Paschali Papa II. anno Domini MCI. Hic ingentis animi fuit; vidensq; Imperatorem Henricum IV. ex odio retinere Paschalem, populum contra illum in seditionem vertit. Concilio Vastellensi interfuit, cuiusque Altare S. Laurentij in Lucina consecravit, reconditis multorum Sanctorum reliquijs, & precipue de craticula S. Laurentij cum eiusdem Martyris duabus sanguinis ampullis anno Domini MCKII. die xv. Octobris, ut ex antiquissima inscriptione eiusdem Ecclesie colligitur, quam postea in suis annales retulit Card. Baron. Inveniturque etiam nostrum, Leonem subscripsisse acta Concilij Laterani, sub Paschali II. v. Kalendas Aprilis. Viar qua notavit Lauretus de nostro Leone in Chron. Casin. pag. 79. Scripsit iubente Oderisio Casin. Abbate Chronicon sui Monasterij Casinensis, libris tribus, à temporibus S. Benedicti usque ad Desiderium Abbatem, qui postea Victor Papa Tertius fuit, qui dati sunt prae-lo Venetijs anno MDXIII. & Parisijs: p. Breve

Stremo Neapoli anno MDCXVI. opera & notis Matthæi Laureti Hispani Monachi Casinens. quas quidem editiones collatis cum antiquissimo exemplari m. s. in Casin. Biblioth. servato, quod Chronicon Casinense appellatur, fuisse ab integritatis suæ deturbatas gradus, mendisque obsitas, facile cognoscere per se sedulus lector valebit. Accidere enim sæpe videmus, & magno Reipublica literaria incommodo experimur, ut inter imprimendum quædam vel omittantur, vel addantur, vel in perius mutantur, librariorum vel incuria, vel audacia, vel malitia, & animi peruersitate: extat penes Vir. Clar. Lucam Olsteinium Chronicon Leonis, in quo variantes lectiones ad fidem plurium m. s. exemplarium sua manu ad oram editi libri adnotatas vidimus. Tutamen consule (si res te sollicitat) ea, quæ notarunt Matthæus Lauretus de exist. corp. S. Bened. in Monast. Casin. cap. 41. pag. 148. Camillus Peregr. in histor. Princip. Langobard. in serie Abb. Casin. in Petronace: & tunc sanè proferes, in eruditorum symposio limam ulteriorem etiam non esse desperandam.

Animaduertendum est, Baronium tom. x. annal. sub anno Christi DCCCXCI. obseruasse haud rectè in dict. Chron. collocatum. Formosum Pontificem Max. post Hadrianum ante Stephanum, quem non præcessisse, sed ei successisse exploratissimum est: deinde quod patrauerit sacrilegium Sergius Papa schismati-

cus,

cas, id Leo tribuat laudatissimo Pontifici Stephano, &c. Quem tamen errorem ex depravato Codice facile irrepsisse arbitramur; vide dict. Lauretum in not. ad lib. 1. cap. 45. Chron. Casin. & de exist. corp. Sancti Bened. d. cap. 41. à calumnijs nonnullorum nostrum Leonem vindicantem. Baronius certe anno MLIX. vocat Leonem, scriptorem sui temporis integerrimum: & anno MLXXVII. sincera fidei scriptorem.

Vita S. Mennatis, seu Menna Confessoris, quam Leonem imperio Oderisij Abbatis scripsisse testatur Petrus manu exarata, & typis nondum cusa penes nos servatur. una cum translatione reliquiarum ipsius ad urbem Caiatiam, addita insuper exacta miraculorum, eius narratione, quam tibi bono publico cum alijs Sanctorum actis, Deo dante euulgandam dabimus. incipit. Vitam & conuersationem egregij Confessoris Christi Mennatis; &c. De eius sanctitate agit S. Gregor. lib. 3. Dialog. cap. 26. Martyrolog. Rom. sub die xj. Novembris. Sigibert. in Chron. ann. DLXXXIX.

Scripsisse insuper Leonem vitam S. Ianuarij Monachi Casin. testatur Arnoldus Union Lig. vit. lib. 2. cap. 9. fol. 188. quam etiam descriptam à nostro Petro Diacono lib. m. f. de ortu & vita Iust. Casin. cap. 31. in vita S. Guinizonis, cuius fuit discipulus, inuenies: vide etiam elogia Abb. Casin. M. Ant. Scipionis pag. 312. cetera vero lacubrationes inedite adhuc remanent.

De-

Decessit Leo vir eximius, praeclareque studiis meritis, sacrique Senatus ornamentum xi. Kalend. Aprilis post ann. MCXV, ut planè perspicì potest ex illo tempore, quo in viuis agebat; inuenitur enim subscriptus Bulla Paschalis II, Ecclesiae Marforum concessa anno Dom. MCXV, Ego Fr. Leo Episcopus Ostiensis,

## CAPVT XXXI.

**L**EO S.R.E. Cardinalis Diaconus, & Casinensis Cœnobii Monachus, insignis studio, ac eloquentia; Scripsit ex nomine Urbani Papæ quamplures Epistolas, fecit & Registrum eius.

## ANNOTATIO.

**C**reatur anno Dom. MCV. à Paschali Papa II. scribit *Vuion lib. 2. Lig. vita cap. 9.* Diacon. verò ab Urbano Secundo: quamplures exarauit epistolas, quæ m. ss. in Vaticana asseruantur Bibliotheca, ex quibus viginti reperiantur sub nomine Urbani II. scriptæ à nostro Leone. Earum meminuit Card. Baron. tom. xj. anno Dom. MLXXXVIII. sub nomine tamen Leonis Ostiensis: extantque modo prædicta epistola tom. vij. Concil. Bini: fecit & eius Regestum, sed caremus eo. Notandum tandem est hic obiter, Card. Baronium supra

supra cit. loco., Possuinum in suo Apparatu, aliosque mente lapsos fuisse, putantes Leonem Marsicanum Cardinalem, & Episcopum Ostiensem, eundem esse cum Leone nostro Cardinale Diacono; dum Regestum Urbani, eiusque epistolas, quas scriptis prodidit, attribuant Leoni Ostiensi, sicque ex duobus unum faciunt; decepti, ut arbitramur, ex eiusdem nominis nuncupatione, serèque eodem tempore promotione duorum monachorum Casinensium in eorum S. R. E. Cardinalium, indeque fuerit natus error.

## CAPUT XXXII.

**G**REGORIUS Tarracinensis Episcopus parvulus & ipse in Casino oblatas, memoria tenax, ingenio viuax, tanta fuit gravitatis, suavitatis, ac eloquentiæ, ut à nonnullis Columna Ecclesiæ diceretur. Scripsit passionem Sanctorum Casti & Cassij: Passionem S. Virginis Restitutæ: vitam Sancti Confessoris Christi Gerardi: Homiliam de Assumptione Sanctissimæ Dei Genitricis Mariæ: Cantus Sanctorum Casti & Cassij; hymnos eorum: Versus de transitu peregrinorum ad sepulchrū Domini, & captione Hierosolymitanæ urbis rogatu Berardi Valuensis pulcherrimos fecit. Historiam Ionæ: Versus de Dedicacionibus Ecclesiarum, festiuitateque Paschali: De Sancto Andrea Homilias de totius anni festiuitatibus.

tatibus. Fuit autem temporibus Alexij, Henrici, ac Ioannis Imperatorum: sepultus vero est apud Pipernensem Ecclesiam.

## ANNOTATIO.

**E**cclēsia Tarracinenſi Præpoſitus eligitur à Paſchali Papa II. in quam poſtea noſter Gregorius eximia admodum doctrina reſeratus, omnique ſcientia exornatus, virtutum ſemina inſeruit, vitiorum elementa eradit, optimis præceptis moribusque ſubditos præcipuè imbuens, & quo denique radij ſolis Meliorem nullum illuxere alterum, ut ex eius operibus, quæ m. m. ſſ. paſſim in multorum manibus verſantur, dignoſcitur. Interfuit Concilio Vaſtellenſi anno MCVI. Idem Bullam quandam ſubſcripſit Piſana Eccleſia indultam anno MCXXVI. Ipſum iterum commemorat noſter Petrus in auctario Chron. Caſin. lib. 4. cap. 42.

*Acta Sanctorum Caſti & Caſſij, qui Epſcopi habentur & coluntur à Soranis, ſcripta fuiſſe à noſtro Gregorio, dum monaſticum habitū gerebat, teſtatur Card. Baron. in Martyrolog. Roman. ad diem primam Iulij. Acta verò S. Reſtitutæ Virginis, & Martyr. Romana, cuius feſtum pariter Sora celebratur ſub die xxvij. Maij, pariter à Gregorio conſcripta, ſummatim in catalogo Sanctorum Ferrarij leguntur.*



In Bibliotheca Casinensi extat Codex m. s. signatus num. 300. in quo describitur historia de via Hierosolymis qualiter recuperata sit, qualiterque etiam Antiochia, & eadem Hierusalem ab inuassione Gentilium per fideles Christi liberata fuerint. incipit. Tempore, quo Alexius Imperij Constantinopolitani regebat habenas, quo & beatae recordationis Urbanus Papa II. Romanae Sedis Pontificium administrabat, fuit quidam eremi accola in Galliarum regione, Petrus nomine, &c. Perducit historiam usque ad Regnum Balduini. Putant nonnulli, praedictam historiam esse Gregorij, qui rogatu Berardi Valuenss, etiam versus de transitu peregrinorum ad sepulchrum Domini, & captione Hierosolym. Urbis ediderat.

Notandum, nostrum Gregorium longe diuersum esse ab altero Gregorio pariter Casinensi, & Episcopo Sinuessano, de quo in sequenti: unde nonnulli ex eiusdem pariter nominis nuncupatione decepti ex duobus unum faciunt; dum opuscula, quae literis consignauit noster Gregorius, sequenti Gregorio attribuunt; sed lapsus utique talis primo condonandus est Possuino in Appar. in verb. Gregorius, deinde verò ijs, qui de Scriptoribus post Possuinum conscripserunt.

## CAPVT XXXIII.

**G**REGORIVS Sinuessanus Episcopus, & Casinensis Monachus, magnus ingenio, præclarus eloquentia. De captione Casinensis Cœnobij versus descripsit mirificos, in quibus introduxit B. Benedictum ad Monachos Casinenses loquentem. Composuit & multa alia, quæ in nostras manus minimè venerunt. Fuit verò supradictis Imperatoribus: sepultus est in Episcopatu suo.

## ANNOTATIO.

**H**ic fuit Episcopus Sinuessanus, sic legendum putamus, non Limessanus, ut perperam in aliquibus Cod. m. ff. scriptum notauimus. Floruit anno Dom. MCXX. circiter: ut in sacris literis doctus, ac poetica artis discretissimus: eius opuscula m. ff. in Casin. Biblioth. asservantur.

## CAPVT XXXIV.

**B**RUNO Signienfis Episcopus, & Casinensis Abbas, insignissimus, & splendidissimus Ecclesiæ defensor, & Doctor. Inter multa & præclara ingenij sui monumenta scripsit rogatu Signiensium Canoniconum expositionem super Psalterium, super Genesim, super Exodum, super Leuiticum, super Numerum, super

super Deuteronomium, super Esaiam, super Cantica, Canticorum, super Iudicum. Fecit & sermones hos; de laudibus Ecclesiæ in Dedicatione templi, de Paradiso, de Arca Noe, de Tabernaculo Fœderis, de Templo Salomonis; & de muliere, per quam Ecclesia significatur, De Ciuitate sancta Hierusalem, de Basilicis quæ ab Episcopis dedicantur. Item de Euangelijs; de ornamentis Ecclesiæ, de Fide, de Spe, de Charitate; de quatuor virtutibus, de humilitate, de misericordia, de pace, de patientia, de castitate, de obedientia, de abstinentia: Vbi Ecclesia ornatur, de nouo mundo, de Cœlis nouis, de nubibus nouis, de montibus nouis, de arboribus nouis, de potestatibus nouis, de mari & piscatoribus nouis, de auiibus nouis, de fluminibus nouis, de animalibus nouis: De festiuitatibus festiuitatum, id est, de Sancta Trinitate sermones tres; de Natiuitate Domini, de Circumcisione, de Epiphania, de octaua Epiphaniæ, de palmis, de Cœna Domini, de Pascha, de Ascensione Domini, de Pentecoste, de Natiuitate Sanctæ Mariæ, de Annunciatione, de Purificatione, de Assumptione eius, de Virginibus sermones tres, de Martyribus sermones septem; homiliam in festiuitatibus Confessorum, aliam in festiuitate S. Benedicti, cum sermonibus duobus de Pontificibus; quatuor de S. Angelo; de Apostolis homilias quinque, de pluribus martyribus tres, de vno martyre

## C A P V T XXXIII.

**G**REGORIVS Sinuessanus Episcopus, & Casinensis Monachus, magnus ingenio, præclarus eloquentia. De captione Casinensis Cœnobij, versus descriptio mirificos, in quibus introduxit B. Benedictum ad Monachos Casinenses loquentem. Composuit & multa alia, quæ in nostras manus minimè venerunt. Fuit verò supradictis Imperatoribus: sepultus est in Episcopatu suo.

## A N N O T A T I O.

**H**ic fuit Episcopus Sinuessanus, sic legendum putamus, non Linuessanus, ut perperam in aliquibus Cod. m. ff. scriptum notauimus. Floruit anno Dom. MCXX. circiter: vbi in sacris literis doctus, ac poeticae artis disertissimus: eius opuscula m. ff. in Casin. Biblioth. afferuantur.

## C A P V T XXXIV.

**B**RVNO Signiensis Episcopus, & Casinensis Abbas, insignissimus, & splendidissimus Ecclesiæ defensor, & Doctor. Inter multa & præclara ingenij sui monumenta scripsit rogatu Signiensium Canonicorum expositionem super Psalterium, super Genesim, super Exodum, super Leviticum, super Numerum, super

super Deuteronomium, super Esaiam, super Cantica Canticorum, super Iudicum. Fecit & sermones hos; de laudibus Ecclesiæ in Dedicatione templi, de Paradiso, de Arca Noe, de Tabernaculo Fœderis, de Templo Salomonis; & de muliere, per quam Ecclesia significatur, De Ciuitate sancta Hierusalem, de Basilicis quæ ab Episcopis dedicantur. Item de Euangelijs; de ornamentis Ecclesiæ, de Fide, de Spe, de Charitate; de quatuor virtutibus, de humilitate, de misericordia, de pace, de patientia, de castitate, de obedientia, de abstinentia: Vbi Ecclesia ornatur, de nouo mundo, de Cœlis nouis, de nubibus nouis, de montibus nouis, de arboribus nouis, de potestatibus nouis, de mari & piscatoribus nouis, de auiibus nouis, de fluminibus nouis, de animalibus nouis: De festiuitatibus festiuitatum, id est, de Sancta Trinitate sermones tres; de Natiuitate Domini, de Circumcisione, de Epiphania, de octaua Epiphaniæ, de palmis, de Cœna Domini, de Pascha, de Ascensione Domini, de Pentecoste, de Natiuitate Sanctæ Mariæ, de Annunciatione, de Purificatione, de Assumptione eius, de Virginibus sermones tres, de Martyribus sermones septem; homiliam in festiuitatibus Confessorum, aliam in festiuitate S. Benedicti, cum sermonibus duobus de Pontificibus; quatuor de S. Angelo; de Apostolis homilias quinque, de pluribus martyribus tres, de vno martyre

duas, de dedicatione Ecclesiæ, in Aduentu Domini, Dominica secunda de Aduentu, Dominica tertia, de Annunciatione B. Mariæ homilias duas: de Dominica quarta de Aduentu. In vigilia Natiuitatis Domini, in die homilias tres, in Sancti Stephani, in S. Ioannis Euangelistæ, in festiuitate Innocentium, Dominica prima post Natalem Domini, in octaua Domini, in Epiphania: Dominica prima post Epiphaniam, Dominica tertia, quarta & quinta. In Purificatione S. Mariæ, in Septuagesima, in Sexagesima, in Quinquagesima, in cinere & cilicio. Feria sexta, & Sabbatho in capite Quadragesimæ vsque in cœnâ Domini homilias quadraginta. In cœna Domini, in Sabbatho Sancto, in festiuitate Paschali, in feria secunda, tertia, quarta, quinta, & sexta, & Sabbatho, in octauis Paschalibus, in Dominica prima, secunda, tertia, & quarta post octauas Paschæ, in processione maiori, in festiuitate Apostolorum Philippi & Iacobi, in Inuentione Sanctæ Crucis, in S. Angelo, in Ascensione Domini, in Dominica prima post Ascensionem Domini, in Pentecoste, Dominica prima post octauam Pentecosten, Dominica secunda, tertia, & quarta. In Sancti Ioannis Baptistæ, in vigilia Apostolorum Petri & Pauli, & in die eorum, in Dominica prima, post Natalem Apostolorum cum homilijs xxiv. In S. Laurentio, in Assumptione S. Mariæ. S. Marthæ, vigilia S. Andreæ, & in die eiusdem:

ser-

sermonem de Sancta Scholastica, sermonem de translatione S. Stephani à Ciuitate Còstantinopolitana ad Arcem Romanam: versus in laudem S. Mariæ; homiliam in decollatione S. Ioannis Baptistæ, in Natiuitate S. Mariæ. Fuit autem temporibus supradictorum Imperatorum. Sepultus est in Episcopatu suo apud Ciuitatem Signinam.

ANNOTATIO.

**S**anctus Bruno Aste natus est ex familia Soleria nobilissima, à Gregorio Septimo Episcopus Signinus creatur, in virtutum, ac doctrina præmium, quod Berengarium impie de Sacramento Altaris sentientem in publico Romano Concilio disputando profligasset: deinde desiderio vitæ contemplatricis tactus abdicatione onere Episcopali Monachum Casinensem professus est anno MCIV. ubi postea omnium monachorum suffragio Abbas Casinas electus anno MCVII. idibus Nouembris, ibique præfuit annis tribus & mensibus x. quibus exactis, ad Ecclesiam Signinam, quam perinuitus acceperat, redijt, Pontificis reuerentia victus. Nos verò ne tanti Doctoris laudes culpa deterramus ingenij, calamique parum felicitis, illi alijs mittimus laudandum. Opuscula Bruno-  
nis duobus distincta tomis in lucem prodierunt anno MDCLI. Venetijs studio & opera D. Mauri Marchesij Casinensis Decani scholijsque etiam illustrata: & licet non omnes

lucubrationes, quæ in nostri Petri elencho descripta sunt, inibi legantur; multa tamen, quas Petrus præterijt, ibi habentur: nonnullæ verò m. ss. extant Taurini in nobilissima ac celeberrima Bibliotheca Serenissimi Sabaudie Ducis, præsertim verò Commentarius in cuncta quatuor Evangelia, uti etiam aliqua in Biblioth. Illustrissimi D. Caroli de Montchal Archiepiscopi Tolosani, scribit Philippus Labbeus in nova Biblioth. m. ss. librorum pag. 199. Forasan tempus, quod publica abscondit, & occulta manifestat, Dei miseratione orbem tantis ditabit continuo thesauris. Consule autem de script. Eccles. Auberti Mirai in Brunone, ac Vir. Clar. Theophilum Raynaudum Societatis Iesu, de malis, ac bonis libris partit. I. erot. 10. in Eusebio Emisseno, & in Brunone Chartus. fol. 133. & 138. E valle miseriarum in montes æternitatis ascendit Bruno anno MCXXV. xv. Kalend. Augusti, cum multis tam in vita, quàm in morte clausisset miraculis, relatus postea inter Sanctos à Lucio III. ut videre est in subiecta inscriptione marmorea, quæ in Signina Cathedrali spectatur. Memoriam æternam Beati Brunonis, quem Lucius III. Pontif. Max. Card. & Episcop. conventus Signæ in Ecclesia Beatæ Mariæ, ubi defunctum corpus quiescebat, inter Sanctos iussit adscribi anno ab eius abscessu LVIII. S. P. Q. S. Meminit Martyrolog. Rom. sub die xvij. Iulij: plura de eo nosse

Petrus



*Petrus in auctario Chron. Casin. lib. 4. cap. 31.  
Vide etiam apparatus ad prefata edita opus-  
cula Sancti Brunonis.*

**C A P V T XXXV.**

**I**OANNES Medicus, supradicti Constan-  
tini Africani discipulus, & Casinensis Mo-  
nachus, vir in physica arte disertissimus, ac  
eruditissimus: post Constantini sui magistri  
transitum aphorismum edidit Physicis satis  
necessarium. Fuit autem supradictis Imperat.  
Obijt autem apud Neapolim, ubi omnes li-  
bros Constantini sui magistri reliquit. *Gla-  
ruit anno Dom. M LXXII.*

**C A P V T XXXVI.**

**P**AVLVS e Liguria Romanorum provin-  
cia ortus, & ab ipsa infantia occulto Del  
iudicio lumine priuatus, & ob hanc rem lite-  
ris, & philosophicis studiis ignarus, tantum  
vsque in hodiernum diem de se miraculum  
præbuit, vt ab omnibus alter Didymus appel-  
letur. Hic postquam scripsit altercationem  
Romanorum, & Græcorum, quæ facta est in  
Ciuitate Constantinopolitana, sub Oderisio  
Abbate, Casinense Cænobium adiit tempori-  
bus Paschalis II. Papæ & Alexij Imperatoris.  
Super Esaiam, super Hieremiam, super reli-  
quos Prophetas, super Psalterium, super Mat-

thzum, super Marcum, super Lucam, super Ioannem, super epistolas Pauli, super Apocalypsim. Non solum autem Grammaticam, verum & reliquas artes auditu tantum plenissimè cordetenus didicit. Scripsit etiam vitam S. Ebizzonis Monachi Casinensis, qui Hilarioni similis fuit. Extant & alia eius librorum volumina, quæ in nostras manus nondum venerunt. Obijt autem apud Tiburtinam Ciuitatem.

## ANNOTATIO.

**V**ltimis Henrici III. ac primis Henrici IV. temporibus, scilicet anno M C. Claruit Paulus Genuensis, ab eodemque nostro Petro in auctario hist. Casin. lib. 3. cap. 47. Paulus Grammaticus etiam vocitatus; qui & si oculorum lumine esset orbatus, tanto tamen ingentis acuminis fuit excultus, tantaque perspicuitate cæterorum sensuum extitit decoratus. ut ab omnibus venerari promeruerit, deque illo verè poterat dici: Dominus illuminat cæcos.

Sanctus Ebizo seu Gebizo, cuius vitam descripsit noster Paulus, Colonia oriundus fuit, & Monachus Casinens. sub Desiderio Abbate; inter præclara eius gesta refertur, quod animam Adonis amici, quam demones ad supplicium traherant, precibus liberauerit: notauit id etiam noster Petrus lib. m. f. de ortu, & vit.

Iustor.

Iustor. Casin. cap. 51. & in auctario histor. Casin. lib. 3. cap. 47. Vide Hugonem Menardum in martyrol. Bened. ad diem 20. Octobris ac lib. 1. Dialog. Victoris Papa 111. pag. 20. Cetera opuscula, tempora nobis, ut credimus, inuiderunt, sed quid mirum? cum hisce temporibus inueniantur viri, qui pro eruendis antiquitatum prophanarum quisquilijs non solum in viscera terre penetrant, verum etiam viscera opum profundunt, thesauros verò inuisos sacrorum monumentorum, quæ animos beant, ita nauseant, ut obolo potius parcere velint, quàm hasce literarias exquirere diuitias.

## C A P V T XXXVII.

**B**ERNARDVS, Casinensis Monachus liberalibus studijs optimè eruditus scripsit miracula Sancti Confessoris Christi Amici Casinensis Monachi: fecit & alia multa, quæ recensere superfluum duximus. Obijt autem nostro penè sub tempore.

## A N N O T A T I O.

**V**Ita Sancti Amici Confessoris, quam Bernardus scripsit, inter nostra sacrorum monumenta m. s. hætenus inedita seruat, incipit. Beatus Amicus genere nobili ortus in finibus Comitatus Camerini, &c. *Locus,*

in quo natus, Arabona in Piceno (nomen est Abbatia) apud Montem Melonem, nuncupatur. Eius meminit Sanctus Petrus Damiani, et Baron. annotauit ad ann. DCCCCXCIII. ubi Amicum canonizatum esse, absque tamen solenni ritu Ecclesia scribit. Agitur dies festus die iij. Nouembris, multisque clarus miraculis fuit. Vide quae obseruauit Lauretus in notis ad Chron. Casin. in calce libri tertij, & Arnoldus Vuion in notis ad martyrol. Bened. Claruit Bernardus anno Dom. MCXX.

## C A P V T XXXVIII.

**I**OANNES Diaconus diuina, & humana scriptura peritissimus, fecit versus in laudem Sanctae Dei Genitricis, & Virginis Mariae, & alia quamplurima, quae ad nostros obtutus nondum venire.

## A N N O T A T I O.

**D**iuersus est noster Ioannes ab altero Ioanne S.R.E. Diacono, qui à Sigiberto inatal. cap. 106. laudatur, & Anastasio S.R.E. Bibliothecario familiaris fuit, qui etiam sub annum DCCCLXXIV. Libros quatuor de vita S. Gregorij Magni Papa edidit, gesta quoque Clementis Papa scripsit, quae m. ss. habentur in Casin. Biblioth. Vide Vossiam de histor. Lat. in Ioanne Diacono; maleque propterea non-

*nonnulli opuscula eorum confundunt inter se, dum ex duobus unum faciunt.*

C A P V T XXXIX.

**P**ETRVS Diaconus institutor meus declamator insignis, è Ciuitate Theanenfi, de qua oriundus erat, egrediens, Casinum aduenit, atque ab Oderisio Abbate Monachus factus est. Scripsit præterea in eodem Cœnobio positus, sermonem de Septuagesima : de Dedicatione Ecclesiæ : de Natiuitate Domini : de Epiphania, & alios quamplurimos. *Claruit circa annum Dom. MLXXX.*

C A P V T XXXX.

**L**ANDENVLPHVVS Parvulus in Casino sub Desiderio Abbate B. Benedicto oblatus : ac in diuinis scripturis plenissimè doctus, & in earum sensibus subtilissima exercitatione limatus, de renouatione Casinensis Cœnobij, seu Archisterij, ac regimine Desiderij versus mirificos fecit, quos idem Desiderius Abbas in circuitu Capituli, & Claustri describi præcepit. *Viuebat anno MLX.*

## CAPVT XXXI.

**G**UIDO Casinensis Presbyter, vir in humana eruditione clarissimus, religione, & vita probatissimus, scripsit historiam Henrici Imperatoris, visionem Alberici Monachi Casinensis; versus de fortuna eiusdem . . . . præterea quæ in historia Casinensi deerant, à temporibus scilicet Oderisij primi vsque ad hunc diem, adiunxit.

## ANNOTATIO.

**V**ivebat Guido tempore Girardi Abbatis Casinensis anno Domini MCXI. inter elegantissimos scriptores sua tempestate præcipuus. Visio Alberici, de qua supra in Alberico Diac. Card. penes nos extat m. s. tali lemmate. Quia nonnulli veritatem mendacio obumbrare consueverunt. Summatim verò descripta à nostro Petro legitur in Chron. Casin. lib. 4. cap. 68. edit. Veneta his verbis. Huius tempore (idest Girardi Abbatis qui sedit ab anno MCXI. usque ad MCXXIII.) in Campaniæ provincia insigne miraculū & antiquis per omnia simile contigit. Namque in castro Sanctorum septem Fratrum, Albericus quidam nobilis puer cum decimum ageret ætatis annum, morbo correptus ad extrema perductus est. Quo tempore diebus novem, & totidem nocti-

noctibus immobilis ac sine sensu quasi mortuus iacuit: hoc autem interuallo à B. Petro Apostolo; duobusque Angelis per loca pœnarum deductus ad infernale barathrum deuenit. Demum ad Paradisi amœna delatus, vidit Sanctorum mansiones, atque in Cœlum subleuatus aereum, & à B. Petro Apostolo sufficienter edoctus de veteri testamento, de peccatorum pœnis, gloriaque Sanctorum: vidit arcana quædam, quæ loqui prohibitus est: sicque per septuaginta duas prouincias ab eodem Apostolo deductus, vitæ redditus est. Huius visionem, qui cupit agnoscere, à Guidone huius Monasterij Monacho descriptam, legat. Nos eam, quia per ora omnium vertitur, hic scribere omisimus. Ex hinc Albericus ipse, relictis seculi pompis, Casinense Cœnobium petijt, atque à Patre Girardo gratissimo affectu susceptus, accepto sanctæ conuersationis habitu, Christo Regi militiam professus est. Tanta verò (hodieque) abstinentia, tanta pollet grauitate morum, vt & peccatorum inspexisse pœnas, & Sanctorum gloriam vidisse nemo, qui dubitet. Nam ex illo tempore neque carnes aliquando gustauit, neque vinum bibit: nudisque semper incessit pedibus: atque in hac afflictione corporis, cordisque contritione, & humilitate nunc vsque (*Anno MCXV.*) in Casinensi hoc monasterio permanet, vt multa illa, quæ alios lateant, vel metuenda, vel desideranda vidisse, etiam

etiam si lingua taceat, vita loquatur. *Hucusque Petrus. Historia Henrici, nescio quo infortunio nondum lucem viderit, dum hi, qui de rebus Henrici IV. & V. conscripserunt, de Guidone silentium altum habuerunt.*

## C A P V T XXXXII.

**R**OBOAS Diaconus, parvulus in Casino à Girardo Abbate susceptus, scripsit rogatu quorundam amicorum suorum sermones de totius anni festiuitatibus, ac vitam Sancti Confessoris Christi Leonardi. *Claruit Roboas sive Noboas anno MCXX.*

## C A P V T XXXXIII.

**P**ETRVS Romanæ Ecclesiæ Subdiaconus, & Casinensis Monachus, parvulus & ipse in Casino susceptus, rogatu Petri Diaconi, ac Bibliothecarij, passionem Beati Marci versibus adornauit.

## A N N O T A T I O.

**P**etrus S. R. E. Subdiaconus Cardinalis appellatur ab Arnolde Vuione lib. 2. cap. 9. Lig. vit. à quo autem Pontifice promotus, ignoratur, verum ab Arnolde perperam nuncupatur S. R. E. Subdiaconus Cardinalis, cum in tabulis Ecclesiasticis, Episcopi, Presbyteri & Dia-



*Diaconi Cardinales in Ecclesia Romana tantummodo legantur. Viuebat anno Domini. MCXX.*

C A P V T XXXXIV.

**R**AYNALDVS Casinensis Subdiaconus, paruulus B. Benedicti oblatus, vir valde eruditus, & verificandi scientia antiquis per omnia comparandus, scripsit ad Petrum Diaconum, ac Bibliothecarium Sanctissimi Seueri Casinatis Episcopi in laudem versus: Versus quoque de vita B. Benedicti, ac B. Mauri. Hymnos in laudem Sancti Confessoris Christi, atque Pontificis Seueri.

A N N O T A T I O.

**H**ymni excusi sunt in Breviarijs Casinensibus an. MDLXVIII. & MDLXXII. Vide quæ de Raynaldo notarunt Arnoldus libro 2. cap. 9. Lig. vita. Vossius de hist. Lat. lib. 3. cap. 7. pag. 713. & Camill. Peregr. hist. Princip. Langobard. in serie Abbatum Casin. in Raynaldo.

*Ex supplemento Petri Diaconi  
de Viris Illustribus.*

C A P V T XXXV.

**G**ELASIVS Sedis Apostolicæ Pontifex, parvulus in Casino sub Desiderio Abbate B. Benedicto oblati, & ab Alberico Philosopho edoctus. Scripsit in eodem Cœnobio positus, passionem Sancti Erasmi, Sanctæque Anatoliæ: passionem quoque S. Casarii versibus adornavit. Factus dehinc S. R. E. Cancellarius descripsit Registrum Paschalis Papæ II. Demum verò in Apostolica Sede Pontifex factus, Henricum Imperatorem propter investituram Ecclesiarum excommunicavit, atque pro ordinandis Ecclesiasticis negotiis Galliam ingressus, apud Cluniacense Cœnobium obiit.

A N N O T A T I O.

**A**Ntea Ioannes Caietanus, natione Campanus, Crescentij filius, nobili genere ortus, ex S. R. E. Subdiacono, & præsignatore Urbani I I. Diaconus Cardinalis Sanctæ Mariæ in Cosmedin, & S. R. E. Cancellarius, ac Bibliotb. Paschali Papæ I I. gratissimus exstitit, cuius senectutis baculus vocabatur;

tur ; demum Pontifex sub Gelasij I I. nomine creatur ann. MCXV I I I. die xxij. Ian. Iustitia pater acclamatus. Post annum, & dies aliquot Pontificatus agens Matiscone in pleuresim incidit, iussitque se lectica ferri in Cluniacense Cœnobium, ubi mortem oppetiit iv. Kalend. Febr. anno MCXIX. meritis inclutus, ac sanctitate insignis: strato humi corpore cinere ac cilicio cooperto, postea sepulto in monumento marmoreo opere tusco, & lapide candido, cui Petrus Piclaniensis cognomento Venerabilis Abbas Cluniacensis, ac coetaneus nostri Gelasij sequens epitaphium posuit.

Vir gravis, & sapiens, actu, verboque Ioannes, Cum prius ex Monacho, pro multa strenuitate Archileuita foret, & Cancellarius Urbis, Præsule Paschali meritis ad sydera raptus, Promeruit tandem sacram conscendere sedem, Dignus post primum Gelasius esse secundus. Sed, quia Rege fuit non præcipiente leuatus, Horrendum fremuit Princeps: Et filia dulcis, More suo, profugum suscepit Gallia Patrem. Si licuisset ei (pro certo crede) sub ipso Virtus, & pietas, & honestas cresceret omnis, Et pax Ecclesiæ toto floreret in Orbe. Nam rapuit mors atra virum, cum Pontificatus Vix ageret primum Pastor Venerabilis annum; Bina dies iam restabat, cum Cluniacensi Dormiret in proprio Romani iuris Asylo. Hic igitur positus dilectos inter alumnos,

G

Cum

Cū Patribus sãctis requiescit, & optat, vt orbis  
 Conditor, & Iudex veniat quandoq̃. potenter;  
 Et cineres lapsos in pristina membra reformet.  
 Felix inde nimis semper Cluniace manebis,  
 Quod Pater Orbis Apostolicus summusque  
 Sacerdos

Ecclesiæ, matrisque tuæ specialis, apud te  
 Transijt ad superos, in te requiescit humatus.  
 Nec minus hic etiam felicem credimus illum;  
 Cui dedit ipse pius magno pro munere Christ⁹  
 Vt Monachi Monachum Patrem quoque pi-  
 gnora cara

Iugiter aspiceret, lacrymisq̃. rigãdo sepulchrũ,  
 Sacris in precibus specialem semper haberent.

*De laudibus Gelasij hæc notauit Card. Ba-  
 ronius anno M C X I X. Post Martyres, qui  
 fuso sanguine martyrium consumarunt, haud  
 facile inter Romanos Pontifices aliquem quis  
 inuenerit, qui breuiori vitæ tempore maiora  
 sit passus: ob idque præclariori corona donan-  
 dus, atque celebrioribus fuerit præconijs ce-  
 lebrandus. Gelasium Sanctum Ioannettus  
 nuncupat, virum sanctissimum Genebrardus:  
 Abbas Vr̃spergensis virum prudentem, vene-  
 randum, Apostolicæ Sedi semper irreprensibili-  
 ter collaborantem. Vide Gelasij vitam à Pan-  
 dulp̃ho Pisano eius synchrone conscriptam,  
 studio & opera Constantini Caietani editam:  
 Martyrolog. Gallicanum ad diem xxix. Ian.  
 Martyrolog. Vniouis ad dictam diem, Sigo-  
 nium de Regno Italia lib. x. & Hugonem Me-  
 nardum*

*nardum in not. ad Mart. Bened. sub die xxvij. Ian. qui à calumnijs Orderici Vitalis Cœnobij Vticensis, seu Sancti Ebrulfi Monachi lib. 12. circa initium historia ecclesiastica Norman-  
norum Theopompino scriptiois genere exar-  
tae, Gelasium Sanctissimum vindicat.*

*Passio S. Erasmi Episcopi & Martyr. typis excusa est Roma MDCXXXIX. Studio & opera præfati Caietani. Actorum SS. Anato-  
lia ac Casarij rhythmicè à Gelasio literis confi-  
gnatorum meminit Baron. in Martyrol. ad ix. Iulij, quæ temporum iniuria intercidisse exi-  
stimamus.*

*Ex epistolis, quas scripsit, quinque refert Binius tom. vij. Concil. Vide Baron. tom. xij. annal. anno MCXVIII. & MCXIX. Re-  
gestum Paschalis II. Papa eius prædecessoris composuit, quod non extat, nisi m. s.*

## C A P V T XXXXVI.

**I**OANNES Tiburtinus à Girardo Abb. in Casino susceptus, scripsit sermone simplici sermones de totius anni festiuitatibus, fecit & alia nonnulla, quæ in nostram notitiam non venerunt. Obijt autem temporibus Lotharij Imperatoris. *Claruit anno MCXX.*

## C A P V T XXXXVII.

**P**ETRVS Diaconus Casinensis Chartula-  
rius, ac Bibliothecarius, quinquennis sub

Girardo Abbate B. Benedicto oblatuſ a Patre Egidio natione Romano, atque ſub eodem Abbate per octo ferme annos eruditus eſt. Anno verò Incarnationis Dominicæ milleſimo centeſimo vigefimo octauo, ætatis autem eius vigefimo primo, cum Oderiſius Girardi Abbatis ſucceſſor Abbatiam reliquiſſet, ad exilium æmulorum ſuorum faciente inuidia, directus eſt. In ipſo autem dum eſſet exilio, rogatus ab Adenulpho eiufdem Urbis Comite, deſcripſit ad Oderiſium Abbatem paſſionem B. Marci, & Sociorum eius: vitam egregij Confeſſoris Falconis: vitam Sancti Placidi diſcipuli S. Benedicti. Vitam Sancti Apollinaris Abbatis: vitam Sanctorum Guinizonis, & Ianuarij: Rhythmum de nouiſſimis diebus, in quo iuxta literam videtur ſequutum eſſe, Apoſtolum Ioannem, cum idem Petrus ſciret iuxta quod ibidem ſcriptum eſt, finitum pro infinito. Deſtructionem & reſtaurationē Atinæ Urbis. In Beati Marci adiunxit hiftoriam. Scripſit etiam ſermones hos. De feſtiuitate B. Marci ſermones octo, ſermonem in vigiliam eius. De vigilia SS. Nicandri, & Marciani. Sermoneſ de cœna Domini. Duos in Paraſceue, in Sabbatho ſancto; Homiliam de Sancto Benedicto. In Paſcha, in Aſcenſione, in octaua Sancti Benedicti, in Pentecoſte, in feſtiuitate S. Ioannis Baptiſtæ, de S. Petro, & Paulo, de S. Laurentio: in vigilia S. Mariæ. Librum Illuſtrium virorum Cœnobij Caſinenſis, miracula

racula Casinens. Monachorum, quæ scripta adhuc minimè erant, descripsit. Historiam de euerfione seu restauratione Cœnobij Beati Mauri ex iuffione Abbatis Senioretti emendauit, in qua & prologum scripsit. Fecit & prologum in libro priuilegiorum ex rogatu Raynaldi Subdiaconi Casinensis. De Sancto Nicandro sermonem. De translatione Sancti Stephani Protomart. à Ciuitate Constantino-politana ad Urbem Romam. De ortu & vita Iustorum Cœnobij Casin. In festiuitate omnium Sanctorum. De Natiuitate Domini sermones duos. De S. Stephano. Chronica Cœnobij Casin. à renouatione Ecclesiæ B. Martini à Desiderio facta vsque ad hunc diem. Astronomiam ex veteribus libris collegit. Solinum de miraculis breuiavit. De generibus lapidum pretiosorum librum exarauit. Expositionem Regulæ in quatuor libros diuifit. Scholia in veteri testamento. Epistolas duas ad Lotharium Imperatorem. Ad Richizam Imperatricem. Librum notarum ex paruo ampliorem fecit. Vitruuium de Architectura Mundi abbreviauit. Librū Heue Regis Arabum de lapidibus transtulit. Hymnum de Sancta Christina. Vitam S. Constantij Episcopi. Epistolam ad Conradum Imperatorem. Visionem Alberici Monachi Casin. corruptam emendauit. Scripsit & vitam S. Seueri Episcopi, & Confess. ex rogatu Raynaldi Subdiaconi Casin. De S. Nicandro, & Marciano ser-

monem de translatione, & Chronicam Consulium, Dictatorum, & Imperatorum composuit. Translationem B. Marci in Ciuitate Atina, & eius miracula exarauit. Cantus Beati Marci composuit, & Sanctorum Nicandri, & Marciani. Obijt autem in Casino & ibi sepultus est.

*Explicit liber de Viris Illustribus  
Casinensibus.*

## A N N O T A T I O.

**P**etrus Casinensis Diaconus, Chartularius, Scriptorius, ac Bibliothecarius Casinensis, qui hunc de Viris Illustribus Casinensibus librum literis consignauit, ex Patre Aegidio natione Romano, Gregorij Romanorum Patritij, & Consulis Filio, ex Comitibus Tusculanis, vir fuit in sacris, humanisque literis taliter eruditus, ut inter elegantissimos scriptores sua tempestate praeipuus sit habitus: Excessit e viuis post annum M C X L. innumeros penè scetus sui ingenij ad Reipub. literariae commodum reliquens, quorum ob temporis iniuriam, hominumque negligentiam, nonnulli collapsi, ac dispersi sunt, eorum tamen indicem ipsemet Petrus lib. 4. Chron. Casinens. cap. 68. edit. Venet. pertexuit; Vah! quam multa tempus atrox falce metit. Nil aliud typis cussum modò legitur, nisi supplementum ad 3. lib. Chron. Casin. Leonis Off. & totus



totus liber iv. eidem Chron. attextus: exorsus  
noſter Petrus, ubi Leo deſierat, ab anno ſcili-  
cet *MLXXXVI*. proſecutus uſque ad an-  
num *MCXXXVIII*. Et inſuper liber de no-  
tis literarum more Romano ad Conradum  
Imperatorem editus Venet. anno *MDXXV*.  
ſtudio Nicolai Erythrei, nouiſſimè verò Ha-  
nowia und cum auctoris antiquis Gramma-  
tica Latina opera Helia Puteſchij. Nonnulla  
lucubrationes, quæ prælo hæcenus non ſunt  
traditæ, in noſtro ſacrorum penario m.ſſ. aſſer-  
uantur, quas commemorare hic non diffugi-  
mus, & ſunt.

*De ortu & vita Iuſtorum Caſinenſium*,  
incipit. Benedictus ſignifer.

*Scholia in diuerſas ſententias.* Veni Ver-  
bum Dei.

*Scholia in quaſtiones veteris teſtamenti.*  
Mos eſt ſanctæ Scripturæ tempora mutare.

*Exhortatorium ad Monachos*, in quo oſten-  
dit, quid cuſtodire, quid cauere debeant, & de  
ſeptem vitijs & virtutibus. *De Patriarchis:*  
*de Rege Ozia, & de Moyſe.* Omnibus, qui ſe-  
cundum Sancti Benedicti Regulam.

*Rhythmus de nouiſſimis diebus.* Anno Chri-  
ſti paſſionis finito milleſimo Satanas Auerni  
Princeps ſoluetur à vinculis.

*Altercatio pro Cænobio Caſinenſi.* Igitur  
dum in conſpectu Imperatoris Lotharij.

*Catalogus Regum, Conſulum, Dictatorum,*  
*Tribunorum, Patriciorum, ac Imperatorum*

*gentis Troiana . Saturnus Vranius .*

*Epistola ad Lotharium Imperatorem Abbat-  
tis Casinensis nomine Guibaldi missa .* Post in-  
numeras sollicitudines .

*Epistola secunda ad eundem Imperatorem .*  
In varijs, multiplicibus, ac diuersis tribulatio-  
nibus constitutus .

*Epistola consolatoria ad Richizam Roma-  
nam Imperatricem .* Multoties Imperatrix  
inuisa .

*Epistola consolatoria ad Richizam Impera-  
tricem de obitu Lotharij Tertij Imperatoris .*  
Licet neruus incisus doleat .

*Epistola consolatoria ad Conradum Impe-  
ratorem secundum de electione sua .* Benedi-  
ctio, & claritas, & sapientia .

*Sermo in Cœna Domini .* Scripturus vene-  
rabilem Domini passionem .

*Sermo in Parasceue .* Hodie quadrifida fa-  
brica Orbis innouatur .

*Sermo in Sabbato sancto .* Sicut fuit Ior-  
nas in ventre cœti .

*Sermo in Resurrectione Domini .* Resultet  
hodie Cœlum .

*Sermo in Ascensione Domini .* Hodie terre-  
nis cœlestia sociantur .

*Sermo in festo Pentecostes .* Redemptoris  
nostri festiuium diem .

*Sermo in Natiuitate S. Ioannis Baptiste .*  
Hodie euangelica tuba fulsit in Orbe .

*Sermo in Natali Apostolorum Petri, &  
Pauli .*

*Pauli. Sanctissimus, ac felicissimus dies.*

*Sermo de S. Laurentio Martyr. Diuini muneris sacratissimum hodie.*

*Sermo in vigilia Assumptionis Beatissima Virginis. Sacratissimæ, ac intemeratæ Genitricis.*

*Sermo in festiuitate omnium Sanctorum. Hodie æterni Imperatoris claritas.*

*Sermo in Natiuitate Domini. Hodie mundo salus redditur.*

*Alter sermo in Natiuitate Domini. Hodie nobis pax vera refulsit.*

*Sermo singularis in octaua S. Patris Benedicti, ubi de miraculorum abundantia. Egregij, atque pretiosissimi Confessoris Benedicti.*

*Vita Sancti Placidi discipuli Sancti Benedicti, siue Regestum eius compilatum à nostro Petro circa annum MCXXX. ubi prolixæ narrationes variarum de vita, & martyrio Sancti Placidi, de oblationibus Tertulli, Iustiniani Imperatoris, & Vitaliani Papæ habentur.*

*Vita S. Seueri Episcopi Casinensis ad Signoretum Abbatem. Quia vestra iniussus potestate.*

*Vita Sancti Apollinaris Abbatis ad Raynaldum Casinensis Cœnobij Diaconum. Nimium admiranda.*

*Vita Sanctorum Guinizonis, & Ianuarij ad Richardum Monachum. Guinizonis ortum vitam, obitumque descripturus.*

*Ser.*

*Sermo in vigilia S. Marci Atinensis Episcopi. Vigiliis pretiosissimi Martyris & Pontificis Marci.*

*De Sanctis Atinatibus, scilicet Marco Episcopo, Nicandro & Marciano, eorumque miraculis. Domitiano Imperatore Ecclesiam persequente.*

*Sermo in eorundem Martyrum festiuitate, Sanctam, venerandamque fratres carissimi.*

*De B. Marco Atinensi Episcopo scorsim à Nicandro & Marciano sermones. Primus incipit. Vnius idem est initium, celebritas, & gaudium; alter verd: Maximus Prophetarum.*

*Hac supramemorata opuscula, qua m. ss. seruamus, communi orbis bono in lucem exitura speramus.*

*Exarauit insuper noster Petrus vitam Sancti Leonis Papa ad Innocentium Papam secundum: librum etiam de locis sanctis, siue Itinerarium Terra Sancta, continet septem folia. Librum pariter, in quo descripti sunt fasti consulares, & series Imperatorum, Pontificum, atque Abbatum Casinensium. Præterea expositionem in Regulam Sancti Benedicti, opus satis magnum; Cuius unicum fragmentum refertur à Viro Clar. Ioanne Bona lib. de Harmonia Psallentis Ecclesie cap. 12. §. 2. de Officio paruo Beata Virginis Maria pag. 244. Item Regestum peruetustum sign. num. 86. characteribus Lægobardis in membranis scriptum*

ptum ex mandato Senioretti Abbatis, habens folia 259. in quo continentur multa diplomata Monasterio Casinensi à Romanis Pontificibus Imperatoribus, Regibus, Principibus concessa. Custodiuntur supradicta opuscula m. ss. in Casinensi Biblioth. scamno primo ad lauam ingredientibus.

De scriptis, laudibus, & vita nostri Petri Diaconi, qui diuersus est ab alio Petro Diacono pariter Casinensi, qui vitam S. Athanasij Neapolitani descripsit; agunt Leo Ost. histor. Casin. Tritheimius, Card. Baron. Possevinus in suo Apparatu, Arnoldus Vuion lib. Ligni vita, Camill. Peregr. in histor. Princip. Langobard. pluribus in locis, alijsque quamplures. Vide etiam dictū lib. de Harmonia Psallentis Ecclesiæ in verbo Petrus, cui præfixa est rara, & exquisita notitia multorum auctorum cum librorum censura.





SUPPLEMENTVM  
VIRORVM ILLVSTRIVM  
MONASTERII CASINENSIS  
CONFLATVM

Per Dominum

PLACIDVM ROMANVM  
Monachum, & Diaconum  
Casinensem.

C A P V T I.



RICHARDVS Casinensis Ab-  
bas & Cardinalis scripsit expo-  
sitionem super Regulam sanctis-  
simi Patris Nostri Benedicti.  
Claruit anno Dom. MCCLVI.  
& sepultus est Casini, cum sedisset annis se-  
ptem.

A N N O T A T I O.

*SEPULCHRUM marmoreum Richardi Hanni-  
baldensis de Molara Domini Arcis Mola-  
ria in Latio infra Montes Tusculanos, nobi-  
lis Romani, Diaconi Cardinalis Sancti An-  
geli hodie visitur in Basilica Lateranensi, cum  
hac*

*hac veteri inscriptione, Memoria Richardi Hannibaldensis de Molaria S. R. E. Archidiaconi Cardinalis Sancti Angeli, qui à Gregorio Papa Nono creatus Romæ ann. MCCXL. Obijt Lugduni in Concilio generali ann. Domini MCCLXXIV. Extat in Biblioth. Casinenſi præfata expositio super Regulam Sancti Benedicti.*

## CAPVT II.

**B**ERNARDVS Gallus Abbas Casinensis: Scripsit & ipse super Regulam Sancti Benedicti. Edidit quoque Speculum Monachorum. Fecit etiam regesta duo, vnum collationum beneficiorum, & officiorum: Alterum, omnium inquisitionum iurium, & bonorum in Castris, & Villis Monasterij Casinensis. Floruit anno MCCLXXXII. Sepultus verò est in Casino, cū sedisset annis viginti duobus.

## A N N O T A T I O.

**B**ernardus Ayglerius Gallus Monachus Cænobij Sauiniacensis, diœcesis Lugdunensis, Innocentij Papa IV. extitit Capellanus, & anno MCCLVI. Abbas Sancti Honorati Insula Lirinensis, deinde iussu Urbani IV. anno MCCLXIII. electus Abbas Casinensis, postmodum in cœtum Cardinalium adlectus ab eodem Urbano asserunt nonnulli, alij verò, quod probabilius, à Clemente Papa IV. Vide



notam Abb. Vgbelli ad Giac. in Clement. IV. Frizonem in Gallia Purpurata, & Arnoldum Vuionem lib. 2. cap. 9. Lig. vita pag. 217. Hunc certè Carolus Primus Rex Francia illustri prudentie ac virtutis fama notissimum plurimi fecit, cumque iter in Italiam susceperet, eundem voluit & itineris comitem, & suorum participem, ac moderatorem consiliorum. Quanti etiam habuerit Urbanus Papa IV. nostrum Bernardum, ex literis eiusdem Urbani ad ipsum, cognoscere est; ex pluribus unam refert eruditissimus Marcus Antonius Scipio in elog. Abbat. Casinens. in Bernardo. Inter opuscula, quæ scripsit, solum extat typis cusum Speculum Monachorum, in tres partes diuisum; Venetijs, & Colonia anno MDXX. in xvj. Liber super Regulam Sancti Benedicti habetur m. ss. Casini, & in Cœnobio Sancti Benedicti Mantuano: reliquæ verò lucubrationes in Archiuio Casin. m. ss. reperiuntur. Obijt Bernardus Casini pridie nonas Aprilis anno MCCLXXXII. ibidemque sepultus.

Vide quæ notauimus de Cardinalatu nostri Bernardi post hæc impressum pag. 139.

### C A P V T I I I.

**I**GNATIVS Florentinus, Monachus Monasterij Florentiæ, & Abbas Casinensis, nobilitate insignis, & in Diuinis, & humanis scientijs apprimè eruditus. Scripsit sermonem pulcherrimum in honorem Sanctissimi Benedicti eumque coram magno Monasterij, & populi Cœtu

cœtu habuit, quando solemniter capta est possessio Monasterij Casinensis, sub Eusebio Mutinensi eiusdem Cœnobij Abbate, anno Domini MDV. Scripsit & carmen Saphicum in honorem, & laudem Sanctissimæ Trinitatis. Edidit quoque hymnos in honorem S. Bertharij Martyris, & Abbatis Casinensis. Clauit temporibus Leonis X. cuius dicebatur affinis. Sepultus verò est in Abbazia Ciuitatis Florentiæ, cum sedisset annos nouem in hac Casinensi Abbazia.

## A N N O T A T I O.

**D**E Ignatio filio Manfredi ex nobilissima Squarcialuporum Familia oriundo, viro doctissimo, ac diuini cultus zelantissimo, hæc scribit Michael Pocciantius in catalogo *Scriptorum Florentinorum*. Ignatius Squarcialupus Monachus Benedictinus eiusdem Congregationis Generalis Abb. amplissimus, vir vitæ sanctitate, & bonarum literarum scientia clarus, atque poeta illustris, cuius ingenium omnibus iugiter admirandum extitit: elaborauit tam metro, quam prosa, opuscula quædam, quibus memoriam sui posteritati commendauit, e quibus ista feruntur.

De Virginitate hymnus carminibus exametris.

Epistola Diui Benedicti ad Scholasticam, hetruscis versibus exarata. Orationes multis  
in

in locis suæ Congregationis in solatium Patrum habitæ.

Rursus hymni nonnulli, inter quos præcipuus extat ille in honorem Sanctissimæ Trinitatis, quem Patres Casinenses suis in Ecclesijs concinunt: & quædam alia.

Mors cum ex humanis abstulit Florentiæ M D X X. cuius ossa in Abbatia Florentina conquiescunt.

*Hæc de Ignatio Pocciantius. Præter memorata, conscripsit etiam Ignatius, teste Arnoldo lib. I. cap. 16. Ligni vitæ pag. 29. 30. infra scripta opuscula. De visione Illustr. Principis Ferrandi Gonsalvi compendium libr. I. Divinam Illustris Ferrandi. De aggregatione Monasteriorum Sicilia ad Congregationem Casinensem sermon. I. Superat vires moles. Extabant his proximis annis penes Abbatem Constantinum Caietanum. Carmen Sapphicum in honorem Sanctissimæ Trinitatis, & de Sancto Berthario hymni habentur m. ss. in Biblioth. Casinens. De eo agunt Arnoldus lib. I. cap. 15. 16. lib. 5. cap. 8. Comæcius lib. 6. Petrus Recordatus dial. 4. pag. 457. Diplomata Leonis X. sub datum Romæ anno M D X I V. anno I I. sui Pontific. Scipio in elog. Abbat. Casinens. fol. 215.*

## CAPVT IV.

**B**ENEDICTVS de Sancto Seuerino Monachus Casinensis, in Philosophia & diuinis Scripturis apprimè eruditus. Fuit temporibus Caroli V. & sepultus est in Casino. *Glaruit anno Dom. MDXX.*

## CAPVT V.

**I**USTINVS Hispanus Monachus professus Monasterij S. Iustinz, & huius Cœnobij Abbas nonagesimus septimus, vir in philosophia, & diuinis scientijs doctissimus, ac historiz amator. Fuit temporibus Caroli V. Imperatoris, & sepultus est in Monasterio S. Iustinz, cum sedisset anno vno in hoc Cœnobio. *Glaruit anno Domini MDXXII.*

## CAPVT VL

**A**VGVS TINVS Paduanus Monachus professus Monasterij S. Iustinz, & Abbas Casinensis nonagesimus nonus, vir in philosophia, ac diuinis scientijs doctissimus. Floruit temporibus supradicti Imperatoris. Obijt Brixiz, & sepultus est in Monasterio S. Faustini, cum sedisset in Abbatia Casinensi annis tribus.

ANNOTATIO.

**A**bbas Casinensis nonagesimus octauus, originem ducens ex familia Bonfiliort: claruit anno *M D X X X*. Vide *elog. Marc. Ant. Scipionis pag. 225.*

CAPVT VII.

**I**NNOCENTIVS de Nouaria, professus Monachus Monasterij Florentiæ, & huius monasterij Abbas centesimus quartus, vir disertus & valdè eruditus in diuinis Scripturis: Verum in Philosophia & Mathesi versatissimus. Claruit temporibus Caroli V. & Maximiliani Imperatorum. Obijt Venetijs, & sepultus est in monasterio S. Georgij, cum secessisset in hoc monasterio annis tribus.

ANNOTATIO.

**I**Nnocentius filius Nicolai Nouariensis, vir linguis Græcis, Hebraicis, Chaldaicis, ac Latinis optimè versatus & in omnibus scientijs eruditus. Decessit anno *M D L V I I*. Agunt de eo *Vuion. lib. 1. cap. 16. lib. 5. cap. 8. Vlmus, atque Marcus Antonius Scipio in elog. Abbatum Casinensium.*

## CAPVTVIII.

**A**NGELVS Sangrinus Abbas & restau-  
rator Cœnobij Casinenfis sub Vincentio  
Neapolitano Abbate huius monasterij: Mo-  
nachus ab adolescentia in Casino factus est, vir  
reuerendus & omni bonitate, & sanctitate re-  
dimitus, religione, & vita probatus, & in diui-  
nis scripturis versatissimus, Poeta insignis &  
admirabilis. Scripsit innumera penè opera, in-  
ter quæ hæc tantû breuitati cōsulens referam.  
Carmen heroicū de ineffabili Iesu nomine.  
Meditationes septem in septē nouissima ver-  
ba Iesu Christi eodem genere carminis exara-  
tas: similiter de misericordia, amore & boni-  
tate Dei erga peccatores: De spe peccatoris  
in Deum: Speculum peccatoris: Paræneses  
sex in hebdomada sancta: De nominibus Iesu.  
De contemptu diuitiarum, & vanitate huma-  
næ vitæ. Elegias duodecim de Iesu pietate, &  
amore in peccatores. Triumphū diuini amo-  
ris. Carmen sapphicū in Natiuitate Domi-  
ni, & in omnes alias eiusdem festiuitates.  
Epicediū in mortem Domini: De Iesu be-  
neficijs in hominēs: Scripsit & librum vnum  
diuerso carminum genere de laudibus B. Ma-  
riæ Virginis. Extant quoque libri duo, in qui-  
bus celeberrima nonnulla Sanctorum, & San-  
ctarum sacra vario describuntur metro; eo-  
rumq; gesta, hymnidicis proferuntur modulis.

-A 3

I II

Aureas

Aureas etiam, divinasque sententias ex Davidis Psalmis excerptas elegiaco carmine conscripsit. Insuper vitam Sanctissimi Patris Nostri Benedicti, eadem heroico conscripsit. Elegias duodecim de passione Domini. Paraphrasim vario metri genere excultam in Psalterium Davidis Regis. De martyrio Monachi Vitam B. Guillelmi Anacorete carmine sapphico. Vitam Sancti Patris Benedicti, Sanctorum Mauri, Placidi, & Ioannis Baptistæ carmine heroico. Vitam aliam Sanctissimi Benedicti carmine sapphico, & soluta oratione moralem expositionem continentem. Tractatum orationis quadraginta horarum. Et Psalterium gloriosæ Virginis Mariæ carmine sapphico. Scripsit etiam quamplura alia poetica, quæ longum esset singula enarrare. Edidit etiam dialogos, homilias, & sermones multos soluta oratione. Vivit usque hodie & septuagesimum octauum excessit annum.

# A N N O T A T I O.

**A**B oppido Sangri familia de Faggis ortus est Angelus, qui, (si Platonis illud verum est, nomina rebus plerunque convenire) Angeli instar fuit, prisca quidem virtutis, ac sanctitatis exemplar, temporis avarissimus, & diligens, horarumque peruvigil distributor, poetica facultatē usque adeo pollebat, ut quidquid libuisset, facile atque ubertim penē ex-

temporaneo carmine enunciaret. Opuscula  
 qua edidit, teruntur passim eruditorum ma-  
 nibus impressa Colonia Agrippina. Psalmos  
 David mira Paraphrasis arte colligauit imi-  
 tatione Hebraeorum, quos numeris decurrere  
 auctor est Hieronymus, ut & Iobi pleraque,  
 & Hieremia Threnos: extat impressa paraph.  
 ista Venetijs MDXL. & Basilea MDLXI.  
 Roma verò MDLXXXVII. in iv. excusa est  
 vita Sancti Benedicti carmine heroico. Tra-  
 ctatus quadraginta horarum habetur impres-  
 sus Florentia MDLXXXVI. in xij. &  
 Tridenti in xvj. Obijt Casini an. MDXCIII.  
 atatis sua xcij. cuius corpus anno octauo post  
 quam terra mandatum fuerat, integrum illa-  
 sumque se vidisse in sepulchro testati sunt  
 nonnulli.

## C A P V T . I X.

**H**ONORATVS Hiserniensis, ex familia  
 Fascitella, in Casino Monachus susce-  
 ptus est sub Vincentio Neapolitano: Postea  
 verò creatus est Episcopus de Insula in Cala-  
 bria, Vir in Græcis, humanis, & diuinis li-  
 teris versatissimus. Poeta insignis. Scripsit  
 quamplurima opera, quæ temporum calami-  
 tate ad manus nostras non deueniunt: Flo-  
 ruit temporibus Caroli Quinti, & Maximilia-  
 ni Imperatorum.

ANNO-



## A N N O T A T I O.

**M**arci filius natus anno MDII. laudatus à Bembo, Ioanne Cafe, Flaminio, aliisque doctissimis viris; cuius etiam poemata lepidissima leguntur apud Iouium in elog. Suntque impressa quoque in delitijs Poetarum Itatorum. Insigne edidit opus de factis Alphonsi Auoli Marchionis Vasti. Anno Domini MDLI. die xxx. Ian. à Iulio Papa III. ornatus Infula Episcopali; praeceptor datus Innocentio Montio Card. eiusdem Pontificis Nepoti adoptiuo. Meminere Ioannuccius Gerus lib. I. Poetarum Illustr. Italia, & Caramezza in suo Museo Illustriorum Poetarum hoc distico.

Lacteus est vates. Cur lacteus? undeq. lactis  
Nomen habet? versu est cādidus atq. tener.  
Interfuit Concilio Tridentino. Romae obijt  
mense Martij MDLXIV. ibidemque sepul-  
tus postquam Episcopatum resignauerat an-  
no MDLXII.

## C A P V T X.

**G**REGORIUS de Viterbio, Monachus Casinensis, vtriusque Iuris doctissimus, Floruit temporibus dictorum Imperatorum, & sepultus est in Casino.

## A N N O T A T I O.

**M** *Eminit Arnoldus lib. 2. Ligni vita, de script. Eccles. litera G. hoc lemme.*  
 D. Gregorius Viterbiensis I. V. D. & Monachus Congregationis Casinensis, alias S. Iustinae de Padua, qui claruit anno Dom. MDXL. Scripsit tam piè, quàm doctè, super Euangelium Ioannis: In principio erat verbum, homilias, siue sermones tres, qui sic incipiunt. I. Dicibilis sermo de indicibili Verbo in verbis dicibilibus. II. In principio erat Verbum. III. Non licet filiis veritatis. Sunt m. f. f. apud D. Constantinum Siracusanum Monachum Catanensem. *Ita Arnoldus.*

## CAP. V. T. X. I.

**B** ENEDICTVS Canophilus Sangrinus, Monachus in Casino factus est sub Ignatio Florentino Abbate Casinensi, vir vtriusque Iuris doctissimus. Scripsit quamplurimos libros in Iure Canonico. Edidit quoque Repertorium quoddam in Iure Ciuili, & extractum de foro fori, & foro poli, qui quidem est impressus. Claruit temporibus Caroli V. & sepultus est in Casino.

ANNO:

## A N N O T A T I O.

**B**enedictus Canophilus de Castro Sangriscit Compendium Iuris Civilis, ac Canonici, & summorum rerum. Scripsit etiam Repetitionem super primum Decretalium de Constitut. fori & poli, qui tractatus excusus est Venetijs anno MDXLII. in viij. quem Bernardinus Banfius I. V. D. Lector ordinarius, ac Decanus Patauinus testatur à doctissimo Marco Mantua, alijsque clarissimis viris in Patauina Academia examinatum, approbatum, commendatumque meritò fuisse. Scripsit etiam de privilegijs Ecclesie, & ecclesiasticarum personarum. De criminibus in Deum, & proximum. & pœnis eorum. Floruit anno Domini M D L.

## C A P V T X I I.

**C**HRYSOSTOMVS de S. Gemiliano Calaber, Monachus Casinensis factus sub Chrysostomo Neapolitano Abbate, postea Archiepiscopus Ragusinus creatus est; vir sanctitate insignis; reformator Monasteriorum Insule Melitæ propè Ragusium, in scientijs doctissimus: sed & in græca lingua valde eruditus. Transulit diuersos tractatus à græco in latinum sermonem. Claruit temporibus supradicti Imperatoris. Obijt Ragusij temporibus nostris, & sepultus est in suo Archiepiscopatu.

ANNO.

## A N N O T A T I O.

**C** *Hrysoſtomus fuit electus Archiepiſcopus, cedente Ludouico Beccatello Bononiensi die xxj. Octobris M D L X I V. ut ex actis Conſiſtor.*

## C A P V T X I I I.

**F** *LA V I V S* de Ferraria Monachus Caſinenſis, & poſtea Epiſcopus Rauellenſis, græca & latina lingua valdè inſtructus, à Papa Iulio III. plurimum dilectus, atque ob hoc ab eodem Epiſcopus creatus eſt. Floruit temporibus Maximiliani Imperatoris.

## A N N O T A T I O.

**H** *Vnc non bene Flauium vocat noſter Placidus, uti etiam Arnaldus Vvion lib. 2. Ligni vit. cum Hercules Tombefius in catalogo Rauellenſium Epiſcoporum nominetur. Epiſcopali dignitate inſignitus legitur anno Dom. MDLV. die xvij. Septembris. Ferraria obiit anno MDLXX. ibique ſepultus in Eccleſia Sancti Franciſci. Teſtatur Marcus Antonius Guarinus in Compend. hiſtor. Eccleſiarum Ferrariæ lib. 4. pag. 247. & Vir Clar. Vghellus in Epiſcopis Rauellenſibus ſe legiſſe meminif inſculpta in eius tumulo hæc pauca verba*

*verba vernacula lingua.* Hercole Tambusi  
Vescovo MDLXX.

C A P V T X I V.

**S**EVERVS Auerſanus, in Caſino Monachus  
ſub Chryſoſtomo Abbate ſuſceptus, vir  
in Philoſophia verſatiſſimus, & in diuinis ſcri-  
pturis ſtudioſiſſimus. Floruit temporibus ſu-  
pradiſti Imperatoris, & ſepultus eſt in Caſino  
in Cœmeterio S. Annæ. *Claruit anno Domi-  
ni M D L X X.*

C A P V T X V.

**L**VCA S Fratendiſ Monachus in Caſino  
ſub Chryſoſtomo Abbate factus eſt. Vir  
acer ingenio, & in diuinis ſcripturis, & in Phi-  
loſophia doctiſſimus. Claruit temporibus Ma-  
ximiliani Imperatoris, & ſepultus eſt in Mo-  
naſterio S. Benedicti Mantuanæ Diceceſis, in  
quo Philoſophiam publicè docuit. *Floruit  
anno M D L X X.*

C A P V T X V I.

**H**IERONYMVS patria Neapolitanus, ex  
nobili & Illuſtri Caracciolorum familia  
oriundus, Monachus ab adoleſcentia factus eſt  
ſub Hieronymo de Monte Rubeo. Vir hami-  
litate ſummus, caſtitate pudicus, prudentia,  
animi

animi magnitudine, morum grauitate, ac religionis conuersatione insignis: nobilis carne, sed nobilior spiritu, humanis & diuinis literis sufficienter instructus. Floruit temporibus nostris, & adhuc uiuit, Abbasque titularis existit. *Anno MDLXX. clarescebat.*

## CAPVT XVII.

**P**AVLVVS de Alta-Villa, Monachus in Casino susceptus sub Hieronymo de Placentia Abbate: vir in Græcis, Hebraicis, & Latinis literis doctissimus, memoria tenax, ingenio viuax. Fuit temporibus nostris, & sepultus est in Casino, in Cœmeterio Sanctæ Annæ. *Claruit anno MDLXXX.*

## CAPVT XVIII.

**M**ATTHIAS de Bergamo, Casinensis Monachus, vir in diuinis literis versatus, & memoria adeo pollebat, vt plures noui, & veteris testamenti libros memoriter recitaret. Obijt temporibus nostris, & sepultus est in Casino, in Cœmeterio S. Annæ. *Claruit anno MDLXXVII.*

## CAPVT XIX.

**B**ENEDICTVS de Sancto Germano, in Casino sub Hieronymo de Placentia Abba-

Abbate, Monachus factus est. Vir egregius, & ingenio magnus: in Latinis, Græcis, & Hebraicis literis valde eruditus, in Philosophia autem & Theologia doctissimus: adeo ut suis temporibus in nostra Congregatione nemini fuerit secundus. Scripsit Commentaria in Psalterium Hebraicum, in epistolam Pauli ad Romanos. Tractatum de usuris: edidit quoque expositiones super Psalmos. Scripsit præterea super libros Perhiermenias, Priorum & Posteriorum Aristotelis, super libros de anima eiusdem: Est quoque in lucem editus, & impressioni traditus ipsius tractatus de imitatione Ciceronis. Extant disputationes in libros Prædicamentorum Aristotelis, & pulcherrimum illud opus, quod inscribitur Proverbia animalium. Scripsit etiam Apologiam contra calumniantes eius opera. Claruit nostris temporibus, & adhuc vivit. *Anno Domini M D L X X.*

C A P V T X X.

**B**ERNARDVS de Ianua, Monachus Casinensis factus est sub Hieronymo de Placentia huius Monasterii Abbate: Vir disertus & eruditus in Philosophia, & diuinis scripturis: Fuit temporibus Maximiliani Imperatoris, & sepultus in Casino: *Claruit anno Domini M D L X X.*

## CAPVT XX I.

**A**NTONIVS Frachenſis Monachus in Caſino, ſub Lauro de Mantua huius Cœnobij Abbate ſuſceptus eſt. Vir acri, & magno ingenio, in Græcis & humanis literis verſatiſſimus, in Iure etiam Pontificio valde inſtructus. Scripſit quoddam Repertorium Polyanthea dictum, alphabeti ordine diſtinctum pro Archivio Caſinenſi: in quo quidem opuſculo & iuriſdictiones, & dignitates, & quæcunque bona fuerint vel ſint monaſterij Caſinenſis, facile eſt inuenire. Edidit quoque liberum quendam conſinium bonorum Caſinenſis Cœnobij, ſed morte præventus, imperſectum reliquit: qui poſtea à me Placido Romano Monacho Caſinenſi repurgatus, & perfectus fuit. Floruit temporibus Maximiliani Imperatoris, & ſepultus eſt in Monaſterio Sancti Liberatoris de Maiellâ. *Floruit anno Domini MDLXXV.*

## CAPVT XX II.

**L**VGAS ANTONIVS de Firmo, in Caſino ſub Hieronymo de Placentia Abbate Monachus factus eſt, vir in Philoſophia, & Medicina doctiſſimus. Floruit temporibus ſupradicti Imperatoris. Obijt Caietæ temporibus noſtris, & ſepultus eſt in Monaſterio Sancti Angeli. *Anno MDLXX.*



## CAPVT XXIII.

**P**IUS Patria Neapolitanus, ex nobili, & antiqua Familia Lottheriorum Ciuitatis Florentiæ ducens originem, Monachus in Casino factus est, sub Innocentia de Nouario huius Cœnobij Abbate. Vir religione, & bonitate perspicuus, in diuinis scripturis doctus, & notitia Iuris Civilis, & Ecclesiasticorum dogmatum sufficienter instructus: Qui cum xxv. annis religiosè, & laudabiliter vixisset, in nostra Congregatione Casinensi existens, Prior Sancti Seuerini in Ciuitate Neapolis à Papa Gregorio XIII. Episcopus Fundanus creatus est, de quo quia adhuc viuit, meum iudicium subtraham, ne in alterutram partem aut adulatio in me reprehendatur, aut veritas.

## ANNOTATIO.

**C**reatus Episcopus anno MDLXXVI. xxx. Ianuarij. Vir religione & bonitate perspicuus, acerrimus Ecclesiastica libertatis defensor. Decessit Casini MDXCII. ibique tumulatus quiescit.

## CAPVT XXIV.

**T**HEOPHILVS Senensis in Casino sub Angelo Sangrino Abbate Monachus factus.

factus est, vir ingenio perspicax, in scientijs valde eruditus, verum in Philosophia, Mathematica, & Theologia doctissimus, adeo vt suis temporibus in Congregatione nostra Casinensi admirabilis haberetur. Floruit temporibus nostris & adhuc viuit. Hic bis vocatus à Romano Pontifice fuit, vt eius opera in quibusdam Ecclesiasticis negotijs vteretur. Edidit tractatum de noua restitutione Kalendarij.

## A N N O T A T I O.

**T**heophili Martij nobilis Senensis meminit Petrus Recordatus hist. Monastica. Roma in Basilica Sancti Pauli Pœnitentie ministris Pontificijs à Gregorio XIII. adscriptus legitur. De eius laudibus scripsit Fr. Isidorus Vgurgierius Azolinus Ord. Præd. lib. cui nomen præfixit. Pompe Sane tit. xxj. pag. 667. Extat apud nos tractatus m. s. de Reformatione Kalendarij, incipit. Magna quidem aggredi laudabile est. Obijt Casini anno MDLXXVI.

## C A P U T X X V.

**B**ENEDICTVS Capuanus in Casino sub Angelo Sangrino Abbate Monachus susceptus est, vir discretus, & valde eruditus in diuinis & humanis literis. Verum in scribendis carminibus materna lingua Poeta insignis, &

& nostris temporibus admirabilis. Edidit librum vnum carminum materna lingua, in quo martyrium D. Agnetis, Agathæ, Lucie, Iustine & Catherinæ decantat. Scripsit quoque, eadem lingua & metro tractatum de cogitatione mortis: Triumphum Martyrum, Confessorum & Virginum: Librum vnum piorum carminum diuerso metri genere. Extat etiam eiusdem Tragædia Iephtæ Ducis Israelitici populi. Scripsit & Commentaria in Dantem Poetam. Edidit quoque librum vnum epistolarum materna lingua. Floruit temporibus nostris, & adhuc viuit.

A N N O T A T I O.

**C**laruit Benedictus anno Dom. MDLXX. Originem ducens ex nobili familia de Vua. Passiones Sanctarum Agnetis, Agathæ, Iustinae, & Catharinae typis cuse sunt Florentia anno MDLXXXV II. in iv. sicuti Iephte Tragædia.

C A P V T XXVI.

**I**OANNES Euangelista patria Neapolitanus, ex nobili Mormiliorum familia oriundus, Monachus in Casino ab Ignatio Neapolitano susceptus est. Vir ingenio perspicax, & diuina, & humana eruditione valde instructus. Verum in versificandi scientia an-

I

tiquis

tiquis per omnia comparandus. Scripsit quā-  
 plurimos tractatus. Librum scilicet, in quo  
 continentur præcipuè Domini festiuitates.,  
 vario metri genere illustratæ. Librum de lau-  
 de gloriosæ Virginis Mariæ, in cuius calce eius  
 Psalterium elegiaco carmine concinitur. Li-  
 brum, qui nonnullorum Sanctorum vitas, hym-  
 nosque vario carminum genere continet.  
 Extat, & alius eiusdem liber carminum, in quo  
 illa præsertim opuscula cōtinentur; De insigni  
 Christianorum victoria contra Turcas tem-  
 poribus Maximiliani Imperatoris, & Pij V.  
 Pontif. Max. De laudibus Casinensis Iuuen-  
 tutis; Ibidemque liber odarum appenditur,  
 & in fine continetur liber Tristium, vbi suas,  
 & amicorum ærumnas elegiacè decantat: sunt  
 & quatuor eiusdem Eclogæ. Scripsit præterea  
 innumera Epigrammata. Edidit quoque de-  
 clamationes & sermones aliquot, homilias  
 duas prosa oratione. Item expositionem in  
 epistolam D. Pauli ad Romanos; & in librum  
 Perihermenias Aristotelis. Materna autem  
 lingua quamplurima pia carmina de laudibus  
 gloriosæ Virginis Mariæ, & vsque in præsen-  
 tem diem scribit.

## ANNO TATIO.

**S**cripsit etiam de Sancta Febronia Virg. &  
 Martyr. versus, qui habentur impressi Ro-  
 me MDLXXXIX. vnde cum operibus Pro-

*Speri*

*ſperi Martinengi. Memorata opuscula m. ſſ. uti etiam multa alia, ſe legiſſe teſtatur lib. 2. Lig. vit. pag. 430. Arnöldus Vuion, dum Caſini morabatur. Meminit & Poſſeuinus in ſuo Apparatu. Clareſcebat anno M D X C.*

C A P V T XXVII.

**T**HOMAS ab Ebulo, Caſinenſis Mona-  
chus, ſub Angelo Sangrino Abbate fa-  
ctus eſt. Vir prudentia & ingenio inſignis:  
In philoſophia, & diuinis ſcripturis doctiſſi-  
mus. Scripſit librum Synodaliæ: Librum  
examinis Confefſorum, & promouendorum  
ad ſacros ordines, & eorum, qui mittendi ſunt  
ad parochiales Eccleſias. Edidit quoque ma-  
terna lingua Conciones quinquaginta. Floruit  
temporibus noſtris, & adhuc viuít, & Vica-  
rius generalis in tota Diœceſi Caſinēſi exiſtit.  
*Obijt poſt annum M D L X X I V. Caſini.*

C A P V T XXVIII.

**H**IERONYMVS ex nobili Serſalium fa-  
milia Ciuitatis Coſentia originem du-  
cens, in Caſino ſub Hieronymo de Placentia  
huius ſacri Cœnobij Abbate Monachus eſſe-  
ctus eſt. Vir callido quidem, & ſubtili Inge-  
nio, in humanis & diuinis literis mediocriter  
eruditus; verum in rerum humanarum expé-  
riencia, & in peragendis negotijs inſignis, &

admirabilis. Floruit temporibus nostris, & huius Casinensis Cœnobij Abbas extitit. Sepultus verò est Parmæ in Monasterio S. Ioannis Euangelistæ, vbi Capitulum generale nostræ Congregationis celebratur. In anno Domini MDLXXVII.

## CAPVT XXIX.

**A**POLLINARIS à Bauco ab adolescentia sub Lauro de Mantua Abbate in Casino Monachalem vestem induit, vbi per triginta ferme annos angelicam potius, quam humanam vitam duxit. Hic vir vitæ integerrimæ, humanis & diuinis literis satis instructus, adeò in scripturis sacris deditus erat, vt exercitationis causa, atque ne otio torpesceret, ex veteri, & nouo testamento, atque ex diuersis Catholicis, Orthodoxisq. Patribus innumeras aureas sententias excerpserit & scripserit. Decanus præterea in hoc Casinensi Monasterio existens, nouitiorum curam inuitus, ac renitens suscepit. Tali igitur fungens officio, me licet indignum, Casinensium Monachorum cœtui adscripsit, sub Dño Matthia de Lignano, huius Cœnobij Abbate, cum viginti essem annorum, in anno Domini MDLXX. De hoc magistro meo illud silentio non prætereundum esse iudicauit, quod ad vitæ integritatem & puritatem pertinet. Nam talis eius vita fuit, vt mortis suæ tempore, in vigilia scilicet Natiuitatis S. Ioannis Baptistæ, cum in Missa, Gloria in-  
 excel-

excelsis Deo cantaretur in Ecclesia, eius anima ab ergastulo corporis egrediens in Cælum ab Angelis deferri cerneretur. Sepultus verò est in Cœmeterio Sanctæ Annæ. Anno Domini MDLXXI.

C A P V T XXX.

**A**NDREAS à Sueffa, Iuuenis præclarè indolis, & viuacis ingenij, de ciuitate Neapolitana, vbi à parentibus studijs literarum erudiendus traditus fuerat, egrediens, Casinum aduenit, atque ab Isidoro de Placentia huius sacri Cœnobij Abbate, Monachus factus est. Hic exiguus quidem corpore, sed ingenio magnus, ab ipso ferè suæ conuersationis initio, ob sui ingenij viuacitatem, & rerum mundanarum experientiam, cum singulari quadam prudentia, ac solertia coniunctam, multis annis huius nostri Monasterij negotijs operam dedit. Inter multa præclara ingenij sui monumenta, existens in regimine Terræ nostræ Citrarij scripsit Regesta duo omnium Iurium, & bonorum, quæ in præsentiarum in eadem Terra à nostro monasterio possidentur. Humanis insuper, & diuinis literis apprime eruditus, magnam suam apud omnes adhuc viuens expectationem concitauit. Viuit etiam & temporibus nostris huius Casinensis monasterij Præpositus existit. *Floruit anno Domini MDLXXVIII.*

## CAPVT XXXI.

**G**REGORIVS Cortesius Mutinensis, Abbas primum Sancti Petri de Perusio, deinde Sancti Benedicti de Mantua, & S.R.E. Cardinalis à Papâ Paulo Tertio creatus, anno Dom. MDXLII. Vir vtriusque Iuris doctor, & in diuinis scripturis valde instructus. Scripsit quamplurima carmina in laudem Diui Petri, quæ impressa reperiuntur. Obijt Romæ, & sepultus est in Ecclesia Sanctorum Apostolorum anno Domini MDLXXXIV.

*Explicit Supplementum Domni Placidi  
Romani, & Diaconi, de viris Illustri-  
bus Cœnobij Casinensis.*

## A N N O T A T I O.

**N**obilissima Familia Cortesiorum ortum suum habuit à quodam Imperiali Vicario nomine Ludouicus Cortes, inter Gallos nobilissimus; qui cum esset à consilijs Pipini Regis Italiae, Caroli filij, Civitatem Mutinam inhabitauerat. Ex ea Gregorius noster natus est; vir quidem græcis, latinisque literis instructissimus. Seuerum Varinum Placentinum Monachum Cisterciensem, raræ & exquisitæ eruditionis virum, præceptorem habuit. Ab iuente etate Ciuili, Canonicoq; Iuri opera-  
ram



ram dedit, & apud Ioannem Medicem Cardinale, postea Leonem Papam Decimum audiendarum Causarum munus exercuit. Demum cum Romana aula pertasus ad sua pristina studia redisset, ex diuino etiam instinctu, Casinensibus Monachis nomen dedit. Bius postea virtutis, probitatis, ac scientie fama, inductus Paulus Papa Tertius, in Collegium Cardinalium adseuiuit, incredibili totius Senatus consensu, anno Domini MDXLI. die xj. Iunij rit. Sancti Cyriaci in Thermis, & Urbinate nsium Praesul est etiam dictus: privilegio insuper concessa, ut purpureo cultu sibi uti liceret, tametsi Monachus Benedictinus esset, quod etiam concesserat Card. Philippo à Camera Gallo pariter Benedictino. Plurima huius viri clarissimi monumenta relicta sunt, videlicet.

Quod Sanctus Petrus Romae fuerit, ad Hadrianum Sextum lib. 1.

Epistolarum Familiarum lib. 1.

Hi duo impressi sunt Venetijs apud Franciscum Franciscum Senensem anno Domini MDLXXXIII. in iv.

De Theologica Institutione lib.

Hymnorum diuerso metro lib. 1.

Carmen sapphicum de vita Sancti Honorati Archiepiscopi Arelatensis.

Hymnus in Deiparam Virginem.

In Dipum Honoratum Carmen.

In Lerinam Insulam Carmen.

De potestate Ecclesiastica tract.

De peccato originali.

De direptione vrbis Genuensis.

De Theologia & Philosophia multa.

Lerinenſis Inſulæ, & Cœnobij laudes.

Pœmata quædam ad imitationem Catulli.  
*Prodierunt ex Aldioſſicina cum Sanazari de  
partu Virginis lib.*

Sancti Baſilij de Virginitate liber è græco  
in latinum idioma, eius opera perlegitur.

*De Viris Illuſtribus Ordinis Monaſtici lib. 1.*  
qui furto ſublatus ideò non habetur, refert Ar-  
noldus *Vuion lib. 2. Lig. vit. pag. 216.* Et alia  
multa ſcripſiſſe fertur, qua temporum iniuria,  
hominumque negligentia perierunt.

Libri quatuor inſententias Petri Lombardi  
perperam à Nomenclatore Card. à Torrigio  
lib. de Script. S. R. E. Card. & ab alijs attri-  
buuntur noſtro Gregorio, cum ſuum agnoſcant  
auctorem Paulum Corteſum Prothonotarium  
Apoſtolicum.

Extant diuerſæ epiſtolæ Dionyſij Faucherij  
Monachi Lerin. in laudem noſtri Gregorij in  
Chronolog. Lerin. Quanti autem integritate  
eius, doctrinam, ac prudentiam incom-  
parabilem ſupradictus Paulus Pontifex fece-  
rit, ex miris laudibus, quibus eum coboneſta-  
nit, quando in cœtum Cardinalium adlegit,  
agnoſces: audi ipſum cum eo loquentem.

Hodie in his ſacris ieiunijs, atque in Conſi-  
ſtorio noſtro ſecreto, inducti ſingulari tua

pro;

probitate, religione, integritate, ac doctrina, re  
S.R.E. Cardinalem, cum Dei nomine, de Ve-  
nerabilium Fratrum nostrorū eiusdem S.R.E.  
Cardinalium consilio, creauimus, &c. *Me-  
minere Cortesij Sadoletus, & Bembus; quo-  
rum alter doctissimum, alter excellentis doctri-  
na virum appellat, ingenijque propè diuini.  
Vide etiam quæ notauit eruditissimus d'Au-  
berì in histor. generali Cardinalium Gallico  
idiomate conscripta par.4. edita Parisijs 1647.  
Obijt Roma anno Domini MDXLVII.  
xj. Kalendas Octobris, sepultusque est apud  
Ecclesiam Sanctorum Apostolorum ante alta-  
re Sanctæ Eugenia.*



ADDEN-

THE  
JOURNAL  
OF  
THE  
ROYAL  
ANTHROPOLOGICAL  
INSTITUTE  
OF GREAT  
BRITAIN  
AND IRELAND  
VOLUME  
LXXV  
PART I  
1905



BRITISH MUSEUM

## ADDENDA ANNOTATIONI

## Cap. 2. de Cardinali Ayglerio

pag. 111.



*N V M* verò notandum est, quod noster Bernardus Ayglerius fuit à Ciacono, & Panuino in Elencho Cardinalium prætermisus, nec inter purpuratos nominatus, eo quod, ipsi putauerint Clementem Papam I V. nullum creauisse Cardinalem, ut asserit eruditissimus Petrus Coretinus in Chronologia Episcoporum Viterbiensium, ideoque in Sede vacante Clementis I V. Ciaconus decem & septem Cardinales numerauit, ac proprijs nominibus expressit non recensito nostro Ayglerio, cum vera decem & octo fuerint, quod colligit idem Coretinus ex quodam diplomate asseruato in Archiepiscopo Ciuitatis Viterbiensis, quod tibi damus ex originali transcriptum singulari humanitate Vir. Clar. Dominici Magri Meliten-  
sis Canonici Viterbiensis Cathedralis, in quo Henrico Cardinali Ostiensi (qui summam in Iure Canonico edidit, quamque vulgo ob excellentiam Ostiensem vocamus) conceditur facultas exeundi è Conclauis à cæteris Collegis, qui præter dictum Henricum sunt decem & septem, ut clarè habetur ex decem & septem sigillis ex cera rubra pendentibus cum Sancto-

rum imaginibus temporum iniuria consumptis in infraſcriptò diplomate . Ex his inferit dictus Coretinus omnes in Conclauſi fuiſſe decem & octo , inter quos erat noſter Bernardus creatus unica promotione à Clemente Quarto cum ſigillum Henrici non extitiſſe credendum ſit , qui facultatem exeundi è Conclauſi petebat , aſſenſum verò non præſtabat , pro cuius ſigno ſigillum in diplomate apponebatur . Ex tunc enim Conclauſis uſus inualuit , qui uſque ad hac noſtra tempora perſeuerat ; nam antea Cardinales conueniebant ſummo mane in Cathedrali Eccleſia , ibique ſuffragia pro eligendo Summo Pontifice jerebant , quibus peractis ad eorum domicilia reuertebantur . Viterbienſes autem hortatu Sancti Bonauentura , qui tunc ibi degebat , Duce Raynerio Gatto Ciuitatis portis obſeratis, & Cardinalibus ipſis in Episcopale Palatium propè Cathedralem conſtructum, adductis, omnes ibidem die Pentecoſtes incluſerunt: ſicque Conclauſis originem traxit, vt Panuinus etiam cum Ciacono affirmat . Sed quia peruiſaces ac obſtinati nihilo minus ad electionem ſe demonſtrabant , Raynerius Gattus tunc Ciuitatis Viterbienſis Capitaneus, ac Conclauſis cuſtos, quique alimenta neceſſaria Patribus quotidie ſubminiſtrabat , diſcooperta aula Palatij , vt legitur in præinſerto diplomate his verbis . Datum Viterbij in Palatio diſcooperto, Cardinales ad Põtificis electionem iniendam aeris iniuria rerumque,

penu-

penuria compulſit, edoſtus à Card. Ioanne Anglo cognomento de Toletò Monacho Ordin. Cifterc. Epifcopo Portuenſi, quem aliqui perperam de Franciogia nuncupant, qui ad Sociorum diſcordiam exprobrandam Palatium ſupradictum, in quo electio fieri debebat, tecto & lateribus nudandum, quibuſdam ſalibus facietis iactis, predicabat; ut Papirius Maſſonius, Panuinus, Vgbellus tom. 1. Ital. ſacr. in elencho Epifcoporum Portuenſium in Ioanne fol. 162. Odoricus Raynaldus ad annum Domini MCCLXXI. uu. 12. referunt, adeo ut perrupta animorum duritie prævio compromiſſo inter eos inito Thealdum de Vicecomitibus Placentinum Archidiaconum Leodiensem extra eorumdem Patrum numerum, & tunc in Syria pro Chriſti fide commorantem die prima Septembris MCCLXXI. Pontificem creauerint ſub nomine Gregorij Decimi poſt longam duorum annorum, nouem menſium, ac vnius diei, Sedis vacationem.

*Exemplum præſati diplomatis  
eſt huiusmodi.*

**N**OS miſeratione diuina Epifcopi, Presbyteri, & Diaconi Sacroſanctæ Romanæ Eccleſiæ Card. Infirmiſſi Venerabilis Fratris noſtri H. Oſtienſis, & Velleſſæ Epifcopi Fraternaliter compatiētes affectu, vobis Alberto de Monte Bono Potēſtati, & Raynerio Gatto, qui

qui pro Capitaneo Viterbiensi te geris, & Comuni Viterbiefi tenore presentium sub debito fidelitatis, quo nobis, & Ecclesie Romanae tenemini districte precipiendo mandamus, quatenus cum idem Episcopus iuri, & voto sibi competentibus in electione Romani Pontificis renunciauerit coram nobis quantum ad presentem vacationem duntaxat, volens, ut non obstante eius absentia, sine ipso hac vice liberè procedamus ad providendum Romanae Ecclesiae de Pastore ratam habiturus, & gratam electionem, seu provisionem, quam de Romano Pontifice absque ipso, & eius requisitione duxerimus faciendam, ac instanter petierit vobis mandari, ut de Palatio, in quo sumus inclusi, ipsum permitteretis exire, eundem Episcopum de ipso Palatio statim egredi liberè permittatis, nec ipsum de cetero aliquatenus detineatis inuitam. Datum Viterbij in Palatio discooperto Episcopatus Viterbiefi vj. Idus Iunii anno Domini MCCLXX. Apostolica Sede Vacante.

Loco ++++++ sigillorum  
pendentium ex cera rubra numero decem  
& septem.

LAUS DEO.





